



- [الأدب العربي](#)
- [pdf تحميل كتب علم اللغة](#)
- [حلول كتب](#)
- [حلول كتب المناهج السعودية](#)
- [روايات وقصص ساخرة](#)
- [سير وتراجم ومذكرات](#)
- [غير مصنف](#)
- [قصص أطفال](#)
- [pdf كتاب الصحة والجمال](#)
- [pdf كتاب طب](#)
- [pdf كتاب طب الاعشاب](#)
- [pdf كتاب قصص عالمية](#)
- [pdf كتاب قصص عربية](#)
- [pdf كتب اسلامية](#)
- [pdf كتب اقتصاد](#)
- [pdf كتب الرومانسية](#)

- [pdf كتب الرومانسية](#)
- [pdf كتب تاريخ](#)
- [كتب تنمية بشرية](#)
- [pdf كتب روايات عالمية](#)
- [pdf كتب روايات عربية](#)
- [pdf كتب سياسية](#)
- [pdf كتب طبخ](#)
- [كتب علم نفس واجتماع](#)
- [pdf كتب علمية](#)
- [pdf كتب فكر وثقافة](#)
- [pdf كتب فلسفة ومنطق](#)
- [pdf كتب قانون](#)
- [pdf كتب قصص أطفال](#)
- [pdf كتب كمبيوتر وانترنت](#)
- [PDF – كتب متنوعة للقراءة](#)
- [pdf كتب مقارنة اديان](#)
- [pdf كتب مقارنة الاديان](#)
- [كتب هندسية](#)
- [كتب ودواوين شعرية](#)
- [مكتبة الكتب التعليمية المجانية](#)

رواية عيناى لا ترى الضوء الفصل الاول 1

انا اتجوزت واحد معرفهوش بسبب أخويا... بس
بعد ما اتجوزنا عرفت كمان إن هو اتجوزني بسبب
أبوه

يعني احنا الإنتين بسبب اهلنا حصل كده...

المهم بعد ما اتجوزنا هو في أوضة لحاله و انا في
أوضة و مش بنتكلم مع بعض ابدأ غير
للضرورة...

انا عليا شغل البيت و هو عليه شغله اللي بيروحه
(أنا اسمي أيلين و هو إسمه سليم)

قعدنا كده أخوات اكثر من 8 شهور... سليم حرفيا
مش طايقني !! و قدام الناس كلها إحنا أحلى اتنين
في الدنيا لكن في الحقيقة لا طبعا...

هو من النوع اللي مش بيعمل مشاكل و هادي و
في حاله... و أنا كذلك يعني احنا الإنتين مختصرين
بعض

البيت طول فترة جوازنا كله هدوء مفيش خناق و
لا مشاكل أبداً... بس الهدوء ده طبعا مش هيقعد
لطول العمر يعني....

متقول الحقيقة انت بتكذب ليه ؟؟؟؟ ،

...خلاص يا أشرف امشي دلوقتي ”

مشي عم أشرف و سليم بصلي و عليه كمية غضب
شديدة

”جبتي عشيقك هنا و قعد 3 ساعات !!! عملتوا
ايه ال 3 ساعات دول ؟ جه اليوم اللي قلب الهدوء
ده رأس على عقب حيث كانت الساعة 3 الفجر
كنت نايمة عادي في أوضتي...

صحيت فجأة بسبب إني كنت دايدة و حاسة أني
عايزة أرجع كل اللي في بطني و جسمي كله سخن

خرجت من الأوضة جريت على الحمام و فضلت
ارجع كذا مرة و لما خرجت من الحمام لقيته خارج
من اوضته و لاحظ أن فيا حاجة!!!

”إنتي كويسة ؟

‘اها انا كو...كويسة

”متأكدة ؟

‘اه متأكدة

”طيب

مشي من قدامي نظراته بتقول أنه شاكك أن فيا
حاجة... بس خبيت عليه لغاية ما اعرف إيه اللي
بيحصلي ده...

عدى يومين و كل يوم اصحى بنفس التعب صاحية
دايدة و عاوزة اتخانق مع حد معرفش ليه و كل
شوية ارجع و معظم الأكل بقيت مش بطيق ريحته
و بحس أن كل أكلة ثقيلة عليا...

اتصلت بصحبتني ممكن تقولي على دواء كويس
يحل كل حاجة.....

‘يا حبيبة انا دايدة جدا ومش على بعضي و من
إمبارح شغالة ترجيع...’

*الله... إنتي حامل!

‘حامل ايه يا هيلة لا مستحيل

*لا حامل ده كلها أعراض حمل ألف مبروك يا

روحي

‘لا مش حامل انا متأكدة

*إنتي متجوزة بقالك فترة أكيد حامل

‘لا لا ممكن يكونوا شوية تعب أو أخذت برد لأنني
بسبب البلكونة مفتوحة لما أنا...’

*عليا الطلاق حامل... انا جاتلي نفس الأعراض
دي لما كنت حامل في بنتي رنا

‘سيبك من كده انا عايزة حاجة تخفف الدوخة اللي
حاسة بيها دي و الترجيع ده لأنني زهقت...’

*اشربي حاجات سخنة و مع الوقت هتبعي كويسة
لكن الترجيع ده مستمر طول فترة الحمل

‘يا ربي إنتي عايزة تطلعيني حامل بأي شكل من
الأشكال و خلاص!!!’

*روحي اكشفي و هتقولي أني قولتك أنك حامل
فعلا

‘طب غو*ري يلا سلام

قفلت معاها فضلت أفكر في كلامها فعلا اللي
بيحصلي ده كلها أعراض الحمل بس انا إزاي حامل
!؟

دي غبية متعرفش حاجة... فجأة باب أوضتي خبط
و طلع سليم كان لابس لشغله و لما دخل فضل
يبصلي عشان شكلي واضح جدا أني تعبانة

”ده مصروف البيت ابقى خلي البواب يجيبك أي
حاجة إنتي عيزاها عشان احتمال أتأخر النهاردة

‘طيب تمام (اخدت منه الفلوس)

و راح عند الباب يخرج و قبل ما يخرج لف و
بصلي

”إنتي فيكي حاجة ؟

رديت بتوتر

‘لا لا مفيش انا كويسة

”من يومين أو أكثر و إنتي تعبانة بالشكل ده...
ليه؟

‘أخذت شوية برد في معدتي... أصل نسيت
البلكونة مفتوحة

”في جوه التلاجة دواء للبرد ابقي اعملي مشروب
سخن و اشربي الدواء بعدها

‘تمام

و مشي و برضو ملامح وشه بتقول أنه مش
مصدق اللي بقوله ده أبداً... و انه بيجارينني في
الكلام مش أكثر

و عملت زي ما قال سليم شربت حاجات سخنة و
أخذت دواء البرد و قعدت بالليل كده اتفرج على
التليفزيون شوية

و كنت بفكر في كلام صحبتي جامد ممكن أطلع
حامل بس ازاي سليم مجاش ناحيتي و كل يوم لما
بنام بقفل باب أوضتي بالمفتاح!!

اكيد في حاجة غلط شوية تعب و هيروحووا لحالهم

.....

في شغل سليم....

• اها عارف...

”و أنت عارف كمان أن أيلين مش بحبها و
تعاملني معاها محدود جدا...“

• عارف والله... سليم ادخل في الحوار على
طول...

”بصراحة كده انا ملاحظ على أيلين من ثلاث أيام
او أكثر أنها مش مضبوطة... غريبة“

• مش مضبوطة اللي هو ازاي ؟

”يعني طول الوقت بترجع و دايخة وساعات
بتقع... و لما أجيب أكل مثلا و تشم ريحته و
تقولي أبعد عني الكيس ده ثقيل عليا... مع أن
الأكل ده كويس... و حاجات تانية كتير مش عارف
أحدد ده ايه بالضبط هل هي تعبانة ولا ايه“

• خُدها للدكتور و يقولك فيها ايه

”بص انا شاكك أنها حامل...“

• حامل إزاي يا بني مش انت بتقول من يوم الفرح
هي في أوضة و انت في أوضة؟!“

”ايوة حصل أنا مقربتش عليها... بس في نفس الوقت معرفهاش ولا اعرف حاجة عن ماضيها... و خايف لتكون غلظت مع حد وبتغ*فلني

•طب ابعده الهبل ده من دماغك مراتك مش حامل يعني أنت لو صحيت داخ و بترجع هقولك أنك حامل... أبوك يوم لما جوزهاك عشان تعقل و تتحمل المسؤولية... اختارك بنت ناس هو عارفها و عارف عليها كلها مش اختارك وحدة من الشارع...

”ما انا عارف أنها كويسة بس لما بسألها بحسها بتكذب*ب عليا...“

•مش يمكن هي بتكذب*ب عليك عشان عمرها ما حسنت أنك سند ليها و طول الوقت بعيد عنها و مش بتكلمها؟

”تفتكر كده؟“

•أنت روح أرجع بيتك دلوقتي و حاول تفتح معاها مواضيع... يمكن تقولك هي تعبانة بأيه

”أنت صح هحاول

•يلا انا ماشي

”سلام يا حبيبي

قاسم مشي و بعد نص ساعة سليم رجع بيته...
سليم أول ما فتح باب الشقة لقي أيلين نائمة في
الصالة

دخل اوضته و غير هدومه و لما خرج افكر كلام
قاسم... راح على المطبخ عملها أكلة خفيفة و
مشروب سخن...

راح عندها بالأكل و صحاتي من النوم... لما فتحت
عيوني و لقيته قدامي قومت على طول

و قولت في سري

’جاي عندي ليه ده انا نمت ازاي في الصالة انا
هروح على اوضتي...’

جيت امشي ف مسك ايدي و قالي

’اقعدي...’

’انا داخلة أنا... اعملك العشا؟’

’لا... أكلت

’او مال عايزني اقعد ليه؟’

”عايزك إنتي تاكلي عملت أكلة خفيفة على معدتك
شورية فراخ اشربها حلوة للبرد...”

استغربت من كده ده أول مرة يعملني حاجة بس
قولت خلاص أكل كده كده انا جعانة و الشورية
خفيفة على معدتي...”

و بدأت أكل وهو قاعد جمبي طول الوقت ببصلي
كأنه مستني حاجة تحصل

خلصت أكل و قولت

”انا داخلة أنام

”مش هتشربي الأعشاب اللي عملتها ؟

”مش لازم ابقى اخذ الدواء

أصر أني اشربها ف رضيت اشربها لكن أول ما
مسكت الكوباية وشميت ريحتها حسيت بتقل من
جوايا و مستحملتش رحتها

و حطيت ايدي على بوقي و جريت على الحمام
أرجع... رجعت كل اللي أكلته و هو جه ورايا على
الحمام وشافني و انا برجع

ولما خلصت حسيت بو*جع شديد في بطني و
روحت على أوضتي و وهو دخل قالي

”اتصلك بالدكتورة تيجي هنا؟

،لا لا مش لازم انا كويسة

”كل مرة بتقولي كويسة حالتك بتسوء يوم عن
يوم

،انا كويسة مفيش حاجة

”طب قولي مالك تعبانة ازاي؟

،مفيش والله

”خلاص هتصل على الدكتورة

،لا متصلش

بصلي بستغراب شديد... اتوترت و حاولت ارتب
كلامي عشان ملاحظش حاجة

،قصدي مش لازم تتعبها في الصبح هبقى
أحسن... انا هنام دلوقتي

”إنتي خايفة ليه من الدكتورة؟

،مش خايفة بس...

وقعت أيلين على الأرض اغمى عليها

”أيلين!!

سليم شالها و نيمها على السرير... و اتصل على
الدكتورة و قالها تيجي... قعد على طرف
السرير... ببص على أيلين و على شكلها
التعبان... كان مستغرب حالتها دي و جواه شكوك
بيكذ*بها دايمًا... مسك ايدها و حطها على خده...
كأنه نفسه تبقي صاحبة و هي بتلمس على خده
بنفسها... اتهد و قال

”أنا مش عارف مالك ولا فيكي ايه... سألتك أكثر
من مرة و بتخبي عني... كلام قاسم حقيقي...
انتي بتخبي عني عشان عمرك ما حسيتي إني سند
ليكي أو لو وقعتي في مشكلة ممكن اساعدك...
بس حالتك و الأعراض دي بالذات بتخليني افكر في
حاجات هتجنتي بجد... اكيد اللي في دماغي
غلط... يعني أنا شايفك إنك مش زي بنات الجيل ده
و مختلفة عنهم و محافظة على نفسك... بعدين
انتي عايشة بقالك أكثر من 8 شهور معايا... يعني
عمري ملاحظت عليك أي تصرف غريب... أكيد
تعبك ده ممكن برد في المعدة إن شاء الله...“

جات الدكتورة و سليم فتحلها و دخلها الأوضة اللي
فيها أيلين... بعد شوية الدكتور خرجت و سليم
قالها

”هي مالها يا دكتورة؟... هي كويسة صح؟

*اه كويسة الحمد لله

“طب مالها هي طول الوقت دايدة و بترجع و معظم الأكل بتحسه ثقيل عليها... ده سببه ايه ولا هي اخدت برد شديد في معدتها؟

*لا مش حكاية برد

”او مال ايه؟

*مبروك... المدام حامل

سليم اتفاجيء من قائلته الدكتورة و فضل يضحك بسخرية

”حامل ازاي لامواخدة!!؟

*حامل زي الناس انا كشفت عليها و هي فعلا طلعت حامل...

”إنتي بتكذ*بي أيلين مش حامل!!

*انت بتكذ*بني ليه كل الأعراض اللي عندها دي بتثبت انها حامل... و دي أعراض طبيعية هتفضل مستمرة طوال فترة الحمل...

”متسحيل اللي بتقوليه ده حامل إزاي و من مين
؟؟؟

*مش قصتي دي... لو مش مصدق روح
اعرضها على أي دكتور تاني هيقولك نفس اللي
قولته... على العمون انتبه لصحتها و لأكلها
كويس عشان التعب ميزيدش عليها و يآثر على
الطفل... استأذن بقا

مشيت الدكتورة أما سليم دماغه هتتف*جر

”أيلين حامل من مين ؟ انا ملمستها*ش ولا
قر*بت منها... يبقى ابن مين اللي في بطنها ده ؟!

بص على أيلين بغضب شديد

”هقت*لك انتي و عشيقك يا ولاد الكل****

بص على أيلين بغضب شديد

”هقت*لك انتي و عشيقك يا ولاد الكل*****

سليم بيلف في الأوضة زي المجنون و مستني
أيلين تصحى بفارغ الصبر... قعد على الكرسي و
بيبص عليها و مستني تفتح عيونها بس

عدت حوالي ساعة و لما صحيت أيلين حصل
كالتالي:

أول مرة أشوف الغضب الشديد ده عليه و لما
شافني أني فوقت ابتسم ابتسامة اصطناعية و قال
”قومتي ليه يا أيلين كملتي نوم خليكى على راحتك
عشان الطفل يبقى كويس

اتفاجئت و قولت

‘طفل ايه؟

”إنتي حامل ألف مبروك ان شاء الله تقومي بألف
صحة و سلامة

‘حامل ازاي؟

”الآه؟! إنتي بتسأليني انا ليه؟ على أساس أن انا
أبوه يعني؟ روجي اسألني اللي جابه و انا مالي هو
أنا جيت جمبك...

‘انا حامل ازاي أقسم بالله محدش لم*سني!!

جه عندي و قرب مني مسكني من ايدي جامد و
زعق و قالي

”عايز اعرف هو انا عملتك ايه عشان تعملي فيا
كده ؟ أبو الطفل يبقى مين انطقي

، معرفش والله انا معرفش حد غيركاه!

”لا انا اللي هعرف يعني... تصدقي ضحككتيني
يعني أنتي متعرفيش حد غيري على أساس احنا
الإثنين اتولدنا في نفس اللفة هو انا عبيط عشان
اصدق كده؟!.. قمسًا بالله لو معرفتش مين أبوه
هقت*لك... للدرجة انا طلعت مغفل عشان تستغلي
عدم وجودي في البيت تروحي تخو*نيني!!

،والله معرفش انا حامل إزاي ؟

”متعرفيش يعني انا من أول ما اتجوزتك مقربتش
عليكي... و دلوقتي حامل ايه الطفل ده يعني نزلتيه
من على النت يعني... بقولك قولي مين أبوه حالا
بدل ما افض*حك فض*حية محدش ينساها...
جبتيه كام مرة هنا و استغلتيي أني طول الوقت
مش موجود

،مجبتش حد انا بس.....

”متكلميش اوعى تكلمي كلام و تقعدي تنكر*ي و
تكذبي خلاص انا عرفتك على حقيقتك البش*عة

شدني و طلعتني في الصلاة و فتح الباب و نادى
على البواب

”يا أشرف... أنت يا ز*فت يا أشرف

*نعم يا أستاذ؟

”تعالى عايزك...

*حاضر

جه أشرف و سليم قاله

”هسالك سؤال و ياريت تجاوبني بصراحة بدل ما

هزلك

*اتفضل يا أستاذ

”أثناء غيابي هل المدام جالها أي حد غريب عليك

؟

*أيوة انا على ما اتذكر يعني كنت حضرتك بره جه
واحد سأل عليها و كنت هقوله يمشي لأنك مش
موجود... بس هي كانت قالتلي أنها تعرفه و دخلته
البيت لما امرتني بكده و قعد حوالي 3 ساعات و
بعدها مشي

”الآه؟! ما طلعتنا حلوين اهو و بنعرف ناس
غريبة و كمان بتدخليه بيتي و انا مش موجود!!
ده كان أخويا حتى عم أشرف عارف انه هو
محمد أخويا

”اخوكي؟؟؟؟؟ أشرف اللي جه ده كان أخوها فعلا
ولا ايه؟

*انا فاكر انه واحد غريب مش أخوها لأنني عارفه
انت بتكذب ليه هو انا عملتك ايه عشان تكذب
عليا و على سليم؟

دخلت الأوضة و فتحت الدولاب و أخذت صورة
أخويا و طلعت تاني و حطيت الصورة قدامهم
ده يا عم أشرف هو اللي جه ساعتها اللي هو
أخويا

شاف الصورة و قالي

*لا مش هو ده اخوكي ده نفس الشخص الغريب
اللي جالك

”يا عم بص كويس والله ده أخويا اللي مسافر
أمريكا جه إجازة ساعتها يسلم عليك يا سليم لأنه
عمره ما شافك ولا حضر الفرحة... ولما جه انت

كنت بره و دخلته البيت لأنه أخويا مش واحد
غريب و مشي لما لقيك اتأخرت عشان معاد
الطيارة بتاعته

*انا متأكد أن ده نفس الشخص الغريب اللي جالك
هو هو اللي في الصورة

،والله أخويا صدقتي

”انا مش عارف كمية البجا*حة دي جيبها من
فين... لدرجة أنك قاردة تحطي عينك في عيني بكل
الجرأة دي و تنكر*ي... و هو ليه قال أنه مش
اخوكي!!!

،انا هتصل على أخويا و هو هيقولك بنفسه...

جبت تليفوني و عملت مكالمة دولية و التليفون
فضل يرن لكن أخويا مردش و اتصلت كمان مرة
مردش برضو

،رد و النبي يا محمد

سليم ضحك بسخرية و قالي

”اخوكي مردش اهو عشان إنتي عايزة تستخدميه
ك ساطر في خيا*نتك ليا

‘انا مش خا*ينة...’

فجأة حط ايدي على بوقي و مسك ايدي كأنه
هيك*سر ها و قالي بز عيق

”شششششش اسكتي مش عايز اسمع مبررات
كاذبة كلها... كفاية كذب بقا ايه متعبتيش من كتر
الكذب خلي عندك شوية دم حتى... و قال ايه أبويا
يقولي اتجوزها بتلبس دي خمار دي غلبانة دي
ملاك دي مفيش منها اتنين... تعالي شوف الملاك
الجميلة أم خمار أيلين اللي واثق فيها حطت رأسك
في الطين و جابت العا*ر لينا كلنا يلا طير من
الفرحة بقا... انا بسبب أن أبويا غصب عليا أني
اتجوزك خسر*ت حبي و رضيت اتجوز وحدة
معرفهاش لا و كمان خا*ينة!!

”اتجوزت وحدة من اختيار أبويا و في الآخر تبقى
حامل من واحد بتحبيه و تغف*ليني بالطريقة دي
...!!تعرفي انا اتنازلت عن حبيبي و رضيت
أتجوز وحدة زيك و في الآخر عملي كده !!؟
‘والله ما عملت حاجة صدقتي والنبي...’

”لا مش هصدقك... انا مش هسكت انا هعرف
اجيب حقي منكم انتوا الإثنين متخفيش هد*فك
انت و هو مع بعض في ق*بر واحد عشان

القد*ارة لازم تبقى مع اللي زيها... انا بكر*هك
أقسم بالله عمري ما كرهت حد زيك كده إنتي مش
بتقر*في من نفسك ابدا ولا ايه ؟ انتي عملتي
علاقة محرمة شرعاً مع حد لا يمد لك بصلة أثناء
ما إنتي مكتوبة على زمتي و فوق كل ده مصممة
تتكر*ي ايه معندكيش ذرة دم أبداً !؟

زقني بعيد و فضل يضحك و يعيط في نفس الوقت
وقال

”تعرفي الغلط مش عليكي الغلط عليا انا تعرفي
ليه ؟... لأنني اتجوزت وحدة قد*رة زيك!!

مشي و رزع الباب وراه و انا مش مصدقة اللي
قاله... ط*عني في شرفي بطريقة بش*عة انا
متأكدة أن محدش لم*سني و سليم قالي كلام صعب
محدش يستحمله ابدا... فضلت اعيط و ادعي ربنا
كثير و حسيت ان رجلي وجعا*ني روحت اخدت
دواء الأملاح... هديت شوية بس الأعراض لسه
مستمرة و فضلت اتصل على سليم لكن مردش
اضطريت اتصل على والده

‘الو يا عمي ممكن تتصل على سليم ؟

*ليه حصل ايه يا بنتي ؟

‘مفيش حاجة بس مش بيرد عليا

*طيب هتصلك عليه

‘تمام شكرا

قفلت معاه وبعد شوية اتصل عليا و قالي أنه رن عليه كتير لكن مردش في آخر اقفل تليفونه... و مش عارفة اعمل ايه لازم يعرف أن فيه حاجة غلط و يعرف أن مفيش حد لم*سني و إني لسه محافظة على شرفي ومعملتش حاجة تخلي سُمعته تنزل للأرض و قعدت طول الليل مستتياه يرجع...

من الجانب الآخر...

سليم مشي بعربيته و هو مش طابق نفسه

”للدرجة دي أنا غبي!! انا عملتها ايه عشان تعمل فيا كده?... كان ممكن أكلم أي وحدة قدامها بس كنت خايف على مشاعرها لكن هي عملت حاجة فيا متصدقش... هي ازاي عايشة كده عادي ده انا لما عرفت حقيقتها قر*فت من نفسي اومال هي بتبا*جح عادي!!

حس بخنقه جواه فتح تليفونه لقي أيلين و أبوه متصلين عليه كذا مرة

وهو مهتمش خالص و اتصل بصديقه قاسم

”قاسم انا محتاجك

•فيه يا سليم... ده احنا قربنا من وقت الفجر

”معلش تعالى عايزك هبعثك العنوان في رسالة

•ماشي تمام هلبس و جاي

و بعد نص ساعة قاسم جه عند سليم و دخل جوه
العربية

•حصل ايه خضيتي؟

”زي ما توقعت ايلين حامل فعلا!

•ازاي ده؟!

”هحكيلك كل حاجة

(بعد ما حكى له كل حاجة من ألف إلي الياء)

”شوفت انا طلعت مغفل بدرجة مكنتش اتوقعها

•مش ممكن يكون الحمل كاذب؟

”إزاي يعني؟ الدكتورة كشفت عليها و قالت إنها

حامل

• يعني طالما هي مصممة أن مفيش حد قر*بلها
مش ممكن تكون هي صح... ليه لا ؟

”لا مستحيل دي مجرد مبررات ملهاش معنى

• لا ممكن تكون صح... أصل اصرارها ده ضدك
أكيد وراه حاجة... انا سمعت عن الحمل الكاذب
كثير و مراتي برضو حصلها حمل كاذب بسبب
تشخيص خطأ من الدكتور بس مقولتش أنها
بتخو*ني...

=انت مقولتش انها بتخو*نك عشان انت تعرفها و
عايش معاها حياة طبيعية... أما أيلين انا معرفش
عنها حاجة حرفيا

• بص من الاخر بكره تاخدها عند دكتورة تانية و
خليها تعمل تحاليل قدامك... و ان شاء الله يبقى
حمل كاذب ما ساعات الدكاترة بيغلطوا عادي

”أنت شايف كده ؟

• أنا مش شايف غير كده طبعاً... عشان ممكن
تكون هي اللي صح

”طب لو طلعت صح فعلا و مجرد حمل كاذب
هعمل ايه أنا ؟

• هتعتذرلها طبعاً و تصالحها و تخلي علاقتك بيها
تقوى و تقرب منها و تعرف حاجات كثيرة عنها

”ماشي هاخذها بكره بنفسي عند دكتوراة تانية
بس لو طلعت حامل فعلا هقت*لها!!“

• استهدى بالله و ربنا يحلها

”و نعم بالله

مشي قاسم و سليم بي فكر في كلامه... و أخيراً
رجع البيت

أول ما فتح باب الشقة لقيني قاعدة مستنياه بس
مبصليش ولا أتكلم معايا و رايح يدخل اوضته
روحت مسكت ايده ووقفته و قولت

‘مينفعش اسيبك كده و انا في نظرك وحدة
ر*خيصة و انا اصلاً معملتش حاجة

سحب أيده من ايدي و قالي

”و المطلوب ؟“

تلقائياً عيطت و قولتله

‘انا مستعدة اعملك أي حاجة تثبت أنني مش
خا*ينة و مفيش مخلوق قر*بلي... انا سيبتك

تقول أي كلام في حق شرفي و استحملت و ضغطت
على نفسي كثير لكن الدور عليك أنك تسمعي...
انا فعلا لو عملت حاجة غلط هقولك وهعترف
بيها... لكن طول ما انت بتعاملني كده و عايز تثبت
أني خو*نتك و خلاص عمري ما هقولك أني خا*ينة
عشان تريح المفاهيم اللي في دماغك... و مش
هتعرف بذنب انا معملتهوش ياريت تفكر يا
سليم... انت بتسيء لشرفي على كده و أهم حاجة
للبنات شرفها و انا مستحيل اسيبك بس تفكر أني
خا*ينة او عملت علاقة مع حد... صدقتي... انا
مش كده خالص مهما كنت بتكر*هني لأني سبب
مشاكل كثير في حياتك... برضو استاهل فرصه
منك عشان أوضح كل حاجة

مهتمش لكلامي و مشي بس برضو مسكته من ايده
وقفته تاني

‘ممكن بس تسمعي و اتكلم بأي كلمة أرجوك
سكوتك ده مرة على مرة هيق*تلني خليني أقولك
أني مهما اختلفنا او اتخانقنا عمري ما كنت هفكر
اجيبك العا*ر او حتى عيني تبص لحد تاني فكر
شوية الموضوع بالنسبالي ده حياة او مو*ت...
ومستحيل اسيبك تفكر فيا بطريقة و*حشة

وقف شوية ساكت و بعدها قالي

”طيب لو إنتي بتقولي الحقيقة... مش هتخافي
لما أخذك بكره عند الدكتوراة نعمل تحاليل نشوف
الحمل ده حقيقي ولا كذب ؟

‘طبعا هاجي أخاف من ايه وانا متأكدة من نفسي
”تمام...“

فرحت جدا و من غير تركيز و بتلقائية
حضنته...دي أول مرة في حياتي احضنه... كنت
مبسوطة لأنه اخيرا قرر يسمعي أنا... سليم
اتفاجيء من حضنها له و ايده متعلقة في الهواء و
مش عارف يبادلها الحضن أو لا... و تمنى في
لاحظتها إن أيلين تكون صح و مش يكون حد
قربلها و يكون هو الوحيد اللي في حياتها... أيلين
لاحظت انها في حضنه... بعدت عنه و بصت
للأرض

‘أنا آسفة والله...‘

و من غير ما تستنى رده... جريت على اوضتها و
قفلت الباب... دخل سليم اوضته و قفل الباب بس
انا فرحت أكيد دي إشارة من ربنا عشان سليم
يعرف أني مش خا*ينة و إنني لسه بنت

تاني يوم...

صحيت بدري و لبست و قبل ما يجي سليم يقولي
يلا نخرج للدكتورة... كنت بقرا قرآن و بدعي ربنا
أنه يعرف الحقيقة

خبط الباب و كان سليم طبعاً

”يلا نخرج

،يلا

و روحنا عند الدكتورة اللي يعرفها و كشفت و
عملت تحاليل و مستنين النتيجة

أثناء ما إحنا قاعدين قالي

”لو طلع كلامك صح هتعملي ايه ؟

،هفرح طبعاً عشان تعرف أن انا مش بكذب عليك

”أتمنى أن يطلع كلامك حقيقي

،يارب

*الأستاذة أيلين مصطفى محمد

،نعم دي أنا

*اتفضلي نتيجة التحليل طلعت

أخذت الورق و بصيت ل سليم وهو بصلي بلفهة و
عايز يعرف مكتوب ايه

نظارته وترتني و خفت افتح الورق روحت بكل ذرة
ثقة عندي اديته هو الورق

و اخدهم و بصلي و أبتسم و فتح الورق و قرأه و
بعد ما قرأ نتيجة التحليل وشه ظهر عليه ريكشن
الاندهاش و بص على الدكتوراة وقالها

”ايه ده ؟

*نتيجة التحليل المدام

، هو فيه ايه ؟

*يا أستاذ المدام حامل فعلا اهو كل حاجة بالاثبات
قدامك

”حامل ؟!

”حامل ؟!

*أيوة يا أستاذ المدام حامل نتيجة التحليل دي
بتثبت مليون في المائة انها حامل... و لازم ترتاح

الدكتورة بتكلم سليم و بتشرحه على احتياجاتي في
فترة الحمل أما سليم بيدوس على أسنانه من كتر
الغضب و عايز ينف*جر فيا

‘يا دكتورة مستحيل ابقا...‘

سليم قطع كلامي وقال بنبرة غريبة

”اخرسي متكلميش و لا كلمة

*هو فيه مشكلة يا أستاذ ؟

ابتسم ابتسامة اصطناعية و قال

”مشكلة ايه ؟ لا مفيش... ده انا خايف عليها ما

هي برضو حامل الكلام الكثير من غير فايدة
هيتعبها

*شكك بتحبها أوي و بتخاف عليها من أقل

حاجة... ربنا يخليكوا لبعض دايم ياارب

بصلي و قال

”اوومال ده أيلين مراتي و انا بموت فيها لازم

أخاف عليها دي حامل !!... يلا يا أيلين نرجع

البيت يا روجي عشان ترتاحي

قومت وهو مسك ايدي عشان مهر بش... قرب
مني كأنه بيبو*سني في رأسي عشان الناس و
همس في ودني

”هق*تلك و هتشوفي!

خوفت منه وقفت في نص المستشفى مش عايزة
امشي معاه ف شدني و قالي

”امشي من غير شوشرة عشان مزعلكيش... يلا
اتحركي

و اضطريت امشي و ركبت العربية و قفل باب
العربية كويس عشان مهر بش

في الطريق قاعد ساكت خالص و انا مش عارفة
أقول ايه

و لما وصلنا البيت فتح باب العربية و قالي

”اتفضلي انزلي... و على مهلك عشان الطفل
يبقى كويس...

‘يا سليم أنا مستحيل اكون حامل...

”بقولك انزلي!!

نزلت لكن نظراته ليا كانت بتخوف أوي و فجأة
نادى على البواب

”يا أشرف تعالى...“

جه أشرف و قاله

*نعم يا أستاذ؟

”عايزك تمشي دلوقت و تقول لكل الرجالة يمشوا
كمان... مش عايز حد هنا أبداً انا لما اعوز حد
فيكم هتصل عليكم

*أو امرك

مشي عم أشرف و سليم قالي

”بصالي كده ليه ما تطلعي فوق!!!“

طلعت فوق وهو جه ورايا و لما دخل قفل باب
الشقة بالمفتاح

‘سليم انت بتعمل ايه؟

“ولا حاجة يروحي بقله عشان نبقى على
راحتنا... و بالمرّة نختار اسم للطفل...“

”سليم انا مش حامل محدش لم*سني و متأكدة
من نفسي...“

”هو انا قولت غير كده طبعاً انا مصدقك...“

ابتسم بخبث و قلع الجاكت و شمر كوم القميص و
راح عند التلاجة فتحها و أخذ ازازة مية و شرب و
قالى

”كذبك عطشني... تفتكري يا أيلين الطفل هيطلع
شبهك و لا شبه أبوه ؟“

،انا مش بكذب والله بقول الحقيقة

”و التحليل هيكذب ؟“

،معرفةش بس انا عارفة و متأكدة ان محدش
لم*سني

رمى ازازة المية على الأرض بعصبية و قرب منى
وقالى

”ما إنتي لو مقولتيش أبوه يبقى مين هد*فك
النهاردة!“

،يا سليم أرجوك صدقني!!“

”لا لا قولتي اصدقك و فعلاً صدقتك... لكن يا
روحي نتيجة التحليل أثبتت أنك حامل... يعني
عملتي علاقة مع حد... يعني نمتي مع حد في حين

انك متجوزة... و لو معرفتهوش هو مين إنتي اللي
هتمو*تي و مش هتحلقي تفرحي بالطفل...

فضلت اعيط و اترجاه أنه يصدقني لكن رفض

‘طب اعمل ايه يثبتك أني معملتش علاقة مع حد ؟

”و ليه عملي و تتعبي نفسك على الفاضي من
الآخر كده... انا نفسي اقت*لك جداااا و هيحصل
النهاردة عشان كده مشيت كل الرجالة عشان
اعرف اخذ راحتي وانا بق*تلك... قسماً بالله
لوريكي وشي الو*سخ اللي متعرفهوش!

مسك الحزام قرب ومني وانا بعيط و بترجاه يسبني
رفع أيده ولسه هيضر*بني بيه... فجأة وقف رماه
بعيد و قال بصراخ

”انا مش قادر اضر*بك مش هالين عليا أمد ايدي
عليكي... لكن انتي هان عليكي تحملي من عشيقك
هان عليكي أنك تخو*نيني عادي... عايز اعرف
انا لما و اتجوزتك عملتلك ايه و*حش عشان
تعملي فيا كده و تنت*قمي مني بالطريقة الز*بالة
دي !! أنا عاملتك بما يرضي الله... عمري ما
ضايقتك أو ضغطت عليكي في حاجة أو قولت انك
سبب جوازنا... و مرضيتش اخو*نك ولا اكلم

وحدة عليكى حتى... قوت ما هي مجبو*رة على
جوازاها منى زى بالطبط... يبقى ايه ذنباها ؟ ليه
أنيها أو

اخليها تحس بو*جع... أنا رعيت مشاعرك و
خوفت على زعك و اعتبرتك انسانة كويسة... و
مرضيتش اغلط في حقك و اعمل الغلط و اتحجج
بأني مش بحبك... معملتش كده فيكي يا أيلين... و
يا عالم جبتيه كام مرة هنا... طبعاً جبتيه و مش
بعيد يكون نام معاكى جوه... ما أنا بغيب بال 12
ساعة من البيت عشان اشتغل و اقدر اوفرلك
عيشة كويسة اعوضك بيها لأنك مش عايشة معايا
ك زوجة... ليه بعد كل ده تخو*نيني ؟ ليه يا أيلين
؟

”طب سيبك منى و هقول إنك خو*نتيني لأنك
بكر*هيني... طب أبويا اللي وثق فيكي و اعتبرك
زى بنته و اكثر و كان بيقف ضدي دايماً عشانك
إنتي و ليكي معزة خاصة عنده... تخيلي لو عرف
؟ هيمو*ت فيها

بدأ يعيط و يقول

”أنا عرفت إنتي عملتي كده ليه عشان أنا مكنتش
اختيارك... بس عندك حق أنا جوزك على الورق

بس مش أكثر... لكن معنديش حق او أي مبرر
لخيا*نتك دي تعرفي لو جيتي قولتيلي أنك بتحبي
واحد و عيزاه هو و انا لا... كنت مش همنعك كنا
اطلقنا و كل واحد راح عند اللي عايزه لكن إنتي
اخترتي الخيا*نة!!

يا سليم والله انا مظلومة...

”ههههه إنتي مظلومة؟! كفاية كذب عشان كل
مرة لما بتتكلمي بتنزلي من نظري اكثر و أكثر...
بس بجد برافو عليكي عرفتي كويس أوي ازاي
تك*سريني انا مش عارف إنتي مستحيلة نفسك
ازاي؟! انا قر*فان منك ومش طابق أبص في
وشك... انا مشوفتش حد بالر*خص اللي إنتي فيه
ده إنتي ر*خيصة أوي

عيطت و مسكت ايده و قولت

‘سليم ارجوك متقولش كده... والله بجد مفيش حد
لم*سني أنا متأكدة... و أنا زيي زيك بالضبط
مصدومة من نتيجة التحليل... بس والله محدش
قر*بلي ولا اعرف حد عليك...

بصلي في عيوني و سكت شوية... سحب ايده من
ايدي و قال

”بحاول اصدقك... مش قادر... بجد مش قادر!!

‘أنا مش هسيبك تفكر عني كده... والله أنا بقول
الحقيقة و مستعدة اعمل اي حاجة عشان
تصدقني...

”هتعملي أي حاجة ؟

‘اه...

”خلاص تعالي معايا على الطب الشرعي اعملك
كشف عذرية و نشوف اذا كنتي بنت أو لا...

اتصدمت من اللي قاله... حسيت إني خر*ست و
مش عارفة اتكلم... قولت بتهته و تشنج

‘كش... كشف عذرية!؟

”ده الحل الوحيد... مش عيزاني اصدقك ؟ يبقى
تيجي معايا على الطب الشرعي دلوقتي...

‘هيبقى ايه منظري قدام الناس و انت رايح تعمل
كشف عذرية لمراتك!؟ هيقولوا ايه عليا ؟

”خايفة من كلام الناس يبقى تقولي مين أبو الطفل
اللي في بطنك ده... لو كلامك صح و متأكدة من
نفسك يبقى تيجي معايا نتأكد من كلامك...

‘و انت هتوافق إني اتكشف على ناس غريبة؟!
”هيبقوا ستات و أنا معنديش حل غير كده... يلا
اتحركي...“

مسك ايدي و بيشدني ناحية الباب... رجليا مش
عايزة تتحرك... أنا لو روحت هناك همومت!
زقيته و رجعت لوراء و قولت بعياط هستيري

‘لا لا... مش هروح... أنا مش هتحرك من
هنا... على جثتي لو خطيت خطوة وحدة هناك!!“

ضحك سليم و قال

”مش عايزة تروحي؟! خايفة لقذ*ارتك تظهر و
تتفض*حي؟! طب على الأقل قوليلي مين ابوه
عشان اقله انك حامل في ابنه و خليه يعرف الخبر
السعيد ده و ياخذ باله منك... ما أنا مش هشيل
الليلة دي... ليه أنا ألبسك في الآخر؟ هو أنا اللي
نمت معاكي ولا هو؟“

مقدرتش استحمل الكلام اللي قاله في حقي
ك*سرنى و جر*حني و اتعصبت جدا

و قبل ما يخرج من الشقة

‘سليم

لف بصلي روحت فجاة ضر*بته بالقلم

‘ده عشان تعرف تشك فيا كويس

ضر*بته تاني

‘و ده عشان كل كلمة و*حشة قولتها في حقي

مسكته من القميص و زعقت فيه

‘استحملتك كتير و استحملت و انت بتد*وس عليا
أكثر و أكثر... فاكرنى عشان مش برد عليك يبقى
انا غلبانة وهسيبك تقول أي حاجة عني... لا
أصحى كده انا بعرف اتكلم وبعرف ارد لكن... مش
عشان انا محترماك شوية يبقى تقول عني كلام
محصلش و تتناول على شرفي!

‘طول ما انا عايشة و معملتش حاجة غلط هفضل
ابا*جح فيك... و هرد عليك كلمة بكلمة و كل ما
تسألني هقولك محدش قر*بلي... و إجابتي مش
هتتغير عشان ترتاح... هفضل ادافع عن نفسي و
مش مهم أنك تصدق المهم... ان انا متأكدة من
نفسي و مش محتاجة اعمل أي حاجة عشان أثبت
كل الكلام الباطل ده... و طالما انا مغلظتش هرفع
وشي للسماء دايمًا و اتكلم بتكبر و فخر بنفسي و
عمري ما هنزله للأرض او اتكسف من نفسي على

حاجة معملتهاش... لما اغلط ابقى اتكلم عني بأى
طريقة انت عايزها... لكن قسماً بالله أي كلمة
و*حشة تتقال عن شرفي هرد قصادها مليون و
هوريك أيلين اللي انت ذات نفسك عمرك ما
تعرفها... و هحط عيني في عينك بدون أي خجل و
بكل جرأة عشان انا عارفة نفسي كويس ابقى مين
و لما اخو*نك هقولك مش هخاف منك على
فكرة...

اتعصب جدا و قالي

”مش خايفة اقت*لك هنا حالا و مخليش مخلوق
يعرف مكانك!!“

روحت المطبخ و فتحت الدرج و أخذت أكبر
سك*ينة و رجعت عنده و اديته السكينة في أيده و
خليتك ايده بالسك*ينة على رقبتى و قولتله

،اقت*لني يلا اهو السك*ينة في أيديك يلا
اقت*لني... انا مش خايفة من المو*ت عشان انا
طبعاً على حق و ربنا عالم بكده ف عادي اقت*لني
زي ما أنت عايز اهو انا واقفة قدامك... عايزة
أقولك كلمة قبل ما أمو*ت خليك عارف بس ان انا
عمري ما فكرت او هفكر اخو*نك او عيني تيجي
على واحد تاني مهما كانت علاقتنا بعض و*حشة

قد ايه وانت بتكر*هني... لأنه مش معنى ان أهلي
ما*توا وانا صغيرة يبقى متربتش لو ملقتش حد
يربيني... يلا انا جاهزة أمو*ت مو*تتي يلا...

نظراته كلها غضب ليا بس متكلمش و رمى
السك*ينة بعيد و فتح الباب و قبل ما يخرج قالي

‘أيا كان الكلام اللي قولتیه و النمرة بتاعت
السك*ينة اللي انتي عملتیها... مش هصدقك أبداً
و هتفضلي في نظري خا*ينة... بعدين أنا مش
ع*يبط لدرجة إني او*سخ ايدي بد*م وحدة
زيك...’

زرع الباب وراه جامد و نزل و سمعت صوت
عربيته اشتغلت بصيت من البلكونة لقيته مشي

زعلت جدا برضو مش راضي يصدقني بس
مستسلمتش و متأكدة ان ربنا هينصرني و هيعرف
أني مش خا*ينة

من الجانب الآخر.....

سليم مشي بعربيته و هو متعصب جدا و سرعة
العربية عالية أوي و بيزعق مع نفسه و يقول

”ماشي يا أيلين ماشيبي انا هوريكي... القلم اللي
ضر*بتهولي ده هدفعك تمنه كويس أوي و هخليكي

بس أنا مقدرتش استحمل كلامه الوحش علي
شرفي... والله ما عملت حاجة... ليه يحصل كل ده
فيا؟!

انا لازم اتصرف افرض حصله حاجة لو قطا*ع
طرق طلخوا عليه... فجأة افكرت أن معايا رقم
مرات صديقه قاسم قولت اتصل عليها و تخلي
قاسم يشوفه راح فين و يهديه شوية

و بالفعل اتصلت عليها ،،،،،،، التليفون فضل يرن
شوية و بعد كده ردت

،الو إزيك يا نور

*تمام الحمد لله وحشاني يا أيلين

،انتي أكثر... بقولك هو أستاذ قاسم موجود؟

*اه موجود

،طب ممكن تدهولي؟

*حاضر يا حبيبتي

•معاكي يا مدام

،استاذ قاسم هو سليم عندك؟

•لا مش عندي

‘طب ممكن تتصلي عليه شوفه فين ؟

• هو حصل حاجة ؟

‘آه... اتخانقنا جامد بس انا يعني اتخانقت عليه
شوية بس هو أكيد زعل و مشي

• حاضر هشفهولك

‘تمام شكرا

قفلت معاه... و فضلت الف في الشقة زي
المجنونة

‘انا غلطانة ايه ق*لة الأدب اللي بقيت فيها دي
مهما كان هو أكبر مني بأربع سنين يبقى ازاي
اتناول عليه بالطريقة دي!!!

‘بس برضو هو مستفز قال عليا شوية كلام خلوا
اعصابي فلتت... بس برضو انا غلطانة أيوة انا
غلطانة... يارب يرجع بخير

فجأة التليفون رن احسب قاسم عرف عنه حاجة
لكن طلع رقم غريب بيتصل

قولت ارد و لما رديت كان صوت وحدة

*الوو مدام أيلين مصطفى محمد معايا ؟

‘اه انا هي

*انا من مستشفى وسط البلد

‘تمام والمطلوب ؟

*زوج حضرتك ‘سليم ابراهيم الفقي” عمل حادث
على الطريق السريع

‘نعم !!؟

*تعالى عشان محتاجينك ومش عارفين نوصل
لحد من أهله غيرك...

و قفلت و مش مصدقة اللي سمعته ده سليم عمل
حادث!!

لبست بسرعة لكن عشان الوقت متأخر اتصلت
بإبن خالي يجي يوصلني وهو متأخرش وجه

و روحنا المستشفى

‘سليم إبراهيم الفقي موجود هنا ؟

*ايوة موجود في الدور الثاني... ثالث أوضة على
أيديك اليمين

‘تمام شكرا

طلعت و لقيت الأوضة بتاعته لقيتهم طلعه و
خدوه على أوضة العمليات و شوفت سليم كان
مليان د*م و الدكاترة بيجروا

،يا دكتور هو فيه ايه ؟

*تقربي للمريض ؟

،انا مراته

*هيبقى كويس بس هنعمله عملية

،مش فاهمة ممكن توضلحي ؟

*مش دلوقتي لازم نعمله العملية بسرعة

و اخدوه على أوضة العمليات و مقدرتش ادخل

فضلت أتمشي جنب الأوضة

،يارب يقوم بالسلامة انا عارفة أني غلظت... بس
أرجوك قومه بالسلامة مش عشاني عشان أهله و
كل الناس اللي بيحبوه...

فضلت ادعي ربنا كثير و عيظت لأنني سبب في اللي
حصل ده ولو حصله حاجة... انا مش هسامح
نفسي ابدا

لقيت أخته جات و معاها أبوها

—أيلين فين سليم ؟

‘جوه أوضة العمليات عمل حادث بالعربية

‘كل ده بسببي انا يا يارا بسببي انا

فضلت اعيط و يارا اخدتني في حضنها

—متقوليش كده انا عارفة أخويا قوي و هيقوم زي
القرد

فضلت افضفض معاها و فجأة جات بنت
معرفهاش... طانت لابسة ضيق أوي و قالت

*هي دي الأوضة اللي فيها سليم ؟

رديت عليها

‘ايوة هي بس انتي مين ؟

ضحكت ضحكة مستفزة

*معقولة سليم مش قالك عني ؟

‘لا مقالش

*طب أعرفك بنفسي انا اسمي رغد بالأصح انا ابقا
حبيبة سليم (مدت ايدها تسلم عليا)

اندهشت منها ايه البجا*حة دي جاية ليه دي هنا
روحت رديت عليها بنفس أسلوبها و قولت

‘و انا أيلين مرات سليم ولا مش شايفة الخاتم؟

و أنا مرات سليم ولا مش شايفة الخاتم!؟

°طبعا عرفاكي يا حبيبتي... على العموم تشرفنا

سلمت عليا بكل برود... و أبو سليم قالها

*إنتي ايه اللي جابك هنا؟

°والله يا عمي انا جيت عشان سليم بس قعدت
تقولي انا منفعش ابقى له... شوف اختيارك القمر
عملت فيه ايه

‘محدث قالك تيجي و محدش محتاجك

°لا فيه سليم محتاجلي انا

‘و جايبه من فين كل الثقة؟

°لما يقوم بالسلامة هتعرفي انا جايبه من فين كل
الثقة دي...

*رغد اتعدلي في كلامك يا تقدي ساكتة أو تمشي

° و ماله يا عمي... هقعد ساكتة بس محدش
يكلمني منكم

يارا قالت

—إنتي بقيتي بج*حة و باردة مش عارفة سليم
بيطيقك ازاي... و أيلين اللي مش عجاكي دي
أحسن منك مليون مرة... على الأقل مش بتكلم
كوم شباب زيك و ماشية مع كله و لا افكرك يا
رغد... تحبي افكرك؟

رغد بصتلها بعصبية و بغل و راحت قعدت بعيد و
يارا قالتلي

—متخديش على كلامها رغد أخلاقها مش كويسة
وكلنا عارفين كده... بس سليم مش راضي يصدق
أبدأ

‘واضح عليها

—تعالى اقعدى يا أيلين هنا

‘حاضر

قعدنا حوالي ساعتين و استتينا أي خبر من
الدكاترة... فجأة الدكتور خرج و كان بيجري و
بيقول

*شوفوا بنك دم فيه ولا لا... يلا بسرعة!

روحت وقفته و قولت

‘فيه ايه يا دكتور؟

*عايزين دم للمريض... اصل فقد دم كتير و رايح
أشوف حد يتبرعله

‘هو حالته خطيرة؟

*كل اللي هقدر أقوله ادعي العملية تعدي على
خير و نلاقي متبرع بالدم في أسرع وقت

و مشي الدكتور و انا حساه كل اللي بيحصل ل
سليم ده بسببي انا

—أيلين خلاص متعيطيش أن شاء الله خير

‘يعني انا لو مكنتش اتخانقت معاه بالشكل ده
مكنش هيطلع من البيت وهو متعصب كده... و
أكيد بسببي مركزش في السواعة و عمل الحادث ده
كل اللي بيحصل ل سليم انا السبب فيه و مش
هسامح نفسي لو حصله أي حاجة

—يا بنتي اتماسكي كده هيبقى بخير انا متأكدة

مسحت دموعي و قولت

‘متعرفيش سليم فصيلة دمه ايه ؟

– اعرف طبعا فصيلة دمه +A

‘دي نفس فصيلة دمي انا... انا هتبرع بالدم!!!!

لسه همشي أروح اتبرع بالدم ف أبوه و وقفني

*أيلين إنتي هتحتاجي الدم ده استني مش ممكن
نلاقي متبرع

‘مينف عش يا عمي كل دقيقة بتمر على سليم خطر
على حياته انا هتبرع بالدم و بعدها ابقى أكل كثير
و اعوضهم عادي

*مش عارف أقولك ايه ربنا يخليكي لينا

نزلت اتبرعت بكسين دم و رجعت فوق و يارا قالت

–انتي كويسة ؟

‘اه كويسة

–مش عارفة أقولك الدم اللي اخدناه منك هينقذ
سليم... بجد إنتي أحلى وحدة شوفتها و عمري ما
هنسى اللي عملتية ده

‘ده واجب عليا لازم اعمل كده

انا و يارا فضلنا ندعي ل سليم وقرأت قرآن
عشانه... و قاسم جه هو ومراته

•سليم فين ؟

،في الأوضة هنا

•هو كويس ؟

،ان شاء الله يكون بخير العملية قربت تخلص

•يارب

قعدنا مستنيين ساعتين كمان ،،،،،،،،،،،، الدكتور
خرج من الأوضة

،يا دكتور العملية نجحت ؟

—سليم كويس صح ؟

•ما تظمننا يا دكتور

*العملية نجحت الحمد لله وهو تمام الدم اللي كان
محتاجه وصل بسرعة ف عشان كده هو كويس

،الحمد لله... هو هيصحي امتى ؟

*ساعتين بالكثير و هيصحي زي القرد بس لما
يصحي متخلهوش يحرك دراعه الشمال كثير

‘ هو اتك*سر ؟

*لا مفيش كسر بس هو اتجر*ح فيه جامد عند
الكتف في أيده الشمال بس عشان الحركة الكثيرة
ممكن تفتح الجر*ح تاني... خدوا بالكم منه كويس

‘تمام يا دكتور

*تقدروا تدخلوا عنده بس شخص واحد اللي يدخل

فرحت جدا و حمدت ربنا... جيت ادخل الأوضة
راحت رغد دخلت قبلي روحت مسكت ايدها و
قولتها

‘مش ملاحظة أن انا اللي مراته مش إنتي ؟؟؟؟

°ملاحظة طبعاً

روحت رجعتها بره وقولت

‘يبقى انا ادخل الأول

و دخلت لقيته نايم و قعدت جمبه... مسكت ايده و
لمس على شعره و قولت

‘هتصحى و تبقى كويس... و أنا مش هضايقك
تاني والله و أوعدك ان دي آخر مرة اضايقك
فيها... ولو ضايقتك تاني انا اللي هسيب البيت

مش أنت... و أن شاء الله انت تفهم أني مش
خا*ينة و تغير فكرتك الو*حشة دي عني

فجأة فضل يكح و فتح عينه و حاول يقوم

، لا لا متقومش خليك زي ما انت

”هو ايه اللي حصل؟

،انت عملت حادث بس الحمد لله عدت على خير

لاحظ أن انا اللي بتكلم فبصلي... ملامحه اتقلب
لغضب و قالي

”إنتي بتعملي ايه هنا؟

خبط الباب و دخل صديقه قاسم

• ما إحنا حلوين اهو و بنصحى بدري... يا شيخ
ده انا خوفت عليك

”اطلعي بره يا أيلين!!

• استنى ايه اللي تطلع بره دي؟! انت اهيل انت
مش عارف هي عملت ايه عشانك

”و مش عايز اعرف... خليها تطلع بره لأنني مش
عايز أشوف وشها نهائي

• لا أيلين مش هتطلع يا سليم... دي مراتك...
عارف يعني ايه مراتك

”اه عارف لكن مش ناسي اللي هي عملته... و
هي اصلا السبب في الحادث

• هي السبب؟! ليه هي كانت اللي بتسوق العربية
و قل *بتها بيك يعني؟

شدوا مع بعض هم الاتنين و صوتهن علي...
دخلت يارا و رغد و أبو سليم قاله

*انا مش عارف أنت بتعاملها كده ليه؟

”ما أنت لو عرفت هتك*رها أضعاف ما انا
بكر*ها

يارا قالت

—سليم انت قايم من العملية مينفعش العصبية اللي
انت فيها دي

”طلعوها بره أو طلعوها من المستشفى كلها... و
انا مش هتعصب لكن طول ما هي قدامي كده
هتعصب و هك*سر المستشفى على الكل... خليها
تخفي من وشي لأنني حرفياً مش طايقها

كلامه ك*سرنى جدا و جيت اخرج راحت يارا
مسكت ايدي و قالت

—أيلين هتفضل قاعدة هنا

”تمام يبقى خلاص انا اخرج

حاول يقوم و فضل يفك في المحاليل المتركة في
ايده

راحت رغد منعه و هو لما شافها اتفاجىء جدا
”رغد!!

°اقعد يا سليم مكانك متقومش عشان ناس...
صحتك أهم و ارتاح كده و بطل كلام أنت لسه
صاحي

شوفت في عينه فرحة كبيرة أول مرة أشوفها لما
شاف رغد جمبه... أول مرة اشوف الابتسامة
مرسومة على وشه كده و عيونه بتلمع لما شافها
”أخيرا جيتي!

°طبعا لازم أجي الحمد لله على سلامتكم يا حبيبي

حاولت اتخطى منظرهم سوا و طريقة كلامه اللينة
معاها... مقدرتش اقعد و خرجت بره عشان هو
عايز كده

قال أبوه

*رغد اطلعي بره و ابعدى عن سليم

”رغد مش هتطلع فاهمين كلكم رغد هتفضل هنا

° انا مصدوم جدا بسببك يا سليم... يعني انت تطرد
مراتك و دي تقعدا معاك عادي!!

”اهي دي يا قاسم اللي كنت عايز اتجوزها... بس
كلكم وقفوا ضدي و اتجوزت وحدة تانية خالص
مكنتش متوقع تبقى مراتي و مش عايزها

• ربنا يهديك و تصدق كلامنا اللي قولنا هولك
زمان... على العموم الحمد لله على سلامتكم

قاسم مشي كمان و يارا قالت

—سليم لما تعرف الحقيقة كاملة ابقا مترعلش...
أيلين عملت عشانك كتير بس انت مش بتقدر

و مشيت يارا كمان و أبوه بصله بحزن و مشي

° فكك منهم المهم دلوقتي... اجبك تاكل؟

”اه ياريت

خرجت رغد و لقيتني قاعدة بره فقالت باستفزاز

°واضح أن سليم كان هيطردني انا ههههههه
شوف دلوقتي مين اللي قاعدة بره

قومت وقولت

’الفرق بيني و بينك أني انا بحس و عندي كرامة
الدور والباقي على اللي كرامتها بندور عليها و
مش لاقينها

°بت إنتي انا سكتالك من بدري.....

’ايه هتعملي ايه يعني... مالك بصالي كده ليه !!؟
اقولك روحيله يلا امشي من هنا يا حلوة

مشيت رغد و جابت أكل ل سليم و دخلت عنده

و انا قاعدة على الكرسي بره... شيفاه من شباك
الأوضة وهو بيضحك و بيهزر معاها و كمان بتأكله
بأيدها

’عنده حق في كل كلمة قالها... هو بيحبها هي...
انا مجرد وحدة أهله اجبر*وه أنه يتجوزني... بس
برضو انا مستاهلش المعاملة دي!!

عيطت... لاني شايفة جوزي مبسوط معاها...
سليم عمره ما بصلي زي ما بيصلها كده... هو
بيحبها زي ما قال بنفسه و عايزها هي... أما أنا
لا...

و أنا حاطة ايدي على وشي و بعيط... لقيت حد
حط ايده على كتفي كان أبوه

*متزعلش هو لما يعرف حقيقة رغد... هيتمنى
الزمن يرجع عشان يصلح غلظه... هيتمنى بس
يطول ضُفرك

‘بس يا عمي كنت جوزتهاله و خلاص... هو
بيحبها و عايزها... مش شايف شكله اتقلب
180% درجة ازاي و بقا في قمة سعادته مجرد ما
شافها... هو عايز يتجوزها... ليه اجبر*ته
يتجوزني... اشمعنا انا يعني؟ يعني لو انا مكنتش
موجودة في حياته... أظن كان هيبقى أسعد من كده

*أولاً متقارنيش نفسك بحد... ثانياً لو الزمن رجع
هختارك إنتي و بس... تعرفي ليه؟

‘ليه؟

*عشان مشوفتش حد بأخلاقك و لا بأدبك إنتي
مفيش حد أحسن منك يا أيلين

‘شكرا على ثقّتك فيا... بس يا عمي سليم مش
بيح...’

*انا عارف و متأكد أن سليم هيجبك إنتي و
هتشوفي بنفسك و متزعلش منه هو واحد عصبي
شوية... بس طيب و دماغه الناشفة عايزة
تتك*سر

*يا بنتي مالك بتعيطي ليه؟؟

‘مفيش حاجة

*عايزاها تخرج من عنده؟

‘لا مش قصدي....’

*و حياتك دموعك دي لإخرجها من عنده حالاً

و دخل عند سليم

*ايه انا قطعت القعدة الحلوة دي؟

”لا مفيش

*رغد...’

°نعم يا عمي

*أمك بتولد

°بجد !؟

*اه شوفتي انا لسه شايف الإسعاف جاية من
عندكم سألت واحد قالي أن امك بتولد

°طب... طيب يا سليم انا لازم امشي

مشيت رغد جري و سليم قال لابوه

”على فكرة أمها لسه في الشهر الرابع

*ما انا عارف

”او مال قولتلها ليه أمك بتولد ؟

*يا ابني افرض كانت بتولد صح و بنتها قاعدة هنا
معاك... مين الأحق بالرعاية يعني أنت و لا أمها
!؟

”انا عارف أنت مشيتها ليه... المهم انا عايز
أخرج من هنا

*هشوف هل الدكتور يكتبك خروج و لا لا...
أيلين تعالي هنا

أبوه دخلني و قالي

*بصي تاخدي بالك منه كويس تحطيه في عينك
بدل ما أزعل منك

‘حاضر يا عمي

خرج أبوه و سابنا إحنا الإنتين... سليم لما شافني
دخلت كشر و نفخ بضيق و بص بعيد

‘فيه حاجة اقدر اجيبهاك؟

”لا مفيش

قعدت على الكنبه الموجوده في الأوضة
لقيته بيحاول يقوم فقومت اسنده... بعدني عنه و
قال

”مش عايز مساعدة منك

‘سليم ممكن تحط خلافاتنا دي على جمب... انت
تعبان دلوقتي

”و لما احطها على جمب هل ده هينسيني أنك
خا*ينه؟! ”

‘قول اللي انت عايزه عندك حق لكن انا مش
هضايقك...

”إنتي وجودك في حياتي هو السبب الأول اللي
مخليني مضايق...

”مالك مش عارفة تردي ؟ مش بتردي عشان
إنتي عارفة كويس أن ده حقيقي... أنا مش بطيقك
بجد!

كلامه صعب معايا بس مرضيتش أرد... أبوه رجع
و قاله

*سليم الدكتور كتبك خروج

”طيب يلا خرجوني عشان اتخنقت من المستشفى
دي

خرج سليم من المستشفى و ركب عربية قاسم
يوصله البيت و أنا كذلك

طول الوقت هدوء تام... ببص على سليم... شيفاه
مضايق و ساكت... عايزة اتكلم معاه بس
معرفتش... فجأة قاسم ركن العربية على جمب و
قال

• في صيدلية قريبة هنا... هنزل اشترى ادويتك يا
سليم... خليكوا انتوا هنا
”طيب بس متأخرش...

خرج قاسم... بقينا أنا و سليم لوحدنا... كل شوية
سليم ينفخ بضيق و يبص في كل ركن في العربية

‘ايدك و*جعاك صح ؟ اكلت ولا انزل اشتريلك أكل
؟

”ملكيش دعوة...“

‘سليم أنت تعبان... ياريت تبطل عناد...“

”انتي اللي عنيدة... بقولك ايه اسكتي و مسمعش
صوتك حتى... أنا مش عارف جايبه من فين العين
الواسعة اللي بتكلميني بيها دي... مش مكسوفة
من نفسك ؟

‘مش هتكسف من نفسي لأني معملتش حاجة...“

”نفس الأسطوانة... أنا محدش لم*سني... أنا
معملتش حاجة... أنا مظلومة... مش عندك جديد
ولا هتفضلي تكرري الكلمتين اللي ملهمش أي
تلاتين لازمة دول...“

‘أنا مش هرد عليك... و قول اللي تقوله... كده
كده أنت بكر*هني ف مش هيفرق معاك زعلي من
كلامك ده... أنا اتأكدت النهاردة أنت بتحبتها اد
ايه...“

”اه بحبها جدا... بس منمتش معاها زي ما انتي
عملتي... آلاه صحيح يا أيلين... النونو بدأ يتحرك

في بطنك ولا لسه... طب عرفتي نوعه ايه... طب
لو طلع ولد هتسميه ايه؟

اتصدمت من كلامه... ده مقتنع اوي اني بخو*نه
و حامل... مقدرتش اتكلم... و سكت... قولت
مش هكرر اللي حصل ده تاني... خليه يقول اللي
يقوله براحته بقا... مقدرتش امسك دموعي... جه
قاسم و ركب العربية و مشينا

يا أيلين تاخدي بالك منه كويس سليم أمانة عندك
و انا هاجي اطمئن عليه

تمام يا استاذ قاسم

بقيت انا مسئولة عن سليم بأكله و باخد بالي منه و
بخليه ينتظم على العلاج و كان قاسم و أبو سليم
بيجوا كل يوم يطمنوا عليه

مع الوقت سليم كان بيتحسن... لكن هو مش
طايقني حرفيا و كل يوم يتخانق معايا و مش برد
عليه و بطلت أدافع عن نفسي عشان معملش
مشكلة... و لسه مقتنع اني بخو*نه و بسيبه يقول
كلام صعب و بيجر*ح في حقي و كنت بستحمل و
بد*وس على نفسي كثير

كل يوم أدعي ربنا ان الحقيقة تظهر و واثقة ان
هيحصل كده في يوم و أكيد هيجي يوم سليم يعرف
أن طول الوقت كنت بقول الحقيقة

عدى شهر و إحنا الإثنين طول الوقت مش بنتكلم
أبدأ يادوب بعمل اللي هو عايزه و بس

صبرت كتير لإن بعد الصبر فرج... بس طبعاً
طاقتي هتخلص يعني محدش هيستحمل كل
شكو*كه فيا دي...

في يوم في الليل كان هو في البلكونة جيت عنده
بمج الكابتشينو اللي بيحبه و كوباية مية و معايا
العلاج اللي بياخده

،تفضل

شرب حبة من البرشام... بس كان مزاجه معدول
شوية ابتسم وقال

”شايقة منظر النجوم و القمر منظرهم تحفة

بصيت على السماء و قولت

،اه فعلا منظرهم جميل

”تعرفي انا نفسي في ايه حالياً؟

‘نفسك في ايه ؟

مسك ايدي و لمس على شعري و قالي

”نفسى اصحى في يوم كده ملقكيش في البيت...
نفسى افتح عيوني و الاقيكي اختفيتي من حياتي
كلها تبقي مش موجودة كده... تخيلي كم السعادة
اللي هكون فيها !! نفسي جداا اليوم ده يجي

سحبت ايدي من ايده و قومت و قولت

‘أنت عايز كده ؟

”عايز كده اوييييييييي

مشيت و دخلت أوضتي و قفلت الباب و بقيت اعيط
بطريقة فظيعة طول الليل

‘ياربي انا عملت ايه لكل ده ؟؟ من كتر شكه فيا
بقيت انا بشك في نفسي فعلا... مش قاردة والله
طاقتي كلها خلصت انا اتك*سرت !! انا استحملت
كتييير استحملت و دو*ست على نفسي اكثر من
مرة اعمل ايه تاني ؟! كل كلامه في حقي و في
شرفي بيك*سرنى و بيجر*حنى اوى... لغاية هنا
و كفاية!!

فتحت الدولاب و طلعت شنطة كبيرة و حطيت فيها
هدومي

أيوة انا قررت امشي... كده كده انا مش هقعد مع
واحد مفكر أني خا*ينة و كل مرة يقول عني كلام
محصلش

سببت رسالة ل سليم إذا قرأها يعني... و لبست و
أخذت الشنطة و هو كان نايم و تسلفت و خرجت
من البيت و مشيت وانا ناوية أني هختفي فعلا و
مخليش حد يعرف انا روحت فين و رميت الخط
بتاعي...

تاني يوم.....

سليم صحي و خرج من اوضته و غسل وشه و
عمل فطار لنفسه ،،،،،،،،،،،، بعد ما خلص أكل
لاحظ أن أيلين لغاية دلوقتي مخرجتش من اوضتها

”و انا مالي بيها تخرج أو متخرجش مليش دعوة
في الحاليتين... بس كل يوم كنت اصحى لاقياها
قاعدة هنا في الصلاة... و لا تكون زعلت من كلام
إمبارح و قررت تحبس نفسها جوه الأوضة؟....
و انا مالي براحتها هي

من أول الصبح لغاية العصر سليم لاحظ أن أيلين
مخرجتتش ولا مرة من الأوضة!!

راح عند اوضتها مسمعش اي صوت ليها

قرر يفتح الباب و بالفعل فتحه و اتفاجىء لما لقي
أيلين مش موجودة!!

دور عليها في البيت كله ملقيهاش ،،،،،،، و أخذ
باله ان فيه ظرف كان على سرير أيلين ف أخده و
قبل ما يفتحه نادى على البواب

”يا اشرف يا أشرف

*نعم يا أستاذ

”هي المدام نزلت من شوية ؟

*معرفةش يا أستاذ

”يعني مشفتهاش و هي نازلة ؟

*لا يا أستاذ... اه صح فيه بنت بتسأل عليك

”مين دي ؟

*معرفةش بس هي مُصرة تشوفك

”طب خليها تيجي

*تمام يا أستاذ

جات البنت سليم كان أول مرة يشوفها

”مين حضرتك؟“

”انا ابقى بنت خال أيلين“

”طب اتفضلي... تشربي ايه؟“

”لا مش مهم انا جايلك في موضوع مهم لازم
تسمعه بسرعة“

”تمام قولي“

”أيلين مش حامل“

”عرفتي ازاي اساسا مين عرفك الحوار ده اساسا
؟“

”انا هحكلك كل حاجة... انا اسمي نور دكتورة
صيدلانية ابقى بنت خال أيلين و أخويا مروان
بيحب أيلين من زمان وكان عايز يتجوزها... فلما
أيلين اتجوزتك هو اخترع حكاية الحمل دي عشان
تطلق أيلين وهو يتجوزها وهو متفق مع وحدة
تقريبا اسمها رغد و أظن أنها عايزة تتجوزك
كما ان... هم الإنتين غيروا الدواء الأملاح اللي

بتأخذه أيلين و ده عن طريق صاحب الصيدلية اللي
بتشتري منه أيلين دايمًا

آخر مرة كانت أيلين عندي نسيت الدواء بتاعها
وبالصدفة عرفت ان الحبوب متبدلة و مش هو
نفس الدواء اللي بتأخذه... و عرفت أن البرشام ده
الحبة الوحيدة منه بتخلي أعراض الحمل مستمرة
لأسبوع كامل و أيلين كانت بتأخذ منه دايمًا... و
الدكتورة اللي جبتها و كشفت عليها دي كانت تبع
مروان أخويا كان متفق معاها انها تقولك ان أيلين
حامل... و لما عملت تحليل لأيلين هم الإنتين
زو*روا التحليل... نتيجة التحليل اللي شوفتها دي
مش بتاعت أيلين دي كانت بتاعت وحدة ست حامل
فعلا بس غيروا الأسماء... و اللي كان بيعرفهم كل
خطوة بتعملها هو البواب بتاعك كان بيقولهم كل
حاجة عن تحركاتك... و هتقولي عرفت ازاي
هقولك أني سمعت مروان بيكلم رغد دي إمبارح و
بيتفقوا على أيلين عشان تطلقها و كل واحد يوصل
لهدفه... لكن مراتك مش حامل ابدا أيلين مش
خا*ينة و لا متعرفش حد عليك أساسًا انا أكثر
وحدة اعرف أيلين و أخلاقها مش كده... دي مجرد
لعبة من أخويا و رغد عليها عشان يدمروا حياتها
كلها... و انا لما عرفت كل ده جيت أقولك على

طول عشان أكيد حصلت مشاكل كتيرة بسبب
الموضوع ده...

سليم اتصدم من اللي سمعه و اتفاجىء جدا

“هي أيلين فين ؟ عشان أقولها

”أيلين مش موجودة

“المهم إني عملت اللي عليا و جيت أقول كل اللي
أعرفه... لما ترجع ابقى خليها تفتح تليفونها لأنني
برن عليها و شكله مقفول

مشيت نور

و سليم بيحاول يستوعب اللي سمعه مش شوية

افتكر الظرف اللي شافه أخده و فتحه و لقي أن
أيلين هي اللي كتباه

و بدأ يقرأ هي كاتبة ايه فيه:

“أول ما تفتح الظرف ده يا سليم اعرف اني
وصلت لمكان بعيد جدا انا مشيت زي ما انت عايز
انا فعلا من أول ما ظهرت في حياتك حصلتك مشاكل
كتير بسببي... بس فهمت ده متأخر للأسف و
قررت امشي نهائي و ابقا طلقني و بعد ما تعمل
كده ابعت ورقة الطلاق عند حبيبة صحبتي و هي

ابقى توصلها لي... خلاص انا فقدت الأمل أنك
تعرف الحقيقة و تعرف أني مش خا*ينة و عمري
ما فكرت اخونك و انت عندك حق أنت مش
عايزني... و انا مجرد وحدة أهلك جبر*وك عليها
من كل قلبي بتمنى بعد ما نطلق أنك تبقى سعيد في
حياتك و تتجوز اللي بتحبها و تجيب منها أطفال و
تعمل عيلة كبيرة و لطيفة و قول ل عمي انا آسفة
لأنني مشيت و سلملي على يارا لأنها هتوحشني...
أيلين...

قفل الظرف وهو مصدوم و مش قادر يصدق أن
أيلين مشيت فعلا

”أيلين!!“

من الجانب الآخر....

،السلام عليكم

*و عليكم السلام ورحمة الله وبركاته

،عايزة اشترى تذكرة قطر لو سمحت ؟

*لفين ؟ بأسم مين ؟

،للقاهرة... بأسم “ايلين مصطفى محمد”

،تذكرة للقاهرة... بأسم ايلين مصطفى محمد

*تمام اتفضلي اقعدى هناك اكون جبت التذاكر

قعدت جيب كشك التذاكر و فتحت تليفونى و ركبت
الخط الجديد و بعث رسالة على الواتس لصحبتى
عشان تعرف انى غيرت رقمى بعد شوية شافت
الرسالة و رنت عليا

*ايه يا بت إنتى كنتى قافلة تليفونك ليه ؟

،غيرت الخط سجلى الرقم ده عندك

*غيرتیه ليه ؟

،مش كان نفسك اغيره من 010 إلى 011 اهو
غيرته

*المهم ايه الدوشة اللي جمبك دي ؟

،بصي انا رايحة القاهرة هنقل هناك

*هتقلوا ليه ؟

،مش بالجمع انا لوحدي

*جوزك فين ؟

،خلاص هنطلق...

*ينهار اسو*د !! ليه كده ؟

‘بصي يا حبيبة متقوليش لأي حد على الرقم ده و
متقوليش لأي مخلوق أني هسيب الأسكندرية ده
هيفضل سر ما بينا... انا هقفل دلوقتي و افهمك كل
حاجة لما أوصل...’

قفلت معاها

*التذكرة اهي القطر الجاي

‘تمام شكرا

أخذت التذكرة و قعدت استنى القطر يجي

من الجانب الآخر....’

سليم بيلف في الشقة كلها رايح جاي ومش عارف
يعمل ايه ولا عارف أيلين فين... اتعصب أوي و
قال

”يا أشرف... أنت يا ز*فت!!“

*نعم يا أستاذ؟

سليم بصله بغضب و ضر*به بالقلم و مسكه من
أيده و كان بيك*سرها حرفيا

”يعني اقع*طلك لسانك اللي كذب عليا ده وقال إن
اللي جه لأيلين كان مش أخوها...!!قصرت معاك

انا في حاجة عشان شوية فلوس تخلني اشك في
مراتي بالطريقة الز*باله دي... يعني اعمل فيك
ايه كنت بتقولهم على كل حاجة بتحصل هنا لا جدع
و راجل حسابك جاي... اقسم بالله لوريك... يا
حسن تعالى!!

*نعم يا افندم ؟

”خذ الكلب ده احبسه في أي أوضة و يبقى تحت
عنيك لغاية ما أرجع

*تمام يا فندم

حسن اخذ البواب و مشيوا... سليم وقف في نص
الصالة بيتنفس بعصبية و كان بيتردد في دماغه
كلام أيلين

‘والله العظيم اللي جه البيت ده كان اخويا مش
واحد غريب... دخلته لانه اخويا... كان جاي
يزورك بس أنت اتأخرت و هو مشي عشان معاد
طيارته... بعدين أنا مش غبية لدرجة إني هدخل
راجل غريب البيت قدام البواب كده عادي... والله
كان اخويا!!

سليم دموعه نزلت و قال

”عملت غلط كبير يا سليم... ازاي صدقته و هي
لا ؟ اتبسط اهو... أيلين مشيت!!

سليم لبس و أخذ المسد*س و نزل بعربيته

و راح عند بيت خال أيلين

و فضل يرن في الجرس جامد و كان هيك*سره ف
فتح خال أيلين

”مروان موجود ؟

*اه موجود

”طب اتعتع كده من قدامي

دخل سليم الشقة و سمع صوت مروان بيتكلم مع
حد ف طلع مسد*سه و وراح عند الأوضة اللي
جاي منها الصوت و زق الباب و فتحه

و رفع المسد*س على رأس مروان

”ايه يا عسل بتخطط تعمل ايه تاني في أيلين ؟

لقي رغد معاه و ضحك و قال

”كمان الحر*باية دي هنا طب كويس عشان

تمو*توا مع بعض... تعالي جمبه كده يا حلوة ...
بقا يا رغد تعملي في أيلين كده ؟ إنتي ياللي عايشة

دور الغلبانة المظلومة طلعتي حر*باية زي ما أبويا
كان بيقولي بس طلعت اهيل لما صدقتك كل ده
عشان تاخدي شوية فلوس تخليني اشك في مراتي
بالطريقة دي... و انت تعمل كده في بنت عمك؟!!
اوو مال لو كانت مش تقربك كنت هتعمل فيها ايه
؟

مروان قال

*انت اللي غلظت لما أخذتها مني

”لا انا مغلطتش لما اتجوزتها كنت عايزاها تتجوز
واحد مت*خلف زيك... على فكرة انا مطلقتش
أيلين لسه أيلين مراتي و هتفضل مراتي... انتوا
الإثنين خلتوني أشك في أيلين لغاية ما كر*هتها
بسببكم و ك*سرتها و دلوقت سابت البيت معرفش
هي فين

*أيلين مشيت ؟

”إسمها ميجيش على لسانك القذ*ر ده تاني بدل
ما هقط*عهولك... انتوا خلتوني ضمن المؤامرة
القذ*رة اللي رسمتوها عليا كويس جدا بس
اتقفشتوا في الآخر... بسببكم ظلمتها ظلم كبير
محدث يتسحمله وهي لما لقيت أني أسأت لأخلاقها
و شرفها سابتني و مشيت... ايه القر*ف اللي

انتوا فيه ده و للأسف انا بقيت زيكم لأنني جر*حتها
بأ*بشع الكلام... بس حق أيلين مش هسيبه!!

رفع المسد*س عليهم هم الإتين و لسه هيدوس
على الزناد

جات نور وقفت قدامه و منعته

*أستاذ سليم أرجوك متعلمش كده

”اوعي من قدامي يا دكتورة

*افرض قت*لتهم مش على كده هتدخل السجن !!
هتبقى مكسبتش أي حاجة على كده

”يعني اسيبهم بس كل اللي عملوه في أيلين ؟؟

*استهدى بالله و نزل المسد*س و نتفاهم انا
وأنت

”يعني لما نتفاهم على كده هل ده هيخلي أيلين
ترجع ليا !؟

*تعالى نتكلم و أن شاء الله نلاقي نحل و ترجعك
أكيد

لسه هيخرج سليم ف مروان قاله بسخرية

*ده اذا رجعتك يعني أو بصت في وشك ده
تاني...*

سليم بصله و رفع المسد*س و ضر*به بطلقة في
رجله

”قولتك متجيش سيرتها تاني بس شكك مش
بتفهم بالذوق

مروان وقع على الأرض و بيتاً*لم وقال ل سليم
*و الله هوديك في ستين دا*هية!!!

”بص يا حبيبي انا مش بتهدد تمام... قبل ما
امشي أوعى تفكر أني هسيبك على كده دي مجرد
بداية متخفش هتبقى كويس... اه صح هحاول
تفتح دماغك و تعمل فيها روش و ترفع عليا قضية
هبعثك رجالتى كلهم عشانك أو بالأصح انا ارفع
عليك انت و الحر*باية دي قضية تزوير و تشهير
بأيلين و القضية دي هتاخذ فيها عشر سنين أو 12
سنة... و هعملك عرض جديد عشانك بس هو
هلبسك في قضية ق*تل انت وهي و تاخدوا إعد*ام
بالمرة...

نزل سليم ومشى

عند أيلين.....

*القطر رقم 4 وصل

قومت عشان ادخل القطر و قبل ما ادخل بصيت
للسماء و ابتسمت

‘ان شاء الله اللي جاي أحسن... سلام يا
إسكندرية

و ركبت قعدت على الكرسي بتاعي و القطر مشي
و انا في القطر فيه ست قاعدة جمبي هي و بنتها و
كانت بتلعب مع بنتها... فرحت من جوايا و قعدت
اتفرج عليهم و سرحت

الست قالتلي

‘‘أسمك ايه ؟

‘اسمي أيلين

‘‘الإسم ده تحسيه مش مصري عشان تحسيه تبع
البلاد الأوربية يعني

‘اه شوية بس اهو بقا اسمي

‘‘على العموم ده إسم جميل على فكرة

‘تسلمي... بنتك امورة ربنا يخليهاك

”يارب و أنتي عندك أطفال ؟

‘لا معنديش بس بحبهم

”ربنا يرزقك يارب

الست بصت على أيدي لقيت أني لابسة خاتم جواز

”إنتي متجوزة ؟

معرفةش أرد بأيه بالظبط ف قولت

‘اه متجوزة

”وفين جوزك مجاش ليه معاكي ؟

‘يعني..... هو ينفع مجاوبش ؟

”اه طبعاً براحتك... المهم رايحة القاهرة عشان

شغل ولا ايه ؟

‘رايحة عشان إقامة هناك و هشتغل برضو

”ربنا يوفقك

بعدها متكلمناش و هي فضلت تلعب مع بنتها كان

منظرهم مبهج و جميل يرد فيك الروح

بصيت على أيدي و لاحظت أني لسه لابسة الخاتم

!!

و مشي بعربيته متجه عند أبوه
و لما وصل نزل و راح عنده وقاله
”بابا متعرفش فين ايلين؟

*أيلين؟! مش عارف مراتك فين يعني؟

”أيلين مشيت و سابت البيت و بدور عن كل
قرايبها و مش موجودة عن أي حد منهم

*ايه اللي حصل خلاها تعمل كده؟

”انا هحكيتك كل حاجة

بعد ما سليم حكى لابوه الموضوع من أوله إلى
آخره

ملامح الاندهاش و الغضب ظهرت على أبوه و قام
ضر*ب سليم بالقلم

*انت إزاي تعمل كده فيها مكنتش فاكر أنك كده
أبدأ

”يا بابا ما قولتلك أنه موضوع و اترسم عليا...
اضر*بني براحتك انا استاهل كده فعلا بس أرجوك
تساعدني أني الاقيها

*أساعدك ليه؟

”عشان دي تبقى مراتي و لازم الاقيها افرض
كانت في خطر!!!!

*دلوقتي بتقول عليها أنها مراتك؟؟ و خايف
عليها كما ان... الله يرحم أيام ما كنت بتتبرأ منها
ولا عاملها أي اعتبار... تعرف أيلين جدعة لأنها
مشيت و سابتك لوحدك... دلوقتي عرفت قيمتها و
عايزها؟ طب ما اهي مشيت... روح ل رغد و انا
مش همنعك زي زمان... مش أنت كنت مستني
اللحظة اللي هتبقى فيها أيلين بعيدة عنك... اهي
مشيت... مستني ايه دلوقتي؟

”يعني مش هتساعدني؟

*اه طبعا مش هساعدك... دَوْر أنت عليها بنفسك
عشان تعرف تعمل كده تاني في بنات الناس... انا
مليش دعوة... و انصحك متدورش عليها هي كده
تلاقيها مرتاحة منك سيبها ترتاح شوية أو طلقها و
ريحها منك لطول العمر... ولو نفترض أنك لقيت
أيلين هل أيلين هترضى ترجعك؟ طبعا لا مستحيل
بعد كل اللي عملته ده... الغلط عليا انا لأنني
جوزتهاك و فاكرك هتبقى زوج كويس لكن النتيجة
جات العكس و ك*سرت البنت... بقا أنا جوزتك
لوحدة اخلاقها مفيش منها في الزمن ده و أنت بكل

غباء تشك في شرفها؟! يا ابني أنت مبتفهمش!
اطلع بره متجيش هنا تاني مش طايق اشوفك...
”ماشي براحتك انا هلاقيها بنفسي و هتشوف!!
من الجانب الآخر.....

القطر وصل القاهرة بالسلامة

، ما طلعت حلوة أوي القاهرة اهي

نزلت و روحت عند واحد صاحب عمارة في
القاهرة

و أخذت شقة لطيفة ليا لوحدي

”هااا يا آنسة عجبك الشقة؟

، اها... حلوة و واسعة

، الايجار كام؟

750 “ج كل شهر

، طب ما تنزلها شوية؟

”عشانك ب 700

، خليها 650 و هدفع أول شهرين دلوقتي

”طالما كده تمام اللي إنتي عيزاه

طلعت الفلوس من الشنطة و اديته ثمن شهرين
مقدم

”كده مضبوط... لو فيه أي مشكلة في الشقة ابقي
قوليلي

تمام

أخذت المفاتيح الشقة منه و جبت شوية أكل ليا من
السوبر ماركت... رجعت الشقة و قفلت الباب
بالمفتاح عليا لأنني قاعده وحدي

كانت عجباني جدا الشقة شكلها حلو و نظيفة

و فيه أوضة من الأوض عجبتي جدا و قررت أنها
هتبقى أوضتي و فتحت الشنط و رتبت هدومي جوه
الدولاب

و بعدها أكلت عملت مشروب سخن و روحت في
البلكونة فتحت التليفون و قعدت اتفرج على كان
فيديو على اليوتيوب اسلي نفسي...

سليم قاعد جوه عربيته... حاطط ايده على وشه
بيأس و ساكت... فجأة صرخ و ضرب*ب ايده على
دركسيون العربية و قال

”واحد غبي... أنت غبي بجد... كام مرة أيلين
دافعت عن نفسها... كام مرة صرخت بعلو صوتها
و قالت إن مفيش حد قربلها... كام مرة عيبت
قدامك و نفيت إنها تعرف حد عليك... كام اتحايلت
عليك تصدق إن جالها البيت ده يبقى اخوها... و
انت عملت

ايه؟ مصدقتهاش و كذبتها... صدقت كلام البواب
و كذبتها هي... صدقت كل حاجة ما عدا هي...
اها*نتها كثير و هي استحملت... رغم كلامك السيم
عنها و عن شرفها فضلت ساكتة و متكلمتش...
في عز ما كنت تعبان رغم اللي عملته فيها كانت
واقفة في ضهرك و بتراعيك... كل اللي عملته
عشانك ده أنت ردهولها العكس... كل ده عشان
مين؟ عشان رغد؟! تغة*ر رغد يارب تو*لع...
هتجنن أنا مش لاقيتها... روجت عند كل اللي
تعرفهم... روجت كل الأماكن اللي ممكن
تروحها... لكن مش موجودة... كأنها اختفت تماماً
!

خرج سليم من العربية... وقف قدام البحر...
دموعه نزلت من عيونه... دلوقتي بقا يتمنى انها
ترجع بعد ما كان بيتمنى انها تمشي و تخرج من
حياته نهائياً! افكر سليم كلامها من اسبوع...

‘سليم... ممكن اتكلم معاك شوية ؟

”فيه ايه ؟

‘عايزة اتكلم معاك... بس نتكلم بهدوء و مش نتخانق...

”و انتي بعد اللي عملتية ده بتتطلي مني اتكلم معاكي بهدوء ؟

فعدت أيلين جمبه و قالت

‘لو أنا فعلا و*حشة زي ما أنت مصدق... مش هستجراً اكلمك اساسا... أنا جاية اكلمك بخصوص كده... أنا مش هسيبك غير لما تصدقني...

”و هصدقك ازاي بقا ؟

‘خُد تليفوني اهو (حطته التليفون في ايده) فتش فيه براحتك... والله بجد ممسحتش أي حاجة منه... افتحه أنت و شوف... ادخل على الفيس أو على الواتس و المكالمات و اتأكد اذا كنت بكلم حد ولا لا... يعني لو أنا اعرف حد عليك و جيته البيت هنا زي ما انت بتقول... اكيد حصلت مكالمات ما بينا أو رسايل... شوف بنفسك اهو...

ضحك سليم بسخرية و قال

”أيلين... عيزاني اصدقك هاتي دليل اقوى من
كده...”

’طب ماشي (مسكت تليفونها و فتحت صورها مع
اخوها) ده مش الراجل اللي أنت معتقد إني
بخو*نك معاه... ده اخويا... يعني زي ما انت
شايف بتصور معاه كتير و بحضنه في الصور لانه
اخويا...”

”احضنيه براحتك... ما انتوا بتحضنوا اي حد
عادي الأيام دي... بعدين اكيد ده عشيقك و انتي
عرفاه من زمان أوي... ف طبيعي تتصوروا صور
زي دي سوا

’ارجوك افهم يا سليم... لو ده عشيقني فعلا... و
أنا بحبه... كنت هتجوزك ليه من الأساس طالما
فيه واحد بحبه!

”جواز مصلحة... عجبك شركتي ف قولتي
تطلعي بمصلحة من ورايا...”

’يا سليم أنا مش و*حشة لدرجة إني يبقا فيه حد
في قلبي و اتجوز واحد تاني... أنا مش كده...”

”أيلين... قولتك عيزاني اصدقك هاتي دليل اقوى
من الهبل ده كله...”

‘زي ايه ؟

”تطلعي معايا على الطب الشرعي دلوقتي...
تعملي كشف عذرية... ساعتها اتأكد انتي بنت ولا
لا...“

‘يووووه... يا سليم مينفعش!

”ليه مينفعش ؟

‘مينفعش اتكشف على حد حتى لو كانوا ستات...
بعدين اعلمي قيمة شوية يا أخي... أنا مراتك قدام
الكل و قدام ربنا... يعني بالعقل كده أنا هيبقى ايه
موقفي قدام الدكاترة و أنا متجوزة و رايحة اشوف
نفسي عذراء ولا لا !! الطب الشرعي ده للناس
اللي يشتغل في الدعا*رة مش ليا أنا... أنا متربية
و عارفة ربنا... أنت بطلبك ده بتشبهني ب بنات
ر*خيصة... لكن أنا مش كده... أنا همو*ت لو
دخلت هناك...“

”ده الحل اللي عندي... مش عاجبك يبقى
مسمعش صوتك لغاية ما نتطلق...“

عيطت أيلين و هو مش مهتم بدموعها ولا
بكلامها... مسحت دموعها و بصت للأرض و قالت
بتقفل قبضة ايدها

‘طب أنت ألم*سني بنفسك و اتأكد إذا كنت بنت
ولا لا...’

بصلها سليم و قال ببرود

”يا بت انتي هبله ولا اتجننتي ولا ايه حكايتك
بالظبط؟ أنا ألم*سك!؟“

‘ما أنت مش مصدقني و ده الحل الوحيد عشان
تصدق إني لسه محافظة على نفسي...’

”أيلين... إني ألم*سك دي آخر حاجة اعملها في
حياتي... و مش هعملها... أنا مش بطيقك أساسا
و مستحيل في يوم اقربك او اخليكي قريبة مني
بأي شكل... (بصلها من فوق ل تحت بقر*ف)
خصوصًا بعد ما عرفت إن فيه غيري سبقتي و
عملها...“

أيلين زاد عياطها... مش مصدقة إن الكلام
الو*حش ده بيخرج من لسان جوزها... جوزها
اللي مفروض يكون أول واحد واثق فيها... جوزها
اللي مفروض يكذب العالم كله و يصدقها هي...
لكن ده خذلها... كانت بتبصله بانك*سار... كانت
مستتية يقولها عكس كده... لكن هو جر*حها
أوي... فتح جواها جر*ح عمره ما هيتقفل... زاد
عياطها و قالت بتهتهة و تشنج

‘هيجي يوم و تع.. تعرف ان.. إني كنت على
حق... ان ..انت... ظل... ظلمتني اب*شع ظلم...
و أنا م.. مش هسا.. هسامحك مهما تعمل... و
عمري ما هنسى كلامك ده... و ربنا هيحاسبك
على كل الظلم اللي ظلمتهولي!!

دموع سليم زادت و حط سليم ايده على قلبه و قال

”ظلمتك فعلا... مش عارف ايه العمى اللي كنت
فيه... جر*حتك أوي... أكيد قلبك و*اجعك دلوقتي
بسببي أنا... أنا بجد واحدك*لب و قذ*ر... يا
عالم انتي فين دلوقتي و حالتك ايه... ارجعي...
حتى لو مش هتسامحيني ارجعي... أنا بمو*ت في
كل ساعة تعدي عليا و انتي بعيدة عني كده!!

كانت أيلين واقفة في الصالة ماسكة ورقة و قلم و
بتكتب كل الحاجات اللي عيذاها و ناقصة الشقة

‘كل ده محتجاه ! الحمد لله معايا فلوس... ربنا
يحفظلي اخويا محمد... دايم لما يقبض مرتبه
بيحولي 2000 جنيه على القيزا بتاعتي... طب بما
إن لسه الليل مجاش... هنزل اجيب نص الحاجات
و النص الثاني بكره

لبست أيلين و نزلت... كانت بتتمشى... فجأة لقيت
قطة... لمست عليها و القطة اتعودت عليها
بسهولة

‘يا روي انتي ايه اللي مخرجك في الشارع
لوحدك... شكك كده هاربة من اهلك...’

أيلين حبت القطة دي أوي و اشترت لها أكل قطط و
اكلتها و بعد كده كملت طريقها... كانت بتتمشى و
بتتعرف على الشوارع عشان تتعود... و اي مكان
متعرفهوش كانت بتسأل حد... و قفت وحدها
بتسألها على مكان المول... قالتها على مكانه
ومشيت... بصت أيلين على الجنب الثاني من
الشارع... لقيت في وشها مبنى الطب الشرعي!
وقفت مكانها و عيونها دمعت و قالت

‘كنت عايزني يا سليم ادخل هنا؟ طب لو رغد هي
كانت مكاني... كنت هتسمح لنفسك تقولها كده؟
اكيد لا... ما أنت بكر*هني... طبيعي تبقا تقولي
أنا كده بسهولة... هو أنا مين عشان ابقا فارقة
معاك اصلا... ما أنا زا*نية بالنسبالك!’

وقفت أيلين شوية و هي باصة على المبني... في
اللحظة دي افكرت كل حاجة عملها سليم معاها...
افتكرت كل كلمة غلط قالها في شرفها... افكرت

أنه مصدقهاش و اقتنع بأنها على علاقة مع
واحد... أيلين رجلها اتحركت ناحية المبنى... كل
خطوة بتمشيها ناحيته... كلام سليم بيتردد في
ودنها... بتتعصب أكثر كل ما بتفتكر كلامه عنها
ف بتقرب من المبنى أكثر... ركبت على السلم و
لسه هتدخل... جات وحدة مسكت ذراعها شدتها ل
بره...

*انتي داخلة ليه ؟

فاقت أيلين من شرودها على صوتها... بصت
للبنيت باستغراب

‘هو أنا بعمل ايه هنا ؟

*أنا بسألك نفس السؤال...

‘أنا مكنتش واخدة بالي و أنا بدخل هنا... مكنتش
في وعي اصلا...

*طب تعالي معايا...

اخذتها البنيت و مشيوا و قعدوا تحت شجرة

*مالك ؟ انتي كويسة ؟

‘اه كويسة...

*طب قوليلي... انتي كنتي داخلة الطب الشرعي
تعملي ايه؟ كنت بتسألني عن حد ولا كنتي...

‘كنت داخلة اتأكد أنا عذراء ولا لا...’

قالتها أيلين و هي بتعيط و بتفتكر كلام سليم

*ليه؟

‘مش هعرف اتكلم...’

*يعني انتي حد قربك عشان كده كنتي هتدخلي
هناك؟

‘لا... اقسم بالله أنا محدش قربي... والله أنا...’

مسكت البنت ايد أيلين و قالت

*اهدي بس... أنا مصدقاي...

‘بجد؟’

*بجد...’

ابتسمت أيلين و فرحت إن فيه حد صدقتها... مع إن
البنت دي أيلين متعرفهاش مع ذلك صدقتها... أما
سليم اللي كانت عايشة معاه تحت سقف واحد
مصدقهاش ولا مرة...

*لو مفيش مانع بس... ممكن افهم انتي جيتي ليه
هنا؟

‘بيقولوا إن أنا حامل... بس محدش لم *سني...
يعني كل أعراض الحمل بتظهر عليا لحد الآن...

*طب روحتي عند دكتورة كشفتي أو عملتي تحليل
؟

‘اه كشفت عند اتنين و عملت تحليل... الدكتورة
قالت إنني حامل و التحليل أكد إنني حامل... معرفش
ازاي أنا هتجنن بجد...

*لتكوني حامل من ج*ن عا*شق!!

‘استغفر الله العظيم... لا معتقدش... يعني أنا بقراً
قرآن دايمًا و قريبة من ربنا... معتقدش إن حاجة
زي دي تحصل...

*اممم... طب بصي... أنا هساعدك... أنا اعرف
دكتورة قريبتني... هي كويسة و هتساعدك...

‘ما أنا بقولك إنني روحت عند اتنين دكاترة...

*يمكن يبقى تشخيصهم لحالتك غلط

‘ازاي؟

*احتمال ضمن الاحتمالات الممكنة

‘ماشي يلا نروح...’

مع إن أيلين متأكدة من نفسها بس كل اللي حصل
ده خلاها تشك في نفسها و ثقته في نفسها تنزل
للأرض... و راحت مع البنت عند الدكتورة
دي...الدكتورة كانت لطيفة و اخدت الحوار
ببساطة... طلبت من أيلين تكشف عليها و وافقت
أيلين...

—انتي مش حامل...—

‘بجد!؟’

—اه والله...—

‘متأكدة يا دكتورة؟’

—طبعا متأكدة...—

‘طب و التحليل اللي عملته قال إني حامل... ازاي
ده؟’

—نعمك نفس التحليل و نشوف

بعد كام ساعة... خرجت نتيجة التحليل... قرأتها
أيلين و اتصدمت لما لقيت المكتوب بينفي تماما
أنها حامل

— صدقتي ؟

قالت أيلين بفرح

‘أنا مش حامل بجد... كنت عارفة والله

قالت البنت (اسمها نيرة) * المهم تكوني
اتطمنتي... و اياكي رجلك تخطي على الطب
الشرعي ده تاني... المكان ده مش ليكي... انتي
مش مجر*مة عشان تروحي هناك...

‘طب يا دكتورة... أعراض الحمل اللي بتحصلي
دي... سببها ايه ؟

— عندك اي مر*ض مزمن ؟

‘لا...

— طب بتاخدي اي أدوية ؟

‘اه باخد برشام بيقتل الاملاح في جسمي عشان
عندي زيادة في الاملاح و بتأثر على رجلي...

— بتاخديه امتي بالظبط ؟

‘مرتين كل اسبوع... أو ساعات لما بحس إن
رجلي و*جعاني أو نملت...’

—معاكي البرشام ده دلوقتي؟

‘اه معايا...’

—طب هاتي اشوفه...’

طلعت أيلين علبة البرشام و ادتها للدكتورة...
الدكتورة شافتها... و بعد هدوء تام من
الدكتورة... فجأة قالت

—الحبوب دي مش حقيقية...’

‘ازاي مش حقيقية؟’

—دي مش حبوب اللي بتقلل نسبة الاملاح...
الحبوب دي اعرفها... دي الحبة الوحيدة منها
بتعمل نفس أعراض الحمل و بتستمر لاسبوع
واحد... و انتي بتاخدي كتير من العلبة دي

‘و جات ازاي عندي؟’

—الحبوب دي متبدلة... في حد قاصد يعمل الحوار
ده عليكي

‘و أنا هعمل ايه على كده؟’

متاخديش أي برشام دلوقتي... و لو على دواء
الاملاح أنا هجيبك غير ده... و حاولي تعرفي مين
قاصد يشهو*ة سُمعتك...

زعلت أيلين جدا لما عرفت كده... مين اللي
بيكر*ها لدرجة إن يخليها تقع في مصيبة زي
دي... نيرة و الدكتور و اسوها شوية و طمنوها
لغاية ما هديت شوية... ابتسمت أيلين و حضنت
نيرة و الدكتور و شكرتهم و مشيت... راحت
اشترت كل اللي هي عيزاه و رجعت شقتها... كانت
مبسوطة أوي... على ادم ما هي زعانة من سليم و
من اللي عمل فيها كده على ادم ما هي ارتاحت
نفسياً لما لقيت حد صدقها و ساعدها يثبت عكس
اللي اتقال عليها...

بعد ما خلصت اكلت كنت زهقانة... اتصلت على
حبيبة صحبتي و رغبنا شوية

*ألو يا سليم عايز ايه؟

”من نيرة صوتك دي يارا اتأكد كده إن بابا قالك
على كل حاجة...”

*ايوة قالي... و بجد مضايقة منك جامد بسبب
اللي عملته فيها...

”قولي اللي انتي عيزاه... بس معنديش حد غيرك
يساعدني...“

و اساعدك ليه بقا؟

”مش عشاني... عشان أيلين... انتوا مش
متخيلين ان هي ممكن تكون في خطر لو هي قاعدة
لوحدها دلوقتي... ساعديني الاقيها... عشان
خاطري يا يارا ساعديني...“

*اممم... طب بـص أنا فاكرة في مرة أيلين قالتلي
على وحدة صحبتها اسمها حبيبة تقريبا... يعني
اللي عرفته من كلامها إن حبيبة دي البيست فريند
بتاعتها... و ف طالما حبيبة هي البيست ف اكيد
أيلين كلمتها على الأقل... ممكن حبيبة تعرف أيلين
فين دلوقتي... ف لو تقدر حبيبة دي فين...
روحها...“

”تصدقي صح ! أنا برضو كنت بلا حظ إن أيلين
بتكلمها كتير... ازاي تاهت من دماغي!؟“

*بس أنا مش هقول حاجة تانية عشان لو بابا
عرف إنني كلمتك هيز عقلي... مع انه منبه عليا
متكلمش معاك مع ذلك كلمتك اهو...“

”يا شيخة بالله انتي اجمل أخت في الدنيا... الأقي
أيلين الأول و ليكي عندي مكافأة

*جيت لمعبي يا واد... طب يلا روح شوف حبيبة
دي

”سلام يا نور عيني

سليم فرح أوي و راح عند بيتها و جوزها قاله
*اتفضل

دخل سليم و قاله

”انا عايز بس المدام بخصوص أيلين مراتي

*ثواني هنديهاك

جوز حبيبة ناداها عشان سليم عايزها

حبيبة قالت ل أيلين

”ثواني هفصل و ارجعك تاني

تمام يا حبيبتى...

راحت حبيبة اتفاجئت لما لقيت سليم قدامها و بدأت
تتوتر

”مدام حبيبة هي أيلين فين ؟

“معرفش

”لا تعرفي لو أيلين خبت على الناس كلها
مكانها... فأنتي طبعا لا و هتقولك لأنك مقربة منها

”لا الحقيقة معرفش هي فين حتى تليفونها مقفول

”طب وريني تليفونك ؟

”تليفوني انا ؟

”اه عايز أشوف فيه حاجة

“مينفعش

”ليه ؟

“عشان عليه صور جوزي وهو عر*يان و
ميصحش تشوفها

”مش هروح على الصور هشوف المكالمات
بس... مدام حبيبة هاتي التليفون لو سمحتي

اضطرت حبيبة تديه التليفون و قبل ما يفتح سجل
مكالمات الهاتف التليفون رن

و كان الإسم مكتوب “صديقتي”

”دي أيلين اللي بتتصل صح ؟

“لا مش أيلين... يعني أنا مش مصاحبه غيرها
مثلا

”أو ممكن تكون هي انا هرد

”لا متردش

”صحبتني دي صوتها تخين و عالي و هتجباك
ارتجاج في المخ

”هرد برضو

رد سليم لكن متكلمش ف قال المتصل

“ايه يا ختي مش بتردي عليا ليه و لا لقيتني صحبة
غيري ؟

سليم اتفاجيء ده صوت أيلين و مقدرش يتكلم و
فرح انه سمع صوتها!!

“ساكتة ليه... على فكرة الرصيد بتاعتي واخدة
بالك ؟

”أيلين!!

“سليم؟؟

سليم رد عليا ومن غير ما افكر قفلت في وشه وهو
فضل يرن و انا اكنسل

اتعصبت ازاي وصلي ده

من كتر عصبيتي فتحت غطاء التليفون و طلعت
الخط و روحت على المطبخ و شغلت البوتاجاز

و حطيت الخط على النار و حر*قتة

و لما ما فوقت من انفعالي لقيت الخط اتحر*ق فعلا

‘ياربي ايه ده هجيب خط تاني وهو انا هضيع
فلوسي على الخطوط!!

‘يا ربي هشتري خط تاني هو انا هضيع فلوسي
على الخطوط!!... انا هروح اتخمد احسن

دخلت أوضتي و حاولت أنام معرفتش طول الليل
بفكر هو هل سليم ممكن يوصلني ؟

‘افرض عرف مكاني ؟ انا حر*قت الخط خلاص و
أكيد حبيبة مش هتقوله مكاني... ولا ممكن تقوله
؟ مستحيل تقوله... انا مش عيزاه يعرف مكاني
ولا يجي ولا أشوف وشه حتى...

فضلت افكر شوية... نعست و نمت

أما سليم فضل يرن و لقي التليفون اتقفل

”هي قفلت التليفون ؟

“الظاهر كده

”طب قوليلي هي فين ما إنتي بتكلميها اهو أكيد
قالتك هي فين ؟

“معرفش

”لا تعرفي طبعا

° انا آسفة مقدرش اتكلم

”مينفمش قعدتها لوحدها دي في مكان محدش
يعرفه افرض اتعرضت للخطر أو حد اتهج*م
عليها... هتبقى مبسوفة كده ؟

قال جوزها

*يا حبيبة قولي هي فين الراجل عايز مراته

“مقدرش والله

”تمام بس أي حاجة هتحصل لأيلين إنتي هتبقى
مسئولة عنها

سليم خرج من عندها مش عارف يعمل ايه و
بيتمشى في الشوارع بلا هدف

”طب اعمل ايه الوحيدة اللي عارفة مكانها مش
راضية تقول... و دلوقتي تليفونها اتقفل و معرفش

هي فين... قلبت روجت سألت عند كل الناس اللي تعرفهم و مش قاعدة عند أي حد منهم... اعمل ايه؟ يارب القياها و هصلح غلطي بس القياها بسرعة

راح سليم عند بيت صديقه قاسم

•سليم مالك؟ مالك تعبان كده ليه؟

سليم حزن صديقه و فضل يعيط و قاسم بيطبب عليه

•يا بني خوفتي ما تتكلم متقعدش ساكت كده

”أيلين سابت البيت و مشيت و مش لاقياها

•ازاي ده؟

”أيلين مطلعتش حامل دي كلها كانت مؤامرة من ابن خالها و من الز*فتة رغد عليها و بدلوا الدواء بتاعها بدواء بيعمل نفس أعراض الحمل و اتفقوا مع الدكتورة اللي جبتها و زوروا التحليل بتاعها...

•و طبعا أنت فضلت تضغط عليها لغاية ما مشيت

”انت مشوفتش انا عملت فيها ايه فضلت اجر*ح فيها و ك*سرت قلبها بطريقة بش*عة و هي مع ذلك مكنتش تتكلم... و طول ما كنت تعبان وقت العملية كانت واخدة بالها مني كويس جدا و كنت

بستغرب أنها بتعمل كده معايا و مصدقتهاش لما
دافعت عن نفسها و في الآخر مشيت بسببي

• طب اهدى كده و هنلاقي حل أكيد... اجبك تاكل
شكلك تعبان

”لا انا هرجع البيت دلوقت

• طيب ماشي و انا هجيك بكره الصبح و نقعد انا
و أنت نفكر و ممكن نلاقي طريقة نلاقيها بيها
بأسرع وقت

”ماشي

• هتقدر تروح كده ولا تبات عندي الوقت أتأخر

”لا هروح

• استنى اجيب الجاكت بتاعي و تعالى اوصلك
مينفمش تسوق العربية و أنت تعبان كده

قاسم لبس الجاكت و وصل سليم على بيته

• معادنا الصبح

”ماشي

مشي قاسم و سليم دخل بيته و غير هدومه و غسل
وشه و فضل يبص على كل ركن في البيت و يفكر
أيلين كانت تعمل ايه هنا وهناك

”البيت من غيرها ملهوش روح يا ترى فينك يا
أيلين...“

حاول ينام معرفش فقام دخل الأوضة بتاعت
أيلين...“

لقي كل حاجة لطيفة في اوضتها و مترتبة و
حاسس أنها موجودة فيها

فتح الدولاب بتاعها لقي هدومها مش موجودة...
بس لقي دفتر

اخذ الدفتر و قعد على سريرها و فتحه و لقي أنه
دفتر يوميات أيلين

”طب أقرأه عادي ولا دي خصوصيات ؟ أشوف
أول صفحتين بس

و فتح الدفتر من أول صفحة و فضل يقرأ صفحة و
راء صفحة

”خطها جميل جدا

قعد يقرأ فيه كثير كانت بتكتب عن يومها كله
بتفاصيله

لقي أنها كاتبة من أول ما اتجوزته

كاتبة بس الإيجابيات الموجودة في سليم و مش
كاتبة السلبيات

و لفت انتباهه صفحة كانت كاتبه فيها كالتالي:

‘انا مش ز علانة لأني اتجوزته لا بالعكس انا على
طول عندي امل ان علاقتنا تبقى كويسة... سليم
يعني على حسب ما عرفته هو كويس بيعاملني
كويس أنا بحب سيرته بين الناس يعني مثلا لما حد
يقولي إنتي مرات سليم ده جوزك كويس و ده جدع
ده عمل معانا كذا... انا بحب سيرة الشخص بين
الناس مهما كان علاقتي بيه محدودة بس بحب
الناس تتكلم عنه و يبقى فخورة أن هو كده بين
الناس... يعني سليم بيحاول يوضحلي أنه مش
كويس بس أنا شايقة العكس... و نفسي في يوم
علاقتنا تتحسن و يقبلني في حياته...’

قعد طول الليل يقرأ فيه لغاية ما خلصه بس لاحظ
أنها مكتبتش تاني من أول ما المشاكل دي حصلت
ما بينهم

قفل الدفتر و قال

”هترجعي ليا يا أيلين...“

سليم نام في اوضتها و على سريرها... حزن
مخدتها جامد و راح في النوم

تاني يوم...“

تليفون سليم فضل يرن و يرن لغاية ما صحي و رد

”ايوة مين؟“

*انا حسن يا فندم

”و بتصحيني ليه؟“

*مقصدش بس أستاذ قاسم عايز حضرتك

”اه طب خليه يطلعني فوق

*حاضر

قام سليم و غسل وشه و عمل كوبايتين نسكافية
وحدة له و الثانية ل قاسم

•يعني قايلك هاجي في الصبح و دلوقتي الساعة
داخلة على 2 الظهر و لسه صاحي ما كان بدري

!!

”يا عم اخدتني نومة... بصصح اهو
•المهم انا جاتلي فكرة هنلاقي بيها ايلين
”هاا قول ؟

•الرقم اللي مع صحبتها روح ابحت عنه في
السنترال و هم يقدروا يعرفوا الرقم ده موجود فين
و يحددوا مكانه بالضبط

”طب يلا على السنترال

•ده حل اول عندي حل تاني لو الاول منفعش
”قول...“

•مش يمكن مراتك سابت الإسكندرية و عندها
قرايب انت متعرفهمش في محافظة تانية مثلا و
هي قاعدة عندهم... أو يمكن عند أخوها

”معتقدش انها عند أخوها لأنه بره مصر... يمكن
فعلا سابت المحافظة دي

•طب ما نروح انا و انت محطة القطر نسأل عليها
الناس و مش هنخسر حاجة يعني

”استني هلبس و جاي

عند ايلين.....“

اشتريت خط جديد بس مقولتش لحد عليه حتى
حبيبة متصلتش عليها مفيش غير بعت الرقم
لأخويا على الواتس إذا شافه أساسا لأن المكان
اللي ساكن فيه شبكته وحشة

“ايه الزهق ده حتى التليفزيون مش عليه مسلسل
عدل كله متكرر... انا أكلت و غسلت المواعين فيه
ايه تاتي اعمله ؟ اول مرة أقولها بس خناقاتي مع
سليم كانت مسلياني جدا مع ان لسانه ده كان عايز
القط*ع

فجأة التليفون رن و طلع أخويا هو بيتصل عليا ف
رديت

“أيلين إنتي غيرتي رقمك ليه ؟

“مفيش اشتريت خط جديد مش أكثر و قولت
ابعتك الرقم الجديد بتاعي

”احسب فيه حاجة... إنتي كويسة ؟

“اها تمام الحمد لله و أنت؟

”تمام... بقولك لو جوزك جمبك اديه التليفون
أسلم عليه

اتفاجئت ده اول مرة يسأل عنه روحت رديت بتوتر

‘هو في الشركة
‘طب اديني رقمه

‘مينفعش

‘ليه؟

‘ما هو غير رقمه كمان

‘انتوا الإثنين غيرتوا ارقامكم مع بعض؟! على
العموم بعد أسبوع هركب الطائرة و جاي مصر
لأنك وحشاني... أخذت إجازة 30 يوم

‘تي.... تيجي بالسلامة

‘أيلين هو فيه حاجة؟ صوتك غريب

‘لا مفيش يا محمد

‘طب ماشي سلام هقفل

‘سلام

توتري زاد... انا كذبت عليه و قولتله ان سليم غير
رقمه و هو نازل مصر بعد اسبوع!!

‘مش قولتله أني مش في اسكندرية اصلا... طب
لما يوصل و يروح ل سليم اكيد هيعرف أني مشيت

و هتبقى م*صيبة... يا غبائي كمان لو سليم قاله
كل حاجة ! أيوة انا جاتلي فكرة أخويا بينزل مصر
دايما من مطار القاهرة الدولي انا هروح أخده من
هناك و أجيبه هنا و احكيه كل حاجة و استحمل رد
فعله و خلاص... انا شكلي هحر*ق الخط ده
كماااان كل مرة أشتري خط تروح مصيبة تقع فوق
دماغي !!... مش ممكن لما احكيه يخلي سليم
يطلقني و اخلص من الموضوع نهائي ؟

سليم لبس و خرج هو و قاسم راحوا عند السنترال
يبحثوا عن الرقم موجود فين

*للأسف الرقم اللي بتدوروا عليه غير موجود في
نطاق

”نعم ازاي ده ؟!“

*يمكن الرقم يعني الخط ده اتعرض لأي ضرر ف
مش عارفين نحدد مكانه

”يعني مش حكاية قفل تليفون ؟“

*لا ده ملهوش علاقة بالتليفون يمكن يكون
التليفون مفتوح عادي بس الخط مش شغال

”تمام شكرا“

سليم يأس انه يلاقيها كل حد يسأله عنها يقول
معرفهاش

• بقولك ايه يا عم أجمد كده و متتعيش من أولها

”شوفت سألنا كام بني آدم و محدش شافها

• جر*حك فتح فيه دم نقط على قميصك!!!

”مش مهم ها هنعمل ايه تاني؟

• بقولك جر*حك فتح لازم تروح لأي صيدلية

”فكك يا عم انا كويس

• سليم متخليش دماغك ناشفة كده

”و انا بقولك مش هتحرك غير لما اعرف أيلين
فين

• انا غلطان أني خايف عليك تعالى نروح

”لا الاقي أيلين الأول

• تعالى نسأل كشك التذاكر؟

”ماشى...

راحوا عند كشك التذاكر سأل الراجل و قاله

”السلام عليكم

*و عليكم السلام ورحمة الله وبركاته... عايزة
تذكرة ل فين ؟

”مش جاي أشترى تذكرة الحقيقة جاي أسأل على
حد

*ها اتفضل ؟

”فيه بنت جات هنا إمبراح ؟... بُص هي بيضة و
مش طويلة و لا قصير و لا رفيعة و لا تخينة... و
بتلبس خمار حلو كده و استايلها حلو و رايق
قاسم قاله في ودنه

•بقا هو ده اللي متعرفش حاجة عنها ؟!

”طب اسكت خليني أكمل... ها حضرتك فهمت
حاجة من اللي قولته ؟

*و الله يا بني حاسس أني شوفت بنت زي كده
بس مش فاكر كويس... طب إسمها ايه ؟

”إسمها أيلين مصطفى محمد

*اه افكرت دي جات امبارح على الصبح كده
اشترت تذكرة

سليم قال بلفهة

”طب...طيب هي راحت فين ؟

*استنى الأول انت تقربلها ايه ؟ آسف لازم تقولي
انت بتدور عليها ليه عشان ممكن تضرها

”انا جوزها

*ايه يأكدلي أنك جوزها ؟

”يا عم انا جوزها... يعني همشي في الشارع
بقسيمة الزواج!

•حضرتك ده جوزها فعلا

*إذا كانت دي الحقيقة فهي أخذت تذكرة على
القاهرة

سليم فرح و قاله

”شكرا... قاسم هي راحت على القاهرة!!

•ايه هتروحلها ؟

”اه طبعا هروح

•طب ما انت مش عارف عنوانها بالظبط ؟

”المهم أني عرفت هي فين و هسأل عليها و ان شاء الله الاقيها... هشتري تذكرة و هروح دلوقتي

•طب خدني معاك

”لا انت خليك مع مراتك أكيد هتعوزك

•طب يا سليم جر*حك بينز*ف تعالى على أي صيدلية هنا

”لا القطر قرب يجي انت روح و هبلغك بكل حاجة

•متساش تروح للصيدلة تخلي الدكتور يغيرلك على الجرح

”حاضر تمام انا مش طفل الآه

سليم اشترى تذكرة و ركب القطر.....

جه الليل و وصل سليم القاهرة و بدأ يسأل على أيلين الناس... بعد 4 ساعات متواصلة من اللف هنا و هنا في كل مكان و في كل شارع... برضو معرفش مكانها...الجر*ح بدأ يفتح أكثر من حركة سليم و بدأ يحس بأ*لم شديد في ايده مع ذلك كمل ساعتين كمان يدور عليها... برضو مش لاقياها و مفيش ولا خيط يدلله على مكانها... حط ايده على الجر*ح و رفع رأسه للسماء يدعي ربنا أنه

يلاقيها... فجأة لمح حاجة في العمارة اللي
قدامه... البلكونة بتاعت شقة الدور الأول... في
البلكونة دي بالتحديد لقي هدوم متشرة... منهم
دريس فضي زي بتاع أيلين... ده هو بتاع أيلين
فعلا!! في اللحظة دي افكر حاجة كده من 4
شهور

كانت أيلين واقفة في اوضة سليم... قدام
المراية... بتلف نفسها زي الاميرات و بتتفرج
على شكلها بالدريس الجديد اللي بعتهولها اخوها
”بتعملي ايه في اوضتي؟

وقفت أيلين مكانها... اتوترت... بصت للأرض و
قالت

‘مفيش...’

”دخلتي اوضتي ليه؟ بتعملي ايه هنا؟

‘مفيش والله... أنا بس كنت بقيس الدريس اللي
بعتهولي اخويا...’

”في اوضتي؟!؟

‘اه لأن مرايتك اطول من مرايتي ف كنت عايزة
اشوف شكل الدريس كله عليا و اشوف اذا كان
محتاج تظبيط ولا لا...’

‘من أول ما اتجوزتك و جيتي هنا... قولتلك
الأوضة دي اياكي تدخلوها... دي اوضتي... و أنا
محبش حد يدخلها...’

‘خلاص أنا آسفة... مش هدخل هنا تاني...’

‘يلا اخرجي... و اقفلي الباب وراكي...’

جات تمشي أيلين راحت اتكعبت في طرف
السجادة... كانت هتقع بس سليم مسكها على آخر
لحظة و قال بلهفة

‘مش هتاخدي بالك كويس... انتي كويسة؟’

كانت أيلين واقعة في حضنه... رفعت وشها و
بصتله بعيونها السوداء الجميلة... بصلها سليم في
عيونها... و دي كانت أول مرة يلاحظ إن عيونها
جميلة بالشكل ده و رموشها طويلة... اتكسفت
أيلين و بعدت عنه

‘عن اذنك...’

مشيت أيلين و قبل ما تعدي من باب الأوضة قالها

كان حاسس بتعب جامد و حاسس انه دايخ و راح
على شقتها و خبط على الباب

‘حاضر ياللي بتخبط استنى البس الطرحة... الآه
لبست الطرحة و فتحت الباب و اتفاجئت لما لقيت
سليم قدامي

كان تعبان و قميصه فيه دم و اتكلم بصعوبة و قالي
”أيلين...“

قبل ما يكمل وقع على الأرض و فقد الوعي

‘سليم!!‘

اخذته جوه و نميته على الكنبه و فتحت القميص
لقيت الجر*ح اللي عند كتفه اتفتح

‘بينز*ف جامد!... انا لازم اتصرف لو قعد على
كده هيمو*ت!!‘

جاتلي فكرة نزلت عند الصيدلية تحت نديت حد من
الدكاترة

وجه واحد معايا و طلعتنا على الشقة تاني

‘مممكن تغيرله الجر*ح بسرعة و تمنع النزيف ده
؟‘

*حاضر

و الحمد لله الدكتور ظهر له الجر*ح و غيره

*غيرتله الجر*ح و دول كام دواء لازم يجيبهم و
ينتبه لأكله كويس لأن تقريبا معدته فاضية... و
اشتري المطهر اللي هكتبه و بكره الصبح ابقى
غيريله الجرح تاني بس مع المطهر الجديد... أما
السخونة اللي هو فيها دي خليه يشرب دواء
خافض السخونة ولو منفعش اعمليله كمادات...
شوية كده و هيرجع لوعيه بس أهم حاجة ياكل
كويس

تمام

*عن إذنك

شكرا يا دكتور

خرج الدكتور و قفلت باب الشقة و بصيت على
سليم و قولت في سري

الحمد لله اهو كويس... لحظة بس هو عرف
مكاني ازاي؟... يفوق و يبقى كويس و هطرده
من هنا ده أنا سبتله المحافظة كلها و جيت هنا
كمان عرف مكاني!! ماشي يا حبيبة حسابك
معايا... صح فيه أدوية لازم أجيبها

نزلت تاني اشتريت كل الأدوية مع شوية أكل و
رجعت

و جبت فوطة صغيرة و قعدت جمبه عملته بيها
كمادات

‘يا سلام لو صحي فاقد الذاكرة و يقولي انا مش
متجوز و يمشي... ايه الهبل اللي بقوله ده الكلام
ده في الأفلام الهندية مش في مصر... اساسا
الجر*ح في كتفه ايه اللي جابه ل مخه... بظلي
تحلمي يا أيلين عشان أحلامك شبهك!
”قمر يعني...“

اتفاجئت من صوته ده سليم صحي!!

‘انت صحيت إمتى؟

”من أول كلمة يفقد الذاكرة دي

قومت من جمبه و قولت

‘طب كويس أنك صحيت عشان تاخذ العلاج... لا
متحاولش تقوم خليك زي ما أنت

”هو ايه اللي حصل؟

”انت لما جيت اغمى عليك و جر*حك كان مفتوح
و نز*فت ف جبت الدكتور غير هوك

”اه... اشكرلك لاهتمامك ده

لسه همشي ف مسك ايدي و قالي

”أيلين عايز احكي معاكي

،سايبه حاجة على البوتاجاز هروح أشوفها

روحت على المطبخ و مفيش حاجة على البوتاجاز
اصلا بس انا مش عايزة اتكلم معاه

عملت له شوربة خضار و جبتها له

،كلها عشان انت ما اكلتش

”مش هاكل غير لما احكي معاكي...

،اه الظاهر هنرجع للموضوع ذاته طب تمام... يلا
قولي عليا أن انا خو*نتك

”لا مش كده انا عرفت الحقيقة و إنتي فعلا كل
كلمة قولتيها كانت صح

،تمام يلا اقل الموضوع احسن لأنني مش حابه
أتكلم فيه...

”لا هنتكلم بس بعد ما تهدي...“

”مش هنطلق...“

’ليه يعني؟‘

”بصي انا عارف ان غلظت فيكي و...“

’غلظت بس؟! ده انت مفيش كلمة وحشة إلا و قولتها عليا...“

”اسمعي بس اسمحيلي أصلح اللي عملته...“

’مينف عش خلاص و مين قالك أني هفضل مراتك...؟ انت بتحلم ده في المشمش... إحنا هنطلق اساسا و ابقا أروح ل رغد اتبسط معاها زي ما كنت مبسوط معاها في المستشفى و بالمره خليها تأكلك بإيدها...“

”لا... رغد هي اساسا و ابن خالك عملوا فيكي كده...“

’مش عايزة اسمع كل ما بتفتح الموضوع ده بتعصب جدا... مش عايزة اعرف هم عملوا ايه المهم اني كنت متأكده من نفسي... و متقعدش تبرر أفعالك اللي حصل حصل خلاص مهما اتكلمت أو بررت عن نفسك ده مش هغير حاجة من اللي

عملته فيا... كل لحظة ك*سرتني فيها و كل كلمة
غلط قولتها في حق شرفي مش اعتذار اللي
هينسيني كده او غيره... ده أنت صدقت الغريب و
أنا لا... كأنك متجوز كيس جوافة مش انسانة و
بتحس... زي ما انت غلطت انا كمان غلطت لما
جه اليوم اللي وافقت اتجوزك... سليم انت لو فعلا
ندمان و عايز تصلح اللي عملته هي حاجة وحدة
تعملها... تطلقتني و تبعد عني نهائي و كل واحد
يروح لحاله انا اصلا مش حابة أكمل مع واحد فاك
أني سهلة و عبيطة... و اديك شايف انا عايشة في
شقة لطيفة وجميلة و واسعة و معايا فلوس لتكون
مفكر إني فقيرة مثلا... و متحطش في دماغك أبداً
أني في يوم هحتاجك لأنني من أول ما عرفتك مش
احتجت ليك في حاجة... و أنت بالنسبالي صفحة و
اتقفلت و مش هرجع... و هي الليلة دي تقعد فيها
عندي لغاية ما تبقى كويس و تمشي بكره من هنا
و تنسى العنوان ده و تسيب القاهرة كلها... و
تنسى أنك قابلت وحدة اسمها أيلين و تشيلني من
رأسك نهائياً...

سليم لبس الجاكت بتاعه و بصلي بزعل شديد و
قالي

”و ليه تستني لبكره و تضغطي على أعصابك...
نخليها النهاردة عادي...“

و فتح باب الشقة و مشي

= و ليه تستني لبكره و تضغطي على أعصابك
نخليها النهاردة عادي

فتح باب الشقة و مشي

_ اهو يلا الباب يفوت كذا جاموسة يا سليم

_ هو اللي يقول الحق الأيام دي ليه يتقمص ؟!!!!

_ بس ايه ده عنده مستوى الكرامة عالي جدا

مهتمتش و روحت عملت أكل لنفسي و اتفرجت
على التلفزيون عادي جدا

ما يزعل يعني هو لما كان بيسيء ل شرفي كان
بعدها بيحس بالذنب يعني????

سليم نزل وقعد عند باب العمارة

=الصراحة عندها حق في كل كلمة قالتها

=بس أي واحد مكاني كان هيعمل كده او أكثر

=يعني انا ملستهاش و في الآخر تطلع حامل
بتحاييل بتثبت كده كنت هعرف من فين أنها مجرد
مؤمراة عشان يخلوني اطلقها ???

=طب اعمل ايه دلوقتي انا مش همشي بس نزلت
عشان لقيتها متعصبة مني جدا فقولت انزل

=كان لازم اقول ل قاسم اقدم مع مراتك ما كنت
اخذته معايا و خلاص كان هينفعني و ينصحنى
دلوقتي

=ايه الحيرة دي ياربي

وهو قاعد يفكر جه واحد عطاءه فلوس في أيده و
كمل مشي ف سليم قعد يضحك و قاله

=يا باشا خد هنا لو سمحت

*نعم؟

=ايه الفلوس دي؟

*مش كثير صح؟

=أنت الظاهر فهمت الموضوع غلطت انا لسه
صاحي و مراتي طرداني لكن انا مش شحات والله
انا معايا فلوس على فكرة

*اه عشان كده قاعد على السلم طب تعالى اقعد

عندي بيتي قريب من هنا

=والله انا مش شحات

*يسطا ما انا عارف

=او مال بتديني فلوس ليه ؟

*قولت اخليك تفك عن جو النكد ده و تضحك و

نجحت في كده

=والله انت عسل فعلا ضحكت

*فكك من النكد ده هي كده الستات قادرة

=يا رايق????

*استأذن بقا

=استنى خد فلوسك دول

*أيوة صح هاتهم انا مش معايا أكمل فلوس

المواصلات اصلا

=سلام????

=مينف عش اقعد كده انا هتصل ب قاسم و خلاص

طلع تليفونه ولسه هيتصل على قاسم لقي أبوه
بيرن عليه

=نعم يا بابا

*ايه الأدب ده ؟

=ما انا مؤدب طول عمري

* هو انا المفروض ابقى مخلصك بس عايز اسألك
سؤال و تجاوبني و بعدها هخلصك تاني

=اتفضل

*بقولك يالا لقيت أيلين ؟

=اه لقيتها هي في القاهرة وانا قاعد اهو في
الشارع تحت العمارة اللي هي فيها

*جدع طب هترجع إمتي انت و هي؟

=فيه مشكلة صغيرة هحلها و أرجع قصدي نرجع

*تمام لو عايز حاجة ابقى قولي

=حاضر

قفل معاه وبعدها إتصل ب قاسم

٨ ها يا سليم أنت كويس ؟

= انا تمام بص افتح وادنك و أسمع هقول ايه

٨ ها فاجئني!!

= انا عايز اعمل أي حاجة عشان أيلين ترجع معايا
لفيت إسكندرية أسأل واحد واحد عليها و قولت
عشان أيلين ، روحت القاهرة زي ما أنت عارف
استحملت حر القطر و قولت عشان أيلين ، سيبت
الجرح يفتح و نزفت دم كثير و قولت عشان أيلين ،
لفيت القاهرة كلها لوحدي و قولت عشان أيلين ، و
الحمد لله لقيت العنوان مع وحدة ست طيبة برضو
عشان أيلين ، لكن لما أروح لأيلين نفسها و
تطردني وحاليا قاعد على سلم العمارة و فيه واحد
عطاني فلوس على أساس انا شحات مش حرام ده
و لا لا ؟!!!

قاسم فضل ضحك

٨ بقيت مطرود يا عيني

= هي أحزاني تضحك للدرجة دي أقولك ايه شوفلي
حل و حياة أبوك

٨ حاضر بس كده

= ها ابهرني ؟

٨ طالما انت مُصر للدرجة دي عشان أيلين ترجعك
هساعدك بس يالا انت طلعت بتحبها اهو

= لا مش بحبها

٨ لا بتحبها و بطل تكابر وانا هقولك عرفت ازاي

٨ أول حاجة لما كنت فاكِر أن أيلين بتخونك زعلت
جدا لو انت مش بتحبها كنت هتفرح لأن ده هيبقى
سبب مقتع أنك تطلقها من غير ما حد يوقف ضدك
، تاني حاجة انت زعلان لأنك قاعد من غيرها و
الدليل أنك مصبرتش تقعد يومين على بعض من
غيرها و روحت وراها على القاهرة على طول ، و
ثالث حاجة بالرغم أنك بقيت مطرود قاعد اهو تحت
العمارة عشانها ، شوفت انا قفشتك ازاي ؟

= على فكرة انت بارد انا بقولك شوفلي حل و أنت
قاعد تراقب في تصرفاتي

= خد هنا صح أنت مالك أصلا إذا كنت بحبها او
مش بحبها في الحالتين ميخصكش

٨ حبيت بس أقولك أن انا أكثر واحد فاهمك كويس
يا حبيب أخوك

= استنى بس اطلع من اللي انا فيه و أنت لوحدك
ليك روفة ، هتساعدني ولا لا ؟

٨ هساعدك طبعا ، انت دلوقتي تروح تخبط على باب شقتها و تدخل عادي حتى لو هي ما وافقتش اقعد برضو و قولها أنك جوزها و تقعد في أي مكان هي قاعدة فيه و لو اتعصبت عليك انت تفضل هادي جدا معاها لأنها في ساعتها لها الحق انها تتعصب عليك و تخليها تطلع كل حاجة جواها المهم أنك تفضل هادي جدا

=اعتقد ان ده اسمه برود صح ؟

٨ ايوه اسمه برود أعصاب خلي أعصابك باردة جدا البرود بيحل المواقف اللي زي دي سألني انا لما اتخانق مع مراتي ببقى بارد جدا و أنا بصالحها فانت اعمل زي كده

=طب لو جابت مسدس و ضربتني بيه هنا بقا هعمل ايه ؟

٨ تستشهد طبعا و انا هديك تدخل الجنة و كل يوم هاجي عندك ازورك و احطلك وردة من ام 2 جنيه على قبرك

=أنت بتتريق عليا يا قاسم!!!!

٨ لا طبعا ما انت بذكائك ده بتقولي لو جابت المسدس و ضربتني بيه هتموت ساعتها يا ناصح

=بص هجرب الحل ده لكن لو قتلتني هموت و انا
غضبان عليك

٨تمام يا أخويا يلا استعد و انا هدعيلك دعوة
أحسن من دعوة الأم

=أما نشوف

قفل سليم معاه و قال يعمل زي ما قاله

=توكلنا على الله

راح عند شقتها و قبل ما يخبط قال في سره

=أعصاب باردة أهم حاجة الأعصاب الباردة

و خبط على الباب و قومت فتحت و لقيته هو تاني

_نعم

=اتعتي كده دخليني

سليم دخل بكل برود و كمان قعد على الكنبه و حط

رجل على رجل و بياكل من طبق الفيشار بتاعي

!!!

=مش تزودي حتة ملح في الطبق

_بجد انت بعمل ايه هنا ؟

=مش ملاحظة أن انا ابقى جوزك ، في كل مكان
هتروحي عنده هاجي وراكي او مال ايه يعني اسيب
مراتي تقعد لوحدها ليه انا مش راجل!!!

_والله ؟!!!!!! انت بتهزر صح ؟ و مين قالك أني
هو اقف اقع معاك في مكان واحد ده في المشمش

=بس المشمش بدأ يطلع

_يعني ???

=قاعد و مش همشي تواقفي او متواقفيش مش
موضوعي

_انت مش ملاحظ أن انا اللي بدفع الإيجار ؟!!!

=و ماله ندفع بالنص بعد كده

_انا هكون هادية و هقولك بكل هدوء تخرج عشان
مش عايزة اتعصب

=اتعصبي و ماله حقك طبعاً

اتعصبت فعلاً و زعقت فيه

_سليم اطلع بره حالاً

قام و بصلي في عنيا و قالي

=اتعصبي براحتك و زعقي براحتك اعلمي فيا أي
حاجة إنتي عيزاها حتى لو عايزة تضربيني اضربي
انا اهو قدامك و مش هتكلم مهما عملتي مش هتكلم
ابدا

=اعلمي أي حاجة فيا مهما كانت ايه المهم تطفي
النار اللي في قلبك اللي انا سببها المهم متقديش
ساكتة و شايلة مني كل ده طلعي كله فيا

=لكن يكون في علمك انا مش همشي يعني مش
همشي و لو مشيت من هنا أنتي هتبقى جاية معايا
لكن غير كده لا

=صح فكرة الطلاق دي تشليها من دماغك لأنني
مش هعمل كده و هتفضلي مراتي لغاية ما أموت
قولتله بتحدي

_طيب كده تمام انا اللي همشي

و روجت افتح البيت فهو قفله بالفتاح و قالي

=لا مش هسيبك فاهمة ؟

_لا مش فاهمة يا تفتح الباب أو أصرخ و ألم عليك
أهل العمارة كلهم و اقولهم أنك جاي تتعدى عليا

=طب لما يعرفوا أن انا جوزك هيكون موقفك ايه
؟

_ انت مش جوزي و عمرك ما كنت جوزي و بطل
تحلم أني هرجعك

=لا ده مش حلم ده حقيقة هترجعي

=أيلين اديني فرصة أصلح كل حاجة وحشة عملتها
فيكي ثقي فيا بس

بص على أيدي و مسكها و قالي

=فين الخاتم ؟

اتعصبت منه و سحبت ايدي

_ اياك تحاول تقرب مني تاني انت فاهم!!!

_ بعدين ايه اثق فيك ده طب هل أنت وثقت فيا الأول
عشان انا اثق فيك ؟!!!!

_ الإجابة واضحة طبعا لااااااااااا يبقى متقولش اثق
فيك دي تاني انا مستحيل اثق فيك تاني

_ كنت فكراك إنسان كويس و أنك فيوم هتعتبر أني
مراتك بجد و تحبني لكن طلعت تصدق أي حد ما
عدا أنا

_افتكر انا كام مرة دافعت عن نفسي و أنت لا حياةً
لمن تنادي ده لو فأر قالك أن أيلين بتخونك هتصدق
طبعاً

_سليم متحاولش تقلب الواقع انا مجرد بنت انت
كنت مجبور عليا ف متفكرش أنا في يوم نبقي
ناس طبيعية مثلاً

_و تطلقتي غصب عنك بدل ما أرفع عليك قضية
خلع

_يلا هات المفتاح افتح الباب كده يا أنا امشي او
أنت لكن نقعد في نفس المكان لا
=آخر كلام عندك؟

_اه آخر كلام عندي ممكن تمشي و تسيبني لوحدي
؟

عينيه دمعت و قال

=اسمعي اللي هقوله ده كويس

=مكنتش فاكراً أن هيجي يوم هنقف ضد بعض كده

=إنتي عندك حق فعلاً أبويا اجبرني أني اتجوزك
بس في نفس الوقت انا فكرت و قولت اشمعنا إنتي

دي اللي مصمم أنها تبقى مراتي ف رضيت
اتجوزك عشان أعرف السبب

=و بعد ما اتجوزنا كنت بحاول على قد ما أقدر
اجمعلك غلطة وحدة بس عشان أقول لأبويا شوف
اختياره عملت ايه

=بس تعرفي لغاية دلوقتي مش لاقى فيكي ولا
غلطة

=كان كل اللي في بالي ساعتها أني اطلقك بس بعد
ما الاقي سبب مقنع عشان اوريه لأبويا و يعرف
أنى مش عايزك من الأول

=كنت زي أي شاب عادي خلصت دراستي و بتمنى
أحب و اتحب و أتجوز و أكون أسرة خاصة بيا و
يكون عندي زوجة بحبها جدا

=بس من جوايا كنت عايز ان علاقتنا دي تتصلح و
كنت بحاول اعمل كده بس إنتي مكنتيش بتديني أي
فرصة

=و بعد ظهر موضوع الحمل الكاذب ده زعلت و
اتقهرت لأنى كنت عايزك تفضلي ليا مهما كل واحد
في مكان بعيد عن الثاني

=عشان كده قعدت اجرح فيكي عشان اللي كنت
حاسه ساعتها

=و لما عملت حادث العربية و بقيتي طول الوقت
قاعدة معايا و بتتكلمي معايا كنت ببص لوشك
برتاح جدا و بسرح فيكي لكن لما كنت أفكر
موضوع الحمل ده اللي هو اصلا سبب اللي إحنا
فيه دلوقت كنت بتترفز و مش قادر اتخيل أنك
بتحبي حد تاني

=مجرد ما كنت بفكر أنك مش ليا و مراتي على
الورق بس كل العصبية و كل الوجد اللي كنت
بحسه بطلعه فيكي إنتي و في نفس الوقت كنت
مش عايز اطلقك ساعتها لأن كان عندي إحساس
ان فيه حاجة غلط بس الغلط خلاني ابقى اعمى عن
الحقيقة

=و إنتي استحملتي كتير بسببي مش يمكن عشان
انا أناني شوية كل اللي بحسه مفروض يبقى ليا و
مبقاش ليا بنفجر غضب حرفيا

=معاكي حق في كل اللي بتعمله بس برضو انا
عندي حق فإن عايزك تفضلي معايا

اتعصبت من غير سبب لسه هخرج اتخانق معاه ،
وصلت رسالة على تليفوني

مسكت التليفون لقيت أن الرسالة من أخويا محمد
و كان كاتب فيها كالتالي:

*ازيك يا ايلين بصي الشبكة ضعيفة عندي و مش
عارف هل الرسالة وصلتلك و لا لا ، المهم بصي
المفاجأة دي انا لقيت طيارة جاية مصر قريب يعني
بعد 24 ساعة بالظبط بدل ما استنى أسبوع بحاله ،
انتي مش عارفة ادايه انتي وحشاني و أخيرا
هشوفك لو شوفتي الرسالة اعرفي إني جاي
، سلام يا ايلين.....

اتفاجئت جدا و قولت

_ محمد جاي بكره ؟؟؟؟

_ يا مصيبتى ؟؟؟؟

_ هو جاي على الاسكندرية و أنا مرزوعة هنا في
القاهرة!!

_ و كان ميعرفش اي حاجة عن اللي بيحصل ده

_ انا لازم اتصرف مش لازم يعرف المشكلة اللي
بتحصل دي

قعدت افكر شوية و الف في الأوضة لغاية ما جات
فكرة في دماغي بس للأسف هحتاج حد معايا

خرجت من الأوضة لقيت سليم قاعد على الكنبه
بياكل فشار و بيتفرج على كرتون

_سليم؟

=نعم

_من الآخر كده كل اللي قولته مش بيهمني و مش
هغير موقفي ناحيتك أبدا يعني بالأصح أنا لسه
بكرهك

=ما انا عارف بصي فكك من اللي قولته إنتي
مفيش فايده فيكي

_بس انا عايزة طلب؟

=نعم

_أخويا محمد راجع بكره

=و ماله يجي و ينور

أخذت ريموت التلفزيون و قفلته

=إنتي ايه اللي عملتیه ده!!

=ده انا فين و فين ما بتفرج على كرتون

=هاتي الريموت كده دي حلقة مهمة من توم و

جيري

_ لا ركز معايا فالي هقوله

=ها في ايه ؟

_ محمد راجع مصر بس هو ميعرفش اي حاجة

عن اللي بيحصل ده

=غريبة أنك مش قولتيله ؟!!!

_ ما هو شايل الهم لوحده و متغرب بره مصر و

بيشتغل و بيتعب أروح انا بكل غلاسة اتقل عليه و

اقعد اشكيه عشان يتعب أكثر ؟؟؟ لا طبعا مش

هقوله و لازم يعرف

=و المطلوب ؟

_ بص أخويا محمد لما ينزل مصر هيجي عن

طريق مطار القاهرة الدولي و إحنا اهو في القاهرة

يعني لما يوصل ناخده من هناك و نجيبه هنا و

نقوله أننا بنغير جو في القاهرة و قاعدين شوية و

نتصرف بطبيعية قدامه لغاية ما تخلص إجازته و

يرجع أمريكا و بعدها أنا و انت نطلق و ابقى اقوله
في التليفون ده نصيب و خلاص

=نطلق ؟؟؟؟؟

_أيوة نطلق مالك مستغرب ليه كده ؟

قام من الكنبه و قالي

=برضو يا ايلين ؟ لسه مشلتيش فكرة الطلاق دي
من دماغك !!!

_اه مشلتهاش و ده اللي هيحصل فعلا

=بعد ما قولتلك كل اللي حاسس بيه ناحيتك برضو
مُصرة نطلق ؟؟؟؟؟

=يا ايلين انا بحبك افهمي!

_أولا انا كرامتي فوق أي شيء أيا كان ايه هو ،
اللي انت عملته فيا مش قليل و كل كلمة وحشة
قولتها في حق شرفي لغاية اللحظة دي مش قادرة
أنساها ، ثانيا بقا استحالة اقعد مع واحد كان
فاكرني رخيصة و خيانة و...و...و

_أي وحدة مكاني كانت هترفع عليك قضية خلع
بس انا مش هعمل كده عشان انا عايزة اطلق و
بس و مبحبش جو المحاكم ده

_فأنت برضاك او غصب عنك هطلقتي و كل واحد
يروح لحاله و كلها يوم واحد بس تقعد هنا لغاية ما
أخويا يمشي و بعدها انت تمشي من القاهرة نهائي
و ترجع بيتك اللي هو بيتك عمري ما حسيت إن
بيتك هو بيتي ده كان محل إقامة مؤقت و زي ما
انت شايف كده الشقة هنا جميلة و لطيفة و أنا
قادرة كويس ادير حالي هنا يعني مش محتاجة
لمساعدة منك مثلا

_اذا كنت انت بتحبنى فأنا مش بحبك يعني
خلصانة و واضحة زي الشمس إني مش عيزاك
تبقى موجود في حياتي

_تصبح على خير

بصلي بزعل شديد و تقريبا كان بيعيط و قالي

=تمام انا موافق اعمل اللي طلبتية مني

=لكن إذا كان دماغك ناشفة فأنا دماغي جزمة و
انشف منك بمراحل ، و إنتي عندك كرامة تمام ده
حاجة تحترم و كل حاجة لكن اعرفي إن “الكرامة”
دي معدتش عليا قبل كده يعني هفضل لاسق فيكي

=و مش هنطلق و هتشوفي بعينك و هتفضلي
مراتي لغاية ما أموت و هقولها تاني “طلاق مفيش
ده في أحلامك”

=و إنتي من اهل الخير يا مراتي

فتح بابا الشقة و خرج.....

_و عادي و عادي و عادي ، يلا براحتك و أنا
مالي؟!!!

دخلت انا اوضتي و نمت عادي جدااا

عند سليم

سليم نزل عند مدخل العمارة و قعد على عربية من
العربيات اللي راكنة.....و كان زعلان جدا

=هو فين قاسم؟

فتح تليفونه و اتصل ب قاسم

”ها قول؟

=اعترفت بحبي لايلين.....

”جدع ياولا

=استتى أكمل ، بعد ما قولت لها كده رد فعلها اللي
شوفته مستفز جدا دي مصممة على الطلاق و
دماغها ناشفة أوي و مش راضية تغير كلامها
اتغيرت جدا و كل ده بسببي أنا لولا غبائي و
تسرعي في الحكم عليها مكنش ده كله حصل ،
ايلين حاليا عايزة تقتلني و حاولت معاها و هي
ثابتة على كلامها لدرجة إني حاليا حاسس أنها
حقيقي مش هتبقى معايا فعلا (بدأ يعيط)

=و مش عارف اعمل ايه ولا اتصرف ازاي

”اهدى يا بني انت بتعيط!!“

”بعيدا عن الموضوع انا أول مرة اسمعك بتعيط
طلع عندك دم اهو????????“

=بتضحك عليا ما قولتلك انت ليك روقة لوحدك
اصبر عليا بس

”خلاص آسف????“

”بس اهدى كده و اسمع اللي هقوله

=ها ابهرني!

”في المواضيع اللي زي كده لازم تصبر كثير و
تحاول بدل المرة مليون طالنت انت عاوزها يبقى
متستلمش بالسهولة دي

”واضح أن مراتك عايزة تنتقم منك ف انت وسع
ليها الطريق و خليها تطع كل اللي جواها فيك انا
عارف حركات الستات دي اللي هو زي ما انت
جرحتها ف بالبلدي كده هي عايزة تدوقك من نفس
الكأس و تحس نفس اللي هي حاسته لما شكيت
فيها

”اه و حاجة أخيرة عشان ترجع معاك استغنى عن
كرامتك شوية عشان انا عارف ان مستوى الكرامة
عندك ضارب في السماء واخذ بالك طبعاً!!

=كرامة ايه اللي بتتكلم عنها دي ؟ حاليا كرامتي
كلها على سلم العمارة أصل انت مشفتهاش قالت
ليا ايه!!

”طالاييب????

”المهم حاول معاها كثير و متزهقش و هي لما
تلاقيك مصمم أنك تبقى معاها هتعرف تلقائياً أنك
بتحبها بجد و في ساعتها ترجعوا لبعض أن شاء
الله

=تصدق رحيتني بكلامك انت صح فعلا تعرف يا
قاسم انت بتفركني بأمي انت وهي زي بعض في
الكلام

”أي خدمة ؟؟؟؟ الله يرحمها

”اخذتني في الكلام و نسيت اكتب الواجب مع ابني
و الواد نام اهو منك لله هتخليني اصحى بدري بكره
عشانه

=روح نام انت كمان

”تصبح على خير

=و انت من أهله

قفل سليم تليفونه و قعد يفكر يعمل ايه بص
على البلكونة بتاعت الشقة اللي فيها ايلين و قال
لنفسه

=تلاقيها نايمة مرتاحة جدا يا بختها؟؟؟؟

اما انا لسه منمتش و قومت من السرير خرجت من
الأوضة افكرت إن سليم جه لكن لا لسه مجاش!

فتحت البلكونة و بصيت لقيته قاعد تحت فوق
عربية و ساند رأسه على الحيطه و مغمض عينه
تقريبا كان نايم

_ هو نام بجد في الشارع ده انا قولت إن شوية و
هيجي

_ طالما هو مستوى كرامته عنده عالي كده
اوو مال عايزني استغنى عن كرامتي ليه ؟؟؟؟

_ و على ايه ده كله و بيعمل كده ليه و مش راضي
يمشي طب ما يطلقتني و خلاص على الأقل انا ارتاح
و هو يرتاح

_ بس حرام ينام في الشارع و أنا لسه مراته

_ اعمل ايه ؟

تلقائيا لقيت نفسي لبست الخمار و نزلت عنده و
صحيته

_ سليم ؟

_ سليم اصحى

_ يا سليم قوم يلا

_ تعالى نام فوق في الشقة

_ انت مش بيرد ليه ؟

_ يا سليم اصحى انا بكلمك

_ هو ماله جراه حاجة ؟

_ سليم اصحى متهزرش

_ متبقاش كمان مزعلني و فوق كده بتهزر معايا

!!

قلقت جدا و خوفت

_ سليم قوم يلا

متحركش و لا صحي

جه في دماغي أنه مات !! و بدأت اعيط

_ قوم و النبي و مش هزعلك تاني و الله

صرخت فيه

_ يا سلييييييييييييييييييييييي

فجأة قام مفزوع

=ايه يا ستي ده انا ما صدقت أن عيني قفلت

تقومي تصرخي في وشي كده!!!

=ايلين إنتي بتعيطي ليه ؟

مسحت دموعي بسرعة

=مالك؟؟؟؟

_مفيش حاجة دخلت في عيني

=طب مش الحاجة دي دخلت في عين وحدة يبقى
ليه عيونك الإيتين بيعيطوا !!؟

_معرفش اهو اللي حصل

=اااااه يعني لما مصحتش بسرعة افكرتي إني
ميت ؟؟؟؟؟؟؟ لا يا ختي متخفيش انا قاعدك
اهو؟؟؟

_تعالى نام فوق في الشقة

=لا ما صاحبة الشقة بتكرهني

=و مالها العربية دي اهو قاعد فوقها بس لوجه
صاحبها هتتفخ

_لا بجد الوقت أتأخر تعالى نام فوق

=ايلين روعي إنتي اطلعي نامي

_مش طالعة غير لما تطلع معايا

=يا بنتي انا عاجبني المكان هنا

_ و ماله يبقى خلاص انا كمان مش طالعة و اهو
قاعدة

فضلنا ساكتين شوية حوالي ربع ساعة

و قعد يضحك و قالي

=مفيش فايده منك يلا انا طالع معاكي مينفعش
تقعدني في الشارع كده في الوقت ده

رجعنا الشقة انا و هو هو نام في الصالة
و أنا نمت في الأوضة

و الغريبة إني نمت لما اتظمنت إن سليم معايا في
الشقة

تاني يوم

صحيت و اشتريت شوية حاجات عشان محمد
أخويا هيوصل بالظبط على معاد العشاء

,,,,,,,,,,,,,

ليا كتير مدخلتش المطبخ اهو يلا اعمله الاكلات
اللي بيحبها

جه الليل و خصلت كل حاجة و أخويا كلها ساعة و
ينزل في مطار القاهرة

طلعنا انا و سليم على المطار

و بالفعل وصل أخويا بالسلامة و سلمت عليه و
حضنته و سليم اتعرف عليه و اخدناه على البيت

و جهزت الاكل و حطيته على السفرة

و قعدنا إحنا الثلاثة ناكل مع بعض

و الكلام بدأ كالاتي:

*مش انتوا كنتوا ساكنين في الإسكندرية ؟

_جينا هنا تغير جو ، ها ايه رأيك في الاكل ؟

*تحفة تسلم ايدك

و سليم فضل يرغي مع محمد و هم الإثنين اخدوا
على بعض

بس محمد لاحظ أن انا و سليم مش بنتكلم و
بنتجنب الكلام مع بعض

*مش عايز ادخل بس يا ايلين هو فيه حاجة ما
بينك و بين جوزك ؟

قولت بتوتر

_لا مفيش

*متأكدة ؟

_اه متأكدة

محمد قال ل سليم

*صح انت غيرت رقمك ليه ؟

=غيرت رقمي ??? مغيرتش حاجة رقمي لسه موجود

*ايلين قالتلي من 3 أيام أنك غيرته ؟

بصيت ل سليم

=لا رقمي متغيرش

*على كده ايلين بتكذب عليا ؟

_لا مش كده

*او مال ايه ؟

*ايلين قوليلي كذبتى عليا ليه و مالكم انتوا الإثنين بتتعاملوا كأنكم غريبين عن بعض ؟

مقدرتش ارد ف سليم قالي

=أنا آسف يا ايلين

=بص يا استاذ محمد انت من حقك تعرف كل اللي
بيحصل عشان كده هقولك

*اتفضل

=انا و ايلين متجوزين على الورق بس ابويا
غصب عليا اني اتجوزها ف من اول ما اتجوزتها و
إحنا الإثنين عايشين ك أخوات مش أكثر في يوم
ايلين ظهر عليها أعراض الحمل ا جبت دكتورة
قالت إنها حامل و أنا اصلا ملمستهاش ف حسبتها
أنها تعرف حد كده ف عشان اتأكد من كده أخذتها
عن دكتورة تانية و عملت تحاليل في نتيجة التحليل
لما طلعت اثبتت أن ايلين حامل فعلا ف اللي حصل
بعد كده بقا اني اتأكدت أنها عملت علاقة مع حد

=اهانتها و اتهمتها أنها خاينة و هي فضلت تدافع
عن نفسها بس انا مصدقتهاش و فضلنا نتخانق انا
و هي ، لغاية ما ايلين سابت البيت و سابت
الإسكندرية كلها و جات هنا لوحدها و فين و فين
ما ظهرت الحقيقة لما جات بنت خالها قالت على
كل حاجة إن أخوها و رغد دي البنت اللي كنت
عايز اتجوزها هم الإثنين اتفقوا أنهم يبينوا إن
ايلين حامل على أساس أنها بتخوني

=عشان لما اطلق ايلين ... مروان ابن خالها
يتجوزها و رغد تتجوزني هم الإثنين اتفقوا مع
الدكتورة اللي جبتها في الأول عشان تقولي ان
ايلين حامل و هم الإثنين اتفقوا مع البواب و كان
بيقولي إن ايلين جابت راجل غريب في البيت أثناء
غيابي و هم الإثنين غيروا نتيجة التحليل عشان
تبان إن ايلين حامل و هم الإثنين بدلوا الدواء
بتاعها بدواء بيخلي الأعراض مستمرة لمدة طويلة
!!!!

=طبعا مع كل ده ظهري إن ايلين خاينة غلظت
فيها و في حقها و ظلمتها ظلم كبير و جيت هنا
عشان ارجعها معايا و مكنتش عيزاك تعرف عشان
متضايقش بس لازم تعرف و اهو قولت على كل
حاجة و هحترم رد فعلك بس في الأول و للأخر كده
عايزك تعرف إني بحاول اصلح اللي عملته و دي
كانت لعبة اترسمت عليا منهم و غرضها إني
اطلقها بس معملتش كده و مش هعمل كده

بعد اللي سمعه محمد لقيت الغضب اتجمع على
وشه و قام من السفارة و قال

*أنت مطلقتهاش و معملتش كده بس انا هخليك
تعمل كده

*ايلين ادخلي البسي و هاتي كل حاجتك لأنك
هترجعي معايا و مش هتقعدى ثانية مرات البني
آدم ده

=نعم؟؟؟؟ ايه اللي بتقوله ده ؟

=تروح معاك فين !!! ايلين مش هتمشي

*لا هتمشي معايا غضب عنك ، متتحة ليه ؟
بقولك البسي و هاتي حاجتك عشان متعصبش
عليكي

سليم مسك ايدي و قاله

=لا مستحيل ده يحصل ايلين مش هتروح أي
مكان و هتفضل معايا

محمد اتعصب أكثر و فجأة ضرب سليم

*متمسكش ايدها تاني او تنطق إسمها انا مش
راضي اقتلك هنا لأنني مستحقش ادخل السجن
عشان واحد زيك

=اعمل اللي انت عايزه لكن ايلين مش هطلقها

*ايه معندكش دم؟؟؟ بعد اللي عملته فيها لدرجة
أنها طفشت و عايزها تسامحك ! تعرف لو كان
حصلها حاجة كنت مسحتك من وش الأرض و أقل

دخلت الأوضة و بدأت البس و اخذ كل حاجتي

=ايلين لا

*و انت بقا تحب نقضها طلاق بما يرضي الله و لا
نقضها خلع في المحاكم ؟

=ايلين هتفضل معايا

*استنى بس القعدة في أمريكا خلتنى انسى كلمة
مشهورة هنا في مصر ايه هي يا ربي ؟؟؟؟؟

*اه افكرتها : تقعد معاك في المشمش

*تعرف بس لو قربت منها هقتلك و بقولها اهو
ايلين تنساها و لو مش عايز تطلق نقضها مع
بعض قواضي خلع كده كده انا بحب المحاكم اوي

خرجت من الأوضة و معايا شنطتي بصيت ل سليم
لقت كل نظراته ليا بتقول متمشيش

بس مش هقدر أقف ضد محمد و غير كده ده اللي
انا كنت عيزاه من الأول أنا نبعد عن بعض

*بتبصيله ليه ؟ ده ميستهلش وحدة زيك

محمد مسك ايدي و مشينا بعربيته

*بتبصيله ليه يا أيلين ؟ ده ميستهلش وحدة
زيك...

محمد مسك ايدي و مشينا بتاكسي... راجعين على
الإسكندرية

سليم جري وراهم لكن ملحقش... وقف في نص
الشارع هيتجنن لأن أيلين مشيت... الدموع
اتجمعت جوه عيونه... بص للأرض بحزن و قال

”طب هو أنا صح ولا غلط... أنا قولتله عشان أنا
زهقت من التمثيل اللي بنعمله دايمًا قدامه و من
حقه يعرف ليه اخته حزينة... لكن هو اخذك مني
!؟ كنت هصلح غلطي والله!

قاعدين في التاكسي أنا و محمد... ساكتين
خالص... هو بيبص من الشباك و كل كام دقيقة
ينفخ بضيق... مضايق مني... بس اعمل ايه...
أنا كنت خايفة عليه و كنت عارفة أنه هينفعل
بالطريقة دي عشان كده سكت...

‘محمد... ممكن تهدى ؟

بصلي بعصبية و لسه هيزعق فيا بس سكت في
آخر لحظة لما أخذ باله إن السواق معانا... قرب
من ودني و قال

حسابك لما نوصل!!

رجع يبص من الشباك و ساكت... أنا كمان
هتعا*قب منه... لو هعرف أنه هيضايق مني كده
كنت قولتله من بدري و خلاص...

وقف التاكسي قدام فيلا كبيرة و فخمة... استغربت
انه وقف هنا... بصيت لمحمد اللي كان بيبعد
عيونه عني و قال بجمود

يلا هاتي شنطتك و انزلي...

‘بس ده مش بيتنا!

بقولك انزلي...

نزل هو و أنا استغربت طريقته دي... اضطريت
انزل زي نا هو عايز... التاكسي مشي و وقفت
جذب محمد

‘مش هتقولي احنا بنعمل هنا ايه؟

استني لما يجي...

‘مين؟

إهان...

‘إهان مين؟

فجأة ظهر قدامنا شاب ثلاثيني وسيم و رياضي...
قرب من محمد و حضنه

— عامل ايه وحشتني يا كابتن

*أنت أكثر والله...

بصلي و ابتسم و مَد ايده يسلم عليا بس محمد قاله

*احنا في مصر و لا نسيت ؟

— مش فاهم ؟

*احم... احنا في مصر مش بنمسك ايد بنات غير
زوجاتنا و اخواتنا...

— آه فعلا... معش بس نسيت... أنا آسف...

تعالوا اتفضلوا...

مشي قدامنا... دخلنا قيلته الواسعة و
جميلة... ديكورها هاضي و الألوان مريحة كده...
قعدنا على الانترنتيه أنا و محمد... و الشاب نادى
على الخدمة بالانجليوي و جات قدمت العصير...

— اتفضلوا اشربوا...

اترددت اشرب ولا لا بس لقيت محمد شرب ف
قولت اشرب طالما عادي... بعد ما خلصنا العصير
ابتسم و قال

—بالهناء و الشفاء...

*اشكرك يا إهان على حُسن ضيافتك... ممكن
تورينا الأوضة اللي هنقعدها فيها؟

—أكيد طبعا...

كنت متفاجئة من الكلام اللي اتقال قدامي ده...
بصيت لمحمد مستتية منه توضيح لكن شاورلي
اقوم معاه و قومت... اتمشينا شوية و وصلنا عند
اوضة... إهان فتح الباب و بص لمحمد بإبتسامه
و قال

—ايه رأيكم؟

أنا اتفاجئت من حجم الأوضة و جمالها... اداله
المفتاح و كمل

—عايزكم تاخدوا راحتكم على الآخر... البيت
بيتكم... عن انكم...

مشي و دخلنا الأوضة... محمد قفل الباب علينا و
قعد على الكنبه بيقلع الكوتشي بتاعه...

‘مين ده يا محمد و احنا هنا بنعمل ايه ؟

*إلهان صديق قديم اتعرفت عليه أول ما
سافرت...*

‘ايوة برضو مفهمتش... احنا بنعمل ايه هنا ؟

هنقعد عنده...

‘ليه ؟ و فين بيتنا راح ؟

عمك اخده...

‘اخده ازاي ؟

*اخده زي ما بياخد أي حاجة... بالتزوير و
الرشاوي أثبت إن ابوكي الله يرحمه متأجر منه
بيتنا اللي كنا عايشين فيه... و دلوقتي قدر ياخده
بعد ما أثبت للمحكمة إن البيت بتاعه...*

‘قعدت جمبه و بحاول استوعب اللي سمعته ده

‘طب و انت عرفت ازاي ؟

محامي ابوكي قالي...

‘امتى حصل الكلام ده ؟

*من 3 شهور... و أنا لسه عارف بالصدفة من اسبوعين... عشان كده كان لازم انزل مصر... و كنت ناوي انزل 10 أيام بس و مكنتش هعرفك إني جيت لاني كنت نازل اتخايق مع عمك و عشان البيت... بس اتفاجئت لما مديري اداني اجازة شهر... ف قولت بما إني كده كده قاعد شهر كامل لازم ازورك... و كنت ناوي اقعد هنا مع إلهان لغاية ما ارجع بيتنا... بس جوزك ال **** لما عرفت كل حاجة حلفت انك مش هتعتدي معاه ولا يوم...

‘و هتعمل ايه في البيت ؟

*افوق بس من اللي أنا فيه و هروح لعمك....

‘هتعمل ايه ؟

*هاخد البيت طبعا... البيت ده اتولدنا فيه و اتربينا فيه و بتاعنا أنا و انتي... من أول ما اتوفى ابوكي و عمك حاطط عينه على البيت و متهدش غير لما اخده اهو... بس أنا مش هسكت... و البيت ده مش هيتكب بإسم غير اسم ابونا... و مفيش حد هيقعد فيه غير أصحابه اللي هم أنا و انتي...

‘طالما ده كله حصل... مقولتش ليه ؟

*اكيد طبعا مش نفس السبب اللي انتي مقولتيش
عشانه... و خبيتي عني كل اللي عمله جوزك...

بصيت للأرض بخجل و قولت

‘خلاص أنا آسفة... متزعلش مني...

*از عل؟! أيلين أنا ماسك نفسي بالعافية منك...
انتي ليه اتعاملتي في المشكلة دي كأني مش
موجود على وش الدنيا؟

‘مكنتش عايزة اتعبك و ادوشك بمشاكلي...

*والله؟ حوار البيت ده لما عرفته مقلقتش
اوي... لاني كنت مطمئن إنك في بيت جوزك و مع
راجل يحميكي... بس كنت غلطان... أنا السبب
لاني وافقت تتجوزي الحيو*ان ده... بس أنا
هعرف اصلح غلطي ده... و الك*لب ده مش
هيطول ضُفر منك طول ما أنا عايش!!

‘خلاص متتعصبش يا محمد...

*خلصنا يا أيلين... اتهدى بقاا

‘و النبي ما تتضايق مني...

*خلاص يا أيلين...

ميلت على كتفه و قولت بنبرة ميقدرش يقاومها

‘الآه... متبقاش قموصة... او عدك إني مش
هخبي عنك حاجة تاني...’

بصلي بطرف عينه و بعد كده ضحك و قال

*خلاص مش زعلان... بس مفيش رجوع للكائن
اللي كنتي عايشة معاه ده...’

لما قال كده جه في بالي سليم... يا ترى شكله ايه
دلوقتي بعد ما محمد اخدني قدامه ؟ قطع تفكيري
محمد و هو بيقول

*يلا قومي رتبي هدومك في الدولاب...’

‘هو احنا هنقعد هنا كتير ؟’

*مش عارف... بس انتي عارفة عمك...’

‘اممم... طب هقعد ازاي و صاحبك هنا ؟’

*أنا موجود معاكي اهو... بعدين إهان أنا عارفة
كويس ده عشرة خمس سنين... غير كده هو لما
بينزل مصر بيخرج كتير لانه بيحب تغيير الجو و
الخروجات... يعني مش هيقعد هنا غير لما يجي
ينام... بعدين أنا لو شاكك فيه بمقدار ذرة مكنتش
جبتك هنا... غير كده هو اداني المفتاح و الأوضة

كبيرة زي ما انتي شايفة و فيها حمام خاص...
اهو مكان موثوق فيه لغاية ما نشوف عمك هيعمل
فينا ايه تاني...

‘ان شاء الله خير...’

حضني و قال

*نقطة ضعفي انتي... او عدك هعوضك عن كل
اللي شوفتية... ارجع البيت تحت ايدينا من تاني و
اطلقك من جوزك و هاخذك معايا على امريكا تبقي
تحت عيني و مش هسمح لأي حد يزعلك...’

‘حبيبي يا محمد... الحمد لله انك موجود...’

*و في ضهرك دايما...’

عند سليم...’

سليم واقف قدام المراية في الحمام... يببص
لانعكاسه في المراية... هادي من بره لكن جواه
بركان... من كتر ما بيحاول يمسك نفسه و يكبت
في عصبيته... عيونه بدأت تحمر من الشياطين اللي
جواه... فجأة أخذ علبة البرفيوم رماها بقوة على
المراية... المراية اتك*سرت و الازاز وقع على
الأرض... سليم نزلت عليه هستيرية غضب و بقا
يك*سر كل حاجة قدامه و بيصرخ... تعب و قعد

على الأرض... ضم نفسه و دموعه نزلت...
سنانه بتخبط في بعض لا إراديا... مش مصدق
اللي هو فيه... مش مصطق إن مراته اتاخذت من
قدامه و هو مقدرش يعمل حاجة... مقدرش يعمل
حاجة لأنه مش قادر يسامح نفسه بعد اللي عمله
فيها... مع ذلك عايزها... سند رأسه على الحيط
و قال بتعب

”أيلين أنا محتاجك... و مش عايز اسيبك...
أرجوكي سامحيني و ارجعي... ارجعيلي!!“

فضل يعيط لوحدده زي الطفل... منهار و مش
مصدق انها بعدت عنه... حتى راحت معاه
برضاها... هي عايزة تسببه لكن هو مش هيقدر
يعيش من غيرها... قطع عياطه صوت قاسم و هو
بيدخل عليه الحمام... لقيه على الأرض و في
الحالة دي اتخض

و راح بسرعة يساعده... قومه بس سليم شبه
مغيب عن الواقع... عيونه مفتوحة لكن مش في
وعيه... قاسم فتح الحنفية غسله وشه و سنده
اخده على اوضته و نيمه على السرير... سليم ضم
نفسه و فضل يتمم باسمها و ينادي عليها...

• اخوها جه نيل كل حاجة... لو مكنش اتدخل كنت
هترجع لبيتك و معاك مراتك... مش ترجع لوحدك
!!

دخل قاسم المطبخ عمله أكل و رجع عنده أكله و
سابه ينام...

في نص الليل.....

صحي سليم... فتح عيونه لقي نفسه نايم على
سرير أيلين... بس أيلين مش موجودة... كان
نفسه اللي حصل امبارح ده يكون مجرد كابوس...
بس للأسف طلع حقيقة و أيلين مشيت! زفر
بضيق و اخذ هدوم من الدولاب و دخل الحمام ياخذ
دُش... بعد ما خلص و خرج... رجع قعد في
اوضتها... بعد شوية جه قاسم و دخله... لقيه
بيلعب رياضة... بالاصح مش بيلعب... هو بيفرغ
عصبيته من نفسه في أي حاجة و خلاص... وقفه
قاسم و قال

• يا بني اهدى... ده مش لعب... ده انتقا*م!!

”معلش يا قاسم سيبنى لوحدى...”

مسكه قاسم من ايده و قعده على الكنبه... قعد
جمبه و قال

• مالك ؟

”مش شايف مالي ؟ بقولك اخوها اخدها و قالي
انساهها مش هتبقى معاك تاني...“

• و أنت هتسمع كلام اخوها ؟

”مش عارف اعمل ايه... أنا حاسس إن هي
عايزة تبعد... ف مش عارف اخد أي خطوة...“

• هتسيبها يعني ؟

”هي عايزة تسيبني...“

• سليم فوق لنفسك... ماشي أنت غلطت و كل
حاجة بس في النهاية دي مراتك أنت و أنت ليك
سلطة عليها أكثر من اخوها... ف متسيبهاش
بسهولة... أو متسيبهاش اصلا... عايز تصلح
غلطك يبقا أول حاجة تعملها ترجعها بيتك و
متسمحش لأي مخلوق ياخذها منك...

”اعمل ال... يعني ؟“

• اه طبعا... أنت لسه بتسأل ؟

مسح سليم دموعه بإيده و ابتسم بخبث

”جيت لمعبي... ماشي يا محمد... أنا هوريك
وشي التاني!!

• او عااا يا جامد...

بعد يومين....

،أنا مرهقة شوية... هدخل انام...

*و أنا رايح ل عمك لغاية ما نشوف آخرتها...

،هقعد لوحدني!؟

*الشغالة موجودة...

،و صاحبك؟

*مش موجود... قولتلك ده حركي و مش بيقد
في البيت كثير... نامي براحتك... ولو احتاجتي
حاجة اتصلي عليا...

،ماشي...

خرج محمد و قفلت الباب وراه... اترميت على
السريير و نمت... من أول ما جيت منمتش
كويس... كنت بفكر في سليم... ماله بقاله كثير
مختلفي... متصلش عليا ولا مرة... بعدين أنا
مستنية اتصاله ليه؟ ما أنا مشيت مع محمد

بارادتي... يوووه بظلي تفكير فيه يا ايلين...
خلاص يرجع البيت و هرجع اعيش هناك... سليم
صفحة و اتقفلت... نامي بقاااا

صحيت من النوم... لقيت نفسي في بيت سليم...
اتصدمت ! اتصدمت أكثر لما لقيت سليم نايم جمبي
و حاضني... قافل عليا كأنه خايف امشي...
معرفتش اقوم ف صحيته

يا سليم ابعده عني...

شد أكثر في حضنه و قال

”لا... محدش هياخدك مني... هتفضلي معايا
لطول عمرك...“

أنا جيت هنا ازاي؟

”خطف*تك...“

زقيته و قومت وقفت

أنت بتقول ايه؟!؟

”بقولك الحقيقة...“

أنت اتجننت!! ازاي تعمل كده... محمد لو عرف
مش هيسيبك...

”ما يعرف... انتي مراتي و لسه على ذمتي... و
طول ما انتي لسه مراتي يبقى انسي خالص إنك
تخرجي من هنا...“

‘هتسجني يعني؟‘

”بالظبط كده...“

‘يا سليم ارجوك افهم... أنا لازم امشي...“

”انتني افهمي... أنا بحبك و استحالة اسيبك...
مش عشان غلطة عملتها يبقا اتعاقب كده... مفيش
طلاق ولا فيه خروج من هنا... اما اخوكي هو
اشترى عدواتي يبقا يستحمل اللي يحصله...“

‘هتعمل فيه ايه؟‘

”زي ما هو قدر ياخذك مني بسهولة... أنا هاخذك
منه للأبد... مش هتقابليه غير لما أنا اكون
معاكي... بعدين أنا هحاسبه على أنه يخليكي
تقدي عند صاحبه الغريب ده... مش هعدي
الحركة دي أبداً... البيت بتاعكم مبقاش ليكم كنتوا
طلبتوا مساعدة مني... مش من واحد اجنبي
بيسهر في الباترات...“

‘سليم انتبه على كلامك... صاحبه محترم و محمد
متأكد من كده... ده مكنش يرفع عينه في عيني...
ف بلاش الكلام السم ده...’

قرب مني و مسك ايديا الاتنين و قال و هو بيدوس
على سنانه

”مرات سليم مصطفى متقدش عند واحد غير
غريب لأي سبب من الأسباب... انتي مراتي و
بتاعتي أنا و بس... محدش يقدر يتحكم فيكي
غيري... فاهمة ولا افهمك أكثر؟

‘اظهر على وشك الحقيقي... هو أنت مفكرني
عربيته من عربياتك عشان تقولي كده؟ بعدين أنت
آخر واحد يتحكم فيا... و أنا أساسا مش هسمح
بكده يا سليم... و مهما عملت مش هتعرف تكسب
قلبي... ولو حاولت تفرض رجولتك عليا بالقوة
يبقا قلبي مش هيكون معاك... و مش هسامحك
أبدأ...’

”بتتحديني يعني؟

‘آه...’

”ماشي لما نشوف مين يكسب (شاور بإيده على
السرير) الأيام هتيجي و تشوفي بنفسك... هيجي

يوم تبقي نائمة في حضني أنا هنا... و بشم ريحتك
و تبقي قريبة مني أوي... و مش هتقدري
تسبيني... اوعدك إني هكسب قلبك و تشوفي
بنفسك...

‘كلام فارغ... مستحيل احبك ولا اقبلك ك زوج
ليا... احنا جوازنا على الاورق مش أكثر... و
هنتطق!!

”طيب...“

سحبت ايدي من ايده... روجت ادور على تليفوني
و ملقت هوش...

‘تليفوني فين؟‘

”مفيش تليفونات يا أيلين... عايزة تتصلي
بأخوكي؟ مش هيحصل... هو لما يعرف إنك معايا
ابقا يجي...“

‘يا سليم أنت هتستفيد ايه من ده كله؟ أنت بتحلم
لو محمد وافق ارجعك...“

”ميهمنيش رأييه... الكلام ده تقوليه لو كنا اتطلقنا
فعلا... لكن محصلش اهو... يبقا لا محمد أو غيره
هيقدرنا ياخدوكي مني...“

‘اوووف... اطلع بره يا سليم!

بصلي بعصبية و خرج... حطيت ايدي علي بطني
و قولت بألم

‘مش وقته خالص... اهو انتي اللي كنتي ناقصة
!!

أيلين تعبت أكثر و نامت من التعب... سليم قاعد
في الصالة... فجأة تليفونه رن و كان محمد...
ابتسم بشر و رد عليه

”ألو...“

*لو وصلت لعندك هقت*لك يا ب*جح!

”مش تقول السلام عليكم الاول...“

*فين اختي!؟!

”معايا في الحفظ و الصون...“

*يا سليم لو اختي مرجعتش هترعل أوي...“

”مش هترجع لأنها مراتي أنا... مستحيل اسيبها
ترجعك بعد ما عرفت انها في بيت صاحبك...“

*ولاااا احترم نفسك... اهو صاحبي ده انصف
منك و من اشكالك الو*سخة...“

”ربنا يسامحك... أنا قولت اللي عندي... أيلين
مش هترجعك ولا هتخطي خطوة وحدة بره
بيتي...“

*أنا هجيك و هوريك مين أنا... الظاهر كده اخدت
فكرة غلط عني و مفكر إني ابن ناس... هوريك
وشي الثاني...“

”تمام... يلا تصبح على خير يا نسيبي...“

قفل سليم المكالمة في وشه... أخذ نفس عميق و
طلعه و قال بإرتياح

”أيلين مش هتخرج من بيتي... أيلين بتاعتي أنا
و بس!!“

على الليل كده... سليم دخل اوضة أيلين يطمن
عليها... لقيها نائمة... قعد على طرف السرير...
بدأ يلمس على شعرها الأسود الطويل... ابتسم
بحب و قال

”هو أنا كنت اعمى للدرجة دي... معايا ايقونة
جمال و كنت بعيد عنها... ايه الغبا*ء ده!“

فضل يلمس على شعرها بحنية... لغاية ما حست و
بعدت ايده من عليها بس متكلمتش... قرب منها و

دفن وشه في رقبته... انتهت بضيق و بعدته
عنها و قالت

‘يا سليم متقربش...’

”ليه؟ أنا جوزك و ده عادي...’

‘بس أنا مش عيزاك تكون قريب مني... ولو
سمحت اخرج و اقل الباب...’

سليم لاحظ انها بتتكلم بتعب... فتح الاباجورة...
لقي وشها تعبان جدا و عيونها بترمش بالعافية...
حط ايده على جبينها لقي حرارتها عالية أوي...’

”أيلين... انتي تعبانة!؟’

أيلين مردتش من تعبها... سليم لاحظ إن ايدها
على بطنها... شال البطانية من عليها و لقي د*م
على السرير... اتخض و معرفش يتكلم... حاول
يتكلم و قال

”انت جاتك البر*يود؟’

أيلين مقدرتش تتكلم من ألمها و اكتفت انها تهز
رأسها ب آه... سليم اتصرف بهدوء و قومها من
على السرير... مسمحتش أنه يسندها لكن

اتجاهلها و شالها بين ايديه و اخدها على
الحمام... أيلين بعدت عنه و نزلت

‘خلاص امشي... أنا هتصرف

”انتي مش قادرة تقفي على رجلك... عيونك
بتقفل من التعب... لا مش همشي... افرض وقعتي
؟

‘بقولك امشي يا سليم...

”يا أيلين متكسفيش... أنا جوزك...

‘يعني ايه هتشوفني و أنا بغير هدومي ؟

”عايز اساعدك...

‘و أنا مطلبتش منك مساعدة... خصوصا في
الحاجات اللي زي دي... يلا اخرج...

”ايلين متنشفيش دماغك...

‘أنت متنشفش دماغك... يلا اخرج...

”ماشى... زي ما تحبي... بس لو تعبك زاد او
حسيتي إنك هيغمى عليكى... نادى عليا...

مردتش أيلين عليه و هو اتهد و مشى... دخل
الأوضة غير ملاية السرير... رجع وقف قدام باب

الحمام... خايف لتقع جوه... سمع صوت الدُش
اتفتح... فضل واقف مكانه و خايف عليها... بعد
ربع ساعة نادى عليه و قالت

‘سليم... عايزة بيجامة من الدولاب...’

”حاضر...“

جري جابلها بيجامة و رجع... فتحت أيلين و
خرجت ايدها اخذتها منه و قفلت الباب... بعد
شوية كمان خرجت... سليم كان في المطبخ
بيعملها حاجة دافية تشربها عشان معدتها و عملها
سندا و يتشات خفيفة... بعد ما خلص راحها
الأوضة... كانت بتنشف في شعرها... حط
الكوباية و الطبق على التراييزة و قرب منها...
اخذ مجفف الشعر و بدأ ينشفها شعرها... بعد ما
نشف شعرها... حطه كريم و سرحه... قامت
أيلين لكن وقفها و قال

”رايحة فين؟“

‘هجيب بطانية اتغطي بيها...’

”لا خليكي... أنا هقوم اجبلك...“

و بالفعل قام جببها بطانية و فردها على السرير...
اكلها بايده و خلاها تشرب الكوباية و اخذت

برشامة مُسكن... شدها سليم لِحُضنه و ربت على
ضهرها بحنية و قال

”احسن دلوقتي ؟“

أيلين كانت هتبعده عنها بس حست بدفى وهي جوه
حُضنه... حست انها محتاجة لِحُضنه ده... سندات
رأسها على كتفه و غمضت عيونها و قالت

”احسن بكتير...“

ابتسم سليم و فرح لانها مبعدهتش عنها... فضل
مخليها في حُضنه لغاية ما حَس بعمق نفسها ف
اتأكد انها نامت... شالها و نيمها على السرير...
غطاها كويس و قعد جنبها و مسك ايدها و بيتفرج
على شكلها البريء و هي نائمة زي الأطفال...
عيونه بدأت تقفل و كان تكة و هينام هو كمان...
فجأة تليفون رن... كان محمد... قام سليم خرج
بره الأوضة بالراحة و قفل الباب... رد عليه و قال

”نعم...“

*أنا واقف تحت في الجنية... انزلي...“

ضحك سليم و قفل التليفون... لبس الجاكت و
نزل... شاف محمد واقف و فتح ايديه الاتنين و
قال

”نسيبي... نورت بيتي والله...“

قرب منه محمد و رفع ايده لسه هيضر*به... سليم
منعه و قال

”هو أنا عشان سكتك أول مرة... هتتعود عليا
ولا ايه؟“

زقه سليم و كمل

”والله أنا اقدر اضر*بك عادي جدا... بس تحمد
ربنا إني عامل خاطر لأيلين و خايف على زعلها...
و للاسف هي بتحبك ف مقدرش أق*ل أدبي عليك
عشانها بس...“

*أيلين تنزل دلوقتي...“

”أيلين نايمة...“

*مش بتنام دلوقتي...“

”يا عم نامت والله!“

*و أنت واخذ تليفونها عشان كده مش بترد؟“

”بالظبط كده...“

*و أنت هتس*جنها عندك؟“

”مين قال كده... دي مراتي و من حقها تقعد في بيتي...“

*خلي عندك دم شوية و طلقها... كفاية اللي أنت عملته فيها... سيبها ترتاح منك... بعدين أنت مش هقبل اختي تعيش مع واحد مت*خلف زيك و شك في اخلاقها... اختي دي محدش وصل لإخلاقها... و تبقا اهل لو فكرت أني هسيبها لك!!“

”طب تعالى نتكلم بالعقل شوية... زي ما قولتك... أيلين أنا ملمستهاش... فجأة اكتشفت إن هي حامل ب تحليل و دكاترة بتثبت كده... اظن لو أنت مكاني كنت هتعمل كده برضو ولا ايه...“

*عمري ما هبقا مكانك لاني مش قذ*ر زيك... أنا أكثر واحد عارف أيلين... و عمري ما كنت هشك فيها حتى لو طلع قدامي مليون دليل يثبت انها و*حشة... و مش هسمحك تهينها أكثر من كده... و بطل تبرر افعالك القذ*رة دي...“

”أنا مش ببرر افعالي ولا بقول اللي عملته فيها ده كان صح... أنا بقولك أنه حوار و اترسم عليا... و مش هنكر إنني غلطت لما عملت كده... بس كلنا بنغلط... و أنا عايز اصلح غلطي و اخليها تحبني... و أنت بدل ما تكون محضر خير خليتها“

تكر* هني أكثر... بس أنا مش هسمحك تتدخل
أكثر من كده... أنا و هي نختلصوا سوا... انسى
انها ترجع معاك... البيت ده بيتها و مش هتخرج
من بابها...

اتعصب محمد و مسكه من قميصه و قال بزعيق

*أنت مين عشان تفرض كلامك عليا!!

”أنا جوزها قدام كل الناس و قدام ربنا... و
محدث يقدر يقول عكس كده...”

*أيلين لو منزلتش دلوقتي... هتبقى ليلتك سو*دة
!!

”مش هتنزل...”

*ماشى...

زقه محمد و طلع ل فوق... دخل الشقة و بينادي
عليها... شاف اوضة النوم و مشي ناحيتها...
لسه هيفتح الباب... سليم مسك ايده و قال بغضب

”أنت ازاي تدخل بيتي بالشكل ده!

*قولتك اختي هترجع معايا يعني هترجع...
”تؤ... ده في احلامك...”

*سيب ايدي بدل ما اك*سرهاالك!!

ضحك سليم و قال

”هخاف أنا كده ؟

*بقولك ايه... متحاولش تختبر صبري عليك!

”تعالى نتكلم برقي أكثر من كده بدل شغل
السرسجية اللي بنعمله أنا و أنت...

*هل أنت منظر واحد اتكلم معاه عدل ؟

”هعرض عليك اتفاق... (طلع سليم ورقة من
جيبه... فردها و كمل) البيت اللي أنت مش عارف
تاخده من عمك و بتجري من المحكمة دي للمحكمة
دي بدون فائدة... أنا اشتريته من عمك...

اتصدم محمد و قال

*ازاي ؟

”الحوار كله حوار فلوس... ما اخدتش ازيد من
يوم واحد و اشتريته منه بسهولة... و الورقة اللي
في ايدي دي تبقى صك الملكية الرسمي بتاع
البيت...

*اشتريته ليه ؟

”يعني... أنا عرفت إن البيت ده اللي عاشت فيه
أيلين مراتي قبل ما تتحورني... مليون ذكريات
جميلة بالنسبائها و بالنسباك أنت كمان... و
الصراحة البيت كبير و شكله حلو ده غير ال 15
فدان اللي حوالين البيت... خسارة يتهد و يتعمل
مكانه زر*يية زي ما كان عمك بيخطط لكده...
اشتريته عشان أيلين... كنت ناوي اديها صك
الملكية ده ك هدية بس خوفت تعمل نفسها ذكية و
تهرب و تجيك بيه... ف قولت اضرب*
عصفورين بحجر و اوريهولك أنت الأول...
اخده محمد منه و قرأه... و لقي إن الصك فعلا
حقيقي...“

*مش فاهم برضو... ايه المطلوب مني؟

”تسيب أيلين معايا... و تنسى حوار إني اطلقها و
ملكش دعوة بيا ولا بيها... هاا قولت ايه؟“

كان محمد محتار... يعني هو دقيقة ممكن يرجعه
بيت ابوه تاني... لكن في نفس الوقت مش عايز
يسيب اخته معاه... لو اخذ البيت مقابل اخته تبقا
مع سليم... هل كده يبقا باعها!؟

”مش معنى بقولك سيبهالي يبقا تق*طع علاقتك
بيها... أنت تيجي تزورها في أي وقت و اضايك

بنفسي كمان... لكن تشيل من دماغك فكرة إني
اطلقها او ابعدها... بس أنت حُر... الاختيار
ليك...

سمعت صوتهم... قومت من السرير... قربت
الباب و فتحته... لقيت سليم خارج من المطبخ و
في ايده صنية صغيرة عليها شيبسي و لب و
مكسرات...

”كنت لسه جاي اصحكي...”

‘هو محمد جه؟

”لا مجاش...”

‘ازاي؟ أنا متأكدة إني سمعت صوته...

”مممكن كنتي بتحلمي...”

‘لا كنت صاحية... و سمعت صوته...

دخل سليم الأوضة و حط الصنية على الترابيزة...
وقفت وراه و قولت

‘يا سليم قولي بصراحة... محمد جه ولا لا؟

”يا بنتي بقولك مجاش...”

‘حساك بتكذب عليا... اوعى يكون جه و
اتخانقتوا...’

”لا متقلقيش... مجاش...“

‘و صوته اللي سمعته ده...‘

”كنت بكلمه في التليفون...“

‘و قالك ايه؟‘

”عقل و قالي عين العقل يا سليم... البنت ملهاش
غير بيت جوزها...“

‘أنت بتهزر معايا!!‘

”يعني اعملك ايه يا أيلين... بقولك كلمته و
خلاص...“

‘طب هو مضايق مني؟‘

”لا...“

‘طب بكره الصبح ترجعني له...‘

”ليه؟“

‘اهو كده... مش هقعدها طالما هو مش
موافق...“

”هو أنا كيس جوافة هنا ولا ايه... يعني انتي قاعدة مع مين... انتي مع جوزك مش مع واحد غريب...“

”بس أنا عايزة اروح ل محمد...“

”بقولك ايه لأنني بقيت بغير منه الواد ده... محمد محمد دايمًا... طب و أنا؟ بقيت أنا البُعبع دلوقتي و محمد بقا الحب كله!؟“

”ده اخويا و عمره ما آذاني و بيحبني... و انت بعد اللي عملته فيا ده عايزني ابقا معاك عادي كده؟“

”بصي عشان مش هنتخاق على آخر الليل كده... مش انتي عايزة تروحي لمحمد؟“
”آه...“

”خلاص الصبح تروحليه...“

”بالسهولة دي؟“

”بالسهولة دي... بس على شرط!“

”ما أنا قولت أنت مش بتعمل حاجة لوجه الله... ها ايه شرطك؟“

”تبو*سيني...“

،ده أنت اتجنتت فعلا...“

”اهدي بس أنا بهزر...“

،او مال عايز ايه ؟

”فيه فيلم رومانسي أنا مستنيه بقالي شهرين...
نزل اخيرا و حملته... عايز نتفرج عليه سواك
زوج و زوجة حلوين بيشاركوا بعض في
تفاهاتهم...“

،ماشي مفيش مشكلة...“

ابتسم و راح شغل التليفزيون... سندات ضهري
على السرير و هو جه قعد جمبي... الفيلم اشتغل و
كان حلو أوي... كل ما البطل يلمح للبطلة أنه
بيحبها... سليم بيصلي و هو مبتسم و أنا عاملة
نفسي من بنها... كان بيأكلني بإيده و بيهزر
معايا... أول مرة هعترف بكده... سليم حنين أوي
و دمه خفيف و عليه ضحكة وقعتني بصراحة...
فجأة مال على كتفي

”لو مش هتتضايقي خليني كده شوية...“

سكت مردتش عليه... و كملت الفيلم لغاية ما
خلص...

‘بجد الفيلم ده حلو أوي...’

بصيت عليه لقيته نايم... ده هو غرق في النوم...
بالراحة حركته و نميته كويس على السرير و
غطيته... لسه هقوم من جنبه... شدني جنبه على
السرير و قربني منه جامد... بيصلي في عيوني و
ايداه بتلمس على خدي برقة...

‘سل.. سليم... مينفعش كده...’

’ليه مينفعش؟’

‘أنا مش متعودة على كده منك...’

’تعرفي يا أيلين... أنا برضو مكنتش متعود إنني
اقربك مني بالشكل ده و لا كنت بحبك... بس
سبحان مُغير القلوب... في يوم و ليلة بقيت بعمل
اي حاجة عشان تفضلي معايا و قريبة مني...
بقيت بتجنن مجرد ما ابعد عنك كام ساعة... أنا
أسف لاني جر*حتك... بس اوعدك من أول
النهاردة و من اللحظة دي... انتي هيبقى ليكي
مكانة خاصة في قلبي... و هخليكي تثقي فيا و

تصدقيني... و تشوفي كلامي ده على الحقيقة ...
أنا بحبك أوي...

عيونه كانت بتتكلم بصدق كبير... مش قادرة ابعده
من جمبه ...بس خايفة اثق فيه تاني... الثقة لما
بتختفي صعب ترجع... خايفة يبقى كل اللي بيقله
ده مجرد كلام مرتب و خلاص عشان اصدقاه...
قرب وشه من وشي و لسه هال... بعدت عنه و
حطيت مخدة في نص السرير و اديته ضهري...
عيطت و قولت

أنا قلبي لسه مك*سور... صعب يحصل ده...
صعب اخليك تقرب مني... أنا كنت واثقة فيك بس
أنت موثقتش فيا من الأول... اتهامك ليا بأني على
علاقة مع حد مش قادرة انساه... كل ما بتقرب
مني كلامك بيتردد في ودني... صدقتني حاولت
كتير اسامحك من غير ما تطلب كده بس مش
قادرة... مش قادرة انسى يا سليم!!

اتنهد و قال

سكت و هو كذلك... سكتنا لغاية ما نمنا...

تاني يوم.....

سليم صحي لقي أيلين لسه نايمة... فضل يبصلها
و يتأمل في ملامحها... مد ايده يلمس على
وشها... بس اتراجع في آخر لحظة لما افكر
كلامها امبارح و افكر اد ايه كانت خايفة منه و
مش عيزاه يقربلها... قام سليم دخل الحمام... اخذ
دُش سريع و خرج... عمل شوية رياضة و لما
خلص دخل المطبخ يعمل الفطار... فجأة جرس
الشقة رن... راح يشوف مين... فتح الباب و لقي
رغد... لسه هيتكلم قربت منه حضنته و ايديها
حوالين رقبته و قالت

سليم وحشتني أوي!!

فجأة جرس الشقة رن... راح يشوف مين... فتح
الباب و لقي رغد... لسه هيتكلم قربت منه حضنته
و ايديها حوالين رقبته و قالت

سليم وحشتني أوي!!

سليم اتصدم انها حضنته بالملزق ده... بَعْدَها عنه
بسرعة و قال بصوت واطي

”بتعملي ايه هنا!؟“

وحشتني قولت اعدي عليك اشوفك...

”عزرائيل يشوفك يا بعيدة... يا بت انتي ليكي
عين تيجي هنا حتى بعد ما عرفت إنك سبب كل
المشاكل اللي أنا فيها!

*أنا عملت كده عشان بحبك و مستعدة اعمل أكثر
من كده مقابل إنك ترجعلي...

”انتى اتجننتى... جاية عند بيتى تحضنينى و
انتى عارفة إن هى جوه...“

*ايه ده هى المدام جوه ؟ مش باين يعنى... ده أنا
سمعت أنا طفشت...

”طفشت بسببك... لكن رجعتها... انتى امشى من
هنا دلوقتى و تنسى العنوان ده خالص...“

*مش قادة انساك يا سليم (حضنت ايده) مش
قادرة كل اللي بينا... أنا بحبك و مازلت بحبك... و
هترجع تحبنى...

سليم بعدها عنه و مسك ايدها و قال بعصبية
”يا بت انتى امشى من هنا بدل ما هترعلي...“

*ما أنت زعلتني يا سليم... زعلتني لما
نسيتني...

”بقولك امشي... أيلين جوه... هتجيبلي مصيبة
لو شافتك...

*مش همشي... و خليها تشوفني... كده كده أنا
عايزة اسلم عليها... حرام يعني البنت اتبهذلت من
هنال هنا...

”رغدد بقولك ام...“

فجأة سمع صوت باب اوضة النوم بيتفتح... سحب
رغد من ايدها دخلها الحمام و قفل وراه الباب...

*خليها تشوفني... ليه أنا هخا...

حط سليم ايده على بوقها و قال بتهديد

”قسما بالله لو اتنفستي أو سمعت صوتك و عرفت
إنك هنا... هقت*لك يا رغد!!“

حاولت رغد تشيل ايده لكن معرفتش...

أيلين خبطت على الباب و قالت

‘سليم أنت جوه؟‘

اتوتر سليم و حاول يتكلم بطبيعية و قال وهو بيفتح
الحنفية

”آه يا أيلين... أنا جوه...“

‘طب اخلص عايزة اغسل وشي...’

”ماشي لما اخلص الأول...’

سمع خطوات أيلين و هي بتبعد عن الحمام... بص
ل رغد بعصبية و قال بصوت واطي

”اهي صحيت... هخرجك ازاي دلوقتي!؟

شالت رغد ايده من على بوقها و قالت

* هو أنت بتخاف منها للدرجة!؟

”اسمها بحترمها و بعملها حساب... دي مراتي
ولا نسييتي؟

*طب بدمتك كده... اللي أنت بتحترمها دي هل
هي بتحترمك؟ (كملت و هي بتمشي ايدها على
صدره) أو حتى يعني عملت زي أي وحدة بتقدر
الراجل اللي معاها و تديك حقوقك الزوجية...’

مسك ايدها و قال بعصبية

”انتي اتعديتي حدودك بزيادة أوي... سيرتها
متجيش على لسانك القذ*ر ده...’

* على أساس أنا القذ*رة بس و أنت ملاك
بجناحين؟ ما انت شبهي يا سليم... و متنساش

نفسك أوي كده... مش عشان ركعتين ركعتهم في
الجامع تبقى متقمس دور الشيخ أوي كده... اذا
كنت أنت نسيت نزو*اتك القذ*رة فأنا لسه
فكراها...

”قصدك ايه؟“

طلعت من الشنطة صورة... كانت صورته هو و
رغد و هم قربين من بعض... سليم اتصدم انها
غفلته و صورته ساعتها...

*شاييف الصورة دي؟ فاكّر الليلة دي؟ فاكّر لما
كنا سهرنين في البا*ر سوا... و أنت تقلت أوي
في الشرب... و مكنتش قادر تمسك نفسك ولا تقف
حتى... اخدتك عندي في البيت تنام لغاية ما مفعول
البير*ة يمشي... ساعتها أنت قربت مني...
حضنتني... و بو*ستني... و قولتلي إنك بتحبنى
و عايزني... معقولة نسيت كل ده؟

”بس أنا متأكد إنني ملمستكيش!“

*اه فعلا... بس أيلين لو شافت الصورة دي هل
هتصدق أن محصلش بينا علاقة؟ هتقتنع ازاي إنك
منمتش معايا و في الصورة بتتفي كده؟ على فكرة
الصورة دي قريبة اوي من قلبي و بحبها جدا...

طبعت كثير منها عشان مهما عدت السنين تفضل
فاكرة الليلة دي...

اتعصب سليم و اخذ الصورة قط*عها و رماها جوه
الحمام... و قال وهو بيجز على سنانه بعصبية

”أنت از*بل انسانة شوفتها في حياتي... كنتي
معرفة طي*ن عليا... مش أنا قولتلك ابعدني عني
و كل واحد يروح لحاله من غير شوشرة و
مشاكل... ليه عايزة تسو*دي عيشتي دلوقتي!؟

*اصل مش عدل يا سليم أنت تفتح صفحة جديدة
مع ربنا و تبدأ تحب مراتك... و أنا اقعد على جمب
زي ما أنا...

”ما تغو*ري تتوبي هو أنا منعك!!

*اه منعتي... منعني لما نسييتي في كام ساعة
قضيتهم مع السنيورة مراتك... نسييتي في لحظة
كأني كنت زي اشتراك في الجيم و خلص...

”اخلصي قولي عايزة ايه؟

*احبك أكثر لما تكون مؤدب و فاهمني... بُص يا
روحي... كل اللي عيزاه منك... نقضي ليلة
سوا... ليلة وحدة تكون بتاعي أنا و بس... يعني
نحقق اللي مش عملناه في الصورة...

”انتي اتهبتي؟! ايه القر*ف ده... أنا متجوز
مينف عش كده... أنا مش عايز اخو*ن أيلين!!

*لا خو*نها احسن بدل ما هي تجرجرك في
المحاكم لو شافت الصورة و هتكر*هك أكثر ما هي
كر*هاك حاليا... بعدين محدش هيعرف و هيفضل
سر ما بينا للأبد... و اوعدك إني هبعد عنك نهائي
بعدها لو قضيت الليلة دي معايا أنا...

سليم بيوصلها بقر*ف و متعصب أوي... خاف
يزعق في الحمام لتسمعه أيلين... مردش على
كلامها و فتح باب الحمام بالراحة... شاف أيلين
قاعدة في الأوضة بتختار حاجة تلبسها... قرب من
رغد و قال

”هروح اتكلم معاها و أليها... و لما اشاروك
بأيدي من وراء ضهري... من سكات تخرجي على
باب الشقة و تمشي...

قربت منه و قالت و هي بتلمس على دقته

*هتفكر في اللي قولته؟

بعد عنها و قال

”طيب...“

*حبيبي يا سليم... هظبط أنا اليوم و الساعة و
المكان و هبعثك...

زفز سليم بضيق و خرج... سند كتفه على باب
الأوضة و قال

”بتعملي ايه ؟

‘بحضر هدومي اللي هخرج بيها النهاردة...

”ليه ؟ رايحة فين ؟

‘أنت نسيت ؟! ما أنت قولتلي هاخذك عند اخوكي
لو اتفرجتني معايا على الفيلم...

”آه... افكرت...

شاور بإيده من وراء ظهره لرغد عشان تخرج و
بالفعل خرجت...

‘انهي دريس أحلى... الزيتي ولا الكافيه ؟

”دقيقة يا أيلين اخرج كيس الز*بالة و راجعك...

‘ماشى...

(و هنا سليم مش قصده على كيس الز*بالة...
كلنا عارفين قصده على مين) □

خرج سليم قدام الشقة لقي رغد لسه على السلم...
بص حاوليه لتكون أيلين شافتهم... مشي ناحية
رغد و مسكها من ايدها جامد و قال

”انتي لسه ممشيتيش!؟

الآه... بالراحة على ايدي...

”بقولك امشي!!

حاضر...

قربت من وشه و طبعت بو*سة خفيفة على خده و
قالت

سلام يا روجي...

وقف سليم متعصب منها و من نفسه... حط ايده
على خده بيمسح أثر شفاشفها و بيقول

”أنا ازاي كنت اعرف الأشكال الو*سخة دي...
أنا مني لله بجد...*

رجع عند أيلين... لقيها دخلت الحمام... لما
خرجت كانت حاطة ايدها على بطنها و بتمشي
بالعافية... جري عليها سليم و سندها لغاية ما
وصلها للسرير و قعدها... لمس على شعرها
بحنية و قال

”لسه تعبانة ؟

هزت أيلين رأسها ب آه...

”اعملك حاجة سخنة ؟

، لا مش عايزة...

”حاسة بو*جع فين ؟

، بطني... بطني بتتقط*ع من الو*جع...

”هنزل اشتريلك مسكن...

لسه هيقوم مسكت ايده و قالت

، لسه شاربة وحدة بس مفعولها لسه مبدأش...

”طب تعالي نفطر...

اخدها على الصالة و قعدوا يفطروا سوا... سليم
غلى لبن ل أيلين و شربها بإيده الكوباية... بعد ما
خلصتها و حطتها على الترابيزة... سليم بصلها و
ضحك

، في ايه ؟

قرب منها و مسح بإيده فوق شفايفها... ابتسم
بحب و قال

”كان فيه شنب صغنن هنا بس خلاص مشي...“

’بجد؟ شكرا... سليم...“

”عيون سليم...“

’أنا بجد بشكرك على كل اللي عملته معايا من أول ما تعبت امبارح... الصراحة اهتمامك بيا ده بيخليني اغير فكرتي عنك...“

مسك سليم ايد أيلين و با*سها بحُب

”أنا جوزك و ده واجبي... لو حسيتي بأي تعب قوليلي... متتكسفيش مني... و أنا مش هتأخر أبداً عن مساعدتك... انتي ليكي معاملة خاصة غير أي حد و انتي مش زي اي حد...“

بادلته أيلين الإبتسامة و سرحت في جمال عيونه اللي بتبصلها بكل صدق و حُب... مسك سليم خصلات شعرها بإيده و شمّها و قال

”أنا واقع في غرام شعرك و ريحته اللي زي المسك...“

اتكسفت أيلين و قالت وهي بتقوم من السفارة

’احم... أنا هروح ألبس عشان توديني عند محمد...“

”يووه... محمد تاني ؟
،أنت وعدتني... اوفي بوعدك يلا...
”حاضر...“

قام سليم يلم الطباق و قال بغيظ و هو رايح للمطبخ
”أنا بحمد ربنا إن محمد ده يبقى اخوكي... لانه
لو مكنش اخوكي كان زماني دف*نته حي...
،على فكرة أنا سمعاك... لم نفسك يا سليم...
”حاضر يا عيون سليم...“

ضحكت أيلين و دخلت الحمام غسلت ايدها و بدأت
تلبس...

دخل سليم الأوضة لقي أيلين لابسة دريس أسود و
عليه خمار ديجيتال... وصلها بابتسامة كلها
اعجاب و حُب...
،سليم...

فاق من سرحانه و قال
”ايه ؟“

،هتخرج بالترينج ولا ايه... مش هتلبس ؟

”هلبس حاضر...“

و بحركة سريعة قلع الجاكت و ظهرت عضلاته
البارزة و جسمه الرياضي... أيلين اتكسفت و
خرجت... لكن وقفها سليم لما مسك ايدها و قال

”رايحة فين ؟“

‘هسيبك تغير...‘

”و مين قالك تسبيني ؟“

‘يعني اتفرج عليك مثلا ؟‘

”آه عادي... أنا مش بتكسف زيك...“

‘سليم لم نفسك...‘

”حاضر...“

غمزلها و هي بصتله بعدم اهتمام و خرجت...
سليم لبس بنطول اسود عليه تيشيرت او فر سايز
رمادي غامق (سليم من عاداته بيلبس تشيرتات
واسعة) و كوتشي اسود و سلسلة... خرج اخذ
مفاتيح عربيته و قال لأيلين تيجي...“

ركبوا العربية و مشيوا... أيلين كانت كل شوية
تبصله وهو لاحظ كده

”عايزة تقولي حاجة ؟

،آه...

”طب اتكلمي...“

،أنا لاحظت من أول ما اتجوزنا إنك بتلبس
سلاسل... يعني لو مفيهاش غتاة... ممكن تقعلها
عشان حرام ؟

”طالما انتي لاحظتي إني بلبسها... مقولتيش ليه
من الأول ؟

،يعني زمان كنت بخاف اكلمك... أما دلوقتي...

”اتعودتي عليا...“

،لا مقصدش كده...

”لا تقصدي... اشمعنا نزلت عليكي الجراة
دلوقتي...“

،مش عيزاك تاخذ ذنوب...“

”خايفة عليا ؟

،اه بس من الخوف اللي في دماغك... أصل يعني
حرام تاخذ ذنب في حاجة بسيطة زي دي... يعني
لو ملبستش سلسلة هتفضل سليم... مش هتبقى

واحد تاني يعني... أنت جميل لوحدك و بروحك و
شخصيتك...

”انتي صح...“

قلع السلسلة و رماها من شباك العربية...“

’ايه ده ؟ بالسهولة دي ؟

”اه... تعرفي لو حد تاني قالي كده كنت هتخانق
معاه... بس طالما انتي اللي نصحتيني يبقا اسمع
و انفذ على طول...“

’افرض كنت غلط ؟

”أنا اقبل منك أي نصيحة و أي كلام... انتي حالة
استثنائية و مكانتك عندي مش زي أي حد...“

ابتسمت أيلين... بصلها سليم و ابتسم...

’ما تركز في الطريق بدل ما تقلب العربية بينا!!‘

”اعوذ بالله... خلاص هرگز اهو...“

بعد شوية... سليم وقف العربية قدام بيت أيلين...
أيلين استغربت و قالت

’هو انت معرفتش ؟

”معرفةش ايه ؟

’عمي اخذ البيت...’

”بس رجع تاني...’

’ازاي ؟

”محمد ابقا بقولك... يلا انزلي

نزلت أولين و وراها سليم... و دخلوا البيت...’

’محمد!

التفتلها محمد... شافها ابتسم بس سرعان ما
ابتسامته اختفت لما شاف سليم معاها و افكر اللي
عمله امبارح...’

”مش معنى بقولك سيبهالي يبقا تق*طع علاقتك
بيها... أنت تيجي تزورها في أي وقت و اضايك
بنفسي كمان... لكن تشيل من دماغك فكرة إني
اطلقها او ابعدها... بس أنت حر... الاختيار
ليك...’

*عايزني ابي*ع اختي!؟

”قولتك الاختيار لك... بُص في الحاليتين أيلين
مش هتبقى تحت تحكّمك... ف اختار الاختيار
التاني و اكسب البيت و نبكل خناق لأنّي صدعت...
*طب أنا لو ما اخدتش عقد البيت... هتعمل ايه
أنت بالبيت ؟

”اممم... والله بفكر اعمل مول مكانه... يعني
ماشاء الله بيتكم كبير أوي... و موقعه تحفة...
بفكر اعمل مول أو افتح صالة جيم كبيرة... نصها
للسّات و النص التاني للرجالة لأنّي مؤمن
بالمساواة بين الرجل و المرأة...

*مش أنت لسه قايل إنك اشتريته عشان أيلين ؟
ازاي دلوقتي عايز تهده ؟

”ما أنا هعمل كده لو رفضت عرضي... في
النهاية البيت بقا بيتي و أنا حر اعمل فيه اللي أنا
عايزه... القرار لك أنت... لو عايز بيت ابوك
يفضل زي ما هو و محدش يقربله... عقد الملكية
قدامك اهو...

سكت محمد و فكر للحظة... لو أخذ العقد بيقا كده
باع اخته... لو مأخدوش بيقا البيت اللي ابوه تعب
فيه و حط كل ثروته فيه يضيع في لحظة... قدامه
حاجتين... اخته اللي بيحبها و بيخاف عليها ...

عقد بيت تمنه 10 مليون... مد ايده بتردد و أخذ
العقد... حس بوخز في قلبه مع ذلك متراجعش و
أخده...

*ياريت ده يفضل سر ما بينا و أيلين متعرفش
حاجة عن العقد ده...

”اعتبره سر و اتد*فن في التراب يا نسيبي...

أيلين حضنت اخوها و قالت بفرح

‘قولي يا محمد... رجعت البيت ازاي؟

*المحكمة حكمت لصالح ابويا و رجع البيت تحت
ايدنا من تاني...

محمد قال الجملة دي وهو يببص على سليم اللي
مبتسمله ابتسامه خبيثة... حضنته أيلين تاني و
قالت

‘بابا فخور بيك أوي يا محمد... كويس إن البيت
رجعلنا... كويس انك موجود معايا...

ربت على ضرها و ساكت... حاسس بتأنيب
ضمير من جواه... و بيقول لنفسه أنه مش
بيستاehl الكلام ده ولا حضن اخته...

سليم فتح ايديه الاتنين و قال

”تعالى في حضني يا نسيبي...“

نفخ محمد بضيق و حضنه سليم... سليم قاله
بهمس

”عشان تعرف إني رجولة و إني مقولتش ليها
عن أي حاجة...“

قال محمد بزعل

تسلم...

أيلين لما شافتهم حضنوا بعض استغربت في الاول
و بعد كده فرحت جدا... اخيرا اخوها و جوزها
مش هيتخانقوا تاني...“

،انتوا اتصالحتوا!؟

قال سليم

”اه محمد ده حبيبي... اتكلمنا امبارح و صفينا كل
خلافاتنا...“

،يعني يا محمد أنا هرجع ل سليم؟

*دي حياتك انتي و قرارك انتي... أنا شايف انك
تظيه فرصة تانية... و تبدأوا من جديد

”العين العقل يا نسيبي... ها يا أيلين... شوفتي
اخوكي اهو موافق إنك ترجعيلي... قولتي ايه؟

’طالما محمد موافق خلاص اللي يشوفه... يلا
بقا... هنتعشا سوا... هدخل اغير هدومي و احضر
أكل كثير... انت ارتاح يا محمد و سليم
يساعدني...

ابتسم محمد ابتسامة خفيفة... أيلين مسكت ايد
سليم و اخدته على اوضتها...

سليم وقف يتفرج على اوضتها... و هي فتحت
دولابها تشوف حاجة تلبسها...

”اوضتك جميلة أوي... نفس الترتيب و النظام
انتي عملاه في بيتنا...

’بحب اسيب بصمتي في كل مكان...

”زي بصمتك اللي في قلبي كده...

بصت أيلين للأرض من كسوفها...

’احم... يلا اخرج عشان اغير هدومي...

قرب منها سليم و حاوطها بإيديه و قال

”فيها ايه لو غيرتي قدامي؟

‘الآه... ما تلم نفسك يا سليم... بعدين أنا
مسمحتش ليك تتغزل فيا بالشكل ده...’

”و فيها ايه لما اتغزل في مراتي؟

‘فيها إن أنا بتكسف... يلا اخرج...’

”خليني اونسك... و اسرحك شعرك...’

‘تسرحلي شعري بجد؟

”بجد...’

‘ماشي... يلا اخرج اغير هدومي و هنادي
عليك...’

”اممم... ماشي...’

محمد كان واقف قدام الأوضة و شافه و هو بيقترب
من اخته... جمع قبضته بغضب و قال لنفسه

*أنا اللي سمحتله يقرب منك... أنا سمحتك تبقي
معاه... أنا اللي بيعتك له مقابل البيت ده... حتى
لو اتراجعت و رجعتله العقد هيقولك كل حاجة و
ساعتها هتكر* هيني... بس أنا مش قادر استحمل
قُربه منك بعد ما شك في شرفك و اها*نك... و
مش عايزك تعيشي معاها ولا يوم... مش عارف
كان عقلي فين لما اخدت العقد منه!!

سليم سرحلي شعري و روحنا المطبخ حضرنا
العشاء سوا... جه الليل و حطينا الأكل نتعشا...
سليم رغي معايا رغي ملهوش آخر... لاحظت إن
محمد ساكت و بياكل بالعافية

‘ايه يا محمد ؟ الأكل وحش ؟

لا بالعكس... تسلم ايدك...

‘مش بتاكل كويس ليه ؟

*مش جعان أوي الصراحة... قولت اكل عشان
متر عيش...

‘يا حبيبي... خلاص براحتك طالما مش جعان
دلوقتي ابقا اشيك منه في التلاجة...

*ماشي... عن اذنكم...

قام محمد طلع على اوضته... رمى نفسه على
السريير... مخنوق و ضميره بيأنبه اوي...

*اختي اللي مفروض اضحي بحياتي عشانها...
بيعتها عشان عقد بيت !! أنا طلعت او *سخ من
سليم بمراحل (عيط و كمل) ياريت تسامحيني يا
أيلين أنا آسف!

فجأة جات رسالة على الواتس على تليفونه...
مسك تليفونه و لقي إن اللي باعت الرسالة رقم
مش متسجل... فتح الشات و لما ال... اتصدمت
و اتعصب أوي...

*يا ب*جج يا ابن ال*****

نزل محمد من اوضته و في ايده تليفونه و بينادي
يا سليم بصوت عالي... أيلين اتخضت من صوته
و قالت

،فيه ايه يا محمد ؟

*جوزك راح فين ؟

،جاتله مكالمة من الشركة و قالي لازم يروح و
لسه خارج...

*مكالمة من الشركة؟! اممم...

،فيه حاجة يا محمد ؟ مالك نزلت من اوضتك
متعصب أوي كده ؟ سليم ضايقتك في حاجة ؟

*سليم يضايقتني؟! سليم ده نسمة... بقولك
ايه... روعي إليسي بسرعة و تعالي نروحله
الشركة...

،ليه ؟

*نعمه مفاجأة و بالمرّة اخذك أنا و هو و نفسحك
لأنك بقالك كثير قاعدة في البيت...

‘إذا كان كده ماشي... نص ساعة اجهز و جاية
*خدي وقتك...

طلعت أيلين اوضتها تغير هدومها... محمد واقف
تحت مستنيها... متعصب أوي و على آخره...
ضر*ب الكرسي برجله و قال

*والله لوريك يا سليم ازاي تضحك على اختي...
مش هرحمك النهاردة!!

نزلت أيلين و محمد اخدها و طلعا بالعربية...
*كنت عارفة إنك هتيجي!

”انجزي يا رغد و بلاش رغي كثير...“

*اتفضل ادخل...

دخل سليم و رغد قفلت الباب... سليم قعد على
الانترية حاطط وشه بين كفوفه و بيقول في سره

”أنا عارف إن اللي هعمله ده غلط... بس مش
بأيدي... مش هستحمل ارجع اشوف نظرة الكر*ه
ليا جوه عيون أيلين... ولا اقدر اطلب المساعدة

من اخوها لانه لو عرف حوار الصورة اللي مع
رغد هيستغلها عشان يبعدني عن أيلين... و أنا
مش عايز ولا اقدر اسيب أيلين تاني... أنا آسف يا
أيلين... بس أنا مُضطر لكده...

جات رغد و هي لابسة قميص نوم و معاها كاسين
بير*ة... حطتهم على التراييزة و قالت و هي
بتميل على كتفه و بتقلعه الجاكت

*يلا اشرب و اتكيف عشان نعرف ننسب الليلة
دي...

”حاضر... بقولك هاتيلي كوباية مية لأنني
عطشان أوي و مينفعش أشرب البير*ة على ريق
ناشف...

*حاضر يا روعي...

قامت دخلت المطبخ... و بسرعة سليم طلع من
جيبه حبتين منوم مفعولهم طويل... حطهم جوه
الكاس بتاعها قبل ما تيجي... رجعت و قعدت
جمبه...

*المية اهي...

”تسلمي...

شرب سليم المية و شافها بدأت تشرب الكاس
بتاعها...

*مش هتشرب الكاس بتاعك ولا ايه ؟
"الصراحة مش عايز..."

*ليه ؟ نوعها حلو و هتعجبك...

"يستحسن حد يبقى فينا في وعيه... عشان
افرض حد جالك..."

رغد قربت منه و حاوطت رقبتة بايدها و قالت
*بحبك أوي و من زمان نفسي تكون ليا...
"و اهو بقيت ليكي..."

ضحكت بسُكر و قربت وشها من وشه و لسه
هتبو*سه... وقعت على الكنبه و فقدت وعيها
تماما... سليم بعد عنها و تف عليها و قال

"وحدة قذرة و ر*خيصة... اتجننتي شكك لما
فكرتي إني هقبلك اكون معاك... هبله أوي... أنا
مستحيل اخو*ن أيلين أو اقرب من حد غيرها..."

قام سليم قلب شقتها كلها على الصورة... دخل
اوضتها و فتش في الدولاب... لغاية ما لقي

صندوق صغير... دَوَّر على المفتاح و لقيه تحت
السجادة... فتح الصندوق و لقيظرف ابيض
فتحه... لقي نفس الصورة اللي هددته بيها و
ناسخة منها كثير...

”بقا كل ده يطلع منك يا رغد ؟ صحيح طلعتي زي
ما قال ابويا إنك و*سخة...

اخذ سليم الصور كلها و راح على المطبخ و
حر*قهم... طفى البوتجاز و اخذ جاكته و مشي...

وصل عند بيت أيلين... دخل لقي أيلين هي و
محمد قاعدين في الصالة...

”انتوا صاحيين ليه لغاية دلوقتي ؟

بصله محمد بسخرية أما أيلين نظرتها ل سليم لا
تُبشر خيراً بالمرّة... و قفت ايلين و قالت

‘هسألك سؤال و تجاوبني بصراحة...

”اسألي...

‘كنت فين ؟

”كنت في الشركة زي ما قولتلك بدري...

هزت أيلين رأسها و ضحكت و قالت

‘برضو مُصمم تكذب ؟

”اكذب في ايه يا أيلين ؟

‘أنا و محمد روحنا الشركة و لسه جاينين...
مشو فتكش هناك يعني...

”كنت في موقف العربيات بغير ركنة العربية لاني
اخذت مخالفة...

‘بس أنا سألت السكرتيرة و الأمن و كلهم قالوا
إنك مجتش النهاردة... تفسر

‘اصدقك ؟! طب اصدقك ليه ؟

”لأني بحبك و مش هكذب عليك...

‘اه... بتحبنى !!؟

”مالك بتتكلمي كده ليه ؟

فتحت أيلين تليفون محمد و وجهته في وشه و
قالت

‘و اللي بيحب حد يخو*ن يا سليم ؟ ولا أنت فاهم
الحُب بطريقة غلط ؟

اتصدم سليم لما لقي صورته هو و رغد... ف
عرف إن رغد سبقته و بعثت الصورة ل محمد...

‘كانت حلوة السهرة يا سليم ؟ اتبسّطت معاها
كويس ولا لا ؟

”أيلين اسمعيني...“

صرخت فيه و قالت

‘اسمع ايه... أنت خلّيت في حاجة اسمعها... يا
بني آدم أنت ده أنا كنت هحنكك و اسامحك بجد...
كنت هحبك و هثق فيك من تاني... أنت ازاي كده ؟
ازاي قدرت تلعب على مشاعري و تك*سرني
للمرة الثانية... أنت ايه يا سليم ؟ أنت ايه بالظبط
لاني زهقت منك بجد... كذاب و ممثل شاطر
أوي... حق محمد فيك في كل كلمة قالها عليك...
أنت بجد حيو*ان و مخت*ل عقليا... (قلعت
الخاتم و رمته على الأرض) تطلقني و تتساني...
مش عايظة أي حاجة تربطني بيك... يلا امشي من
هنا...“

زفته أيلين بعصبية... سليم مكنش مهتم بكلامها
على اذ ما هو مهتم بنظرة محمد اللي كلها سخرية
له... محمد مفكر إن طالما حصل كده يبقا انتهى
جوازه من أيلين... بس عندا فيه وقف مكانه و
مرضيش يمشي...“

‘بقولك امشي... مش طايقة اشوفك!

”قبل ما امشي... أحب اقولك حاجة مهمة...
محمد اخوكي اللي انتي مفكرة أنه ملاك بجناحين و
بيحميكي مني... ده أكثر واحد آذ*اكي و أنا
هقولك...

اتعدل محمد و وقف... بصله سليم بسخرية و
ضحك و كمل

”البيت اللي انتي واقفة فيه ده يبقى بتاعي و أنا
اللي اشتريته من عمك... محمد جالي البيت
امبارح و عرضت عليه ياخذ عقد مكلية البيع مقابل
أنه يسبيك معايا... و هو متأخرش و وافق فوراً و
أخذ العقد... شوفتي مين بقا الوحش الحقيقي؟“
البيت اللي انتي واقفة فيه ده يبقى بتاعي و أنا اللي
اشتريته من عمك... محمد جالي البيت امبارح و
عرضت عليه ياخذ عقد مكلية البيع مقابل أنه
يسبيك معايا... و هو متأخرش و وافق فوراً...
شوفتي مين بقا الوحش الحقيقي!؟

بصت أيلين ل محمد و الدموع في عيونها

’اللي بيقوله ده صح؟

محمد سكت و معرفش يقول ايه... سليم ضحك و
قال

”ايه القطة أكلت لسانك ولا ايه؟! ما تقولها البيت ده بتاع مين...“

‘محمد متقدش ساكت كده... قول أنه بيكذب
عشان يزعلنا من بعض...“

”لا مش بكذب يا أيلين... (فتح تليفونه على
صورة عقد بيت و عمل زوم عليها) اسمي اهو
على العقد عشان تصدقي كلامي...“

أيلين قرأت العقد و بصت لمحمد بحزن و قالت و
هي بتعيط

‘حتى أنت يا محمد؟ طب ليه؟ عننا ما خدنا
البيت... ليه تعاملني ك سلعة و بيعتني مقابل البيت
؟“

*يا أيلين افهمي... البيت ده ابونا تعب فيه...
يعني قولت حرام لو ضاع مننا... ف عملت كده...“

‘متكلمش بصيغة الجمع دي... اتكلم عن
نفسك... انت اللي عايز البيت يفضل تحت ايدك
مش أنا... انا ميفرقش معايا بيت ولا ز*فت... أنا
اللي يفرق معايا أنت... دايمًا من ايام ما كنت طفلة
بتقولي انتي في حمايتي... دلوقتي بعنتي!؟“

*لا مش كده... أنا عارف اللي عملته ده غلط...
ارجوكي سامحيني...

‘كلكم بتقولوا الكلمة دي لكن انتوا الاتنين
متستاهلوش اسامحك ولا ابص في وشكم حتى...
ابعدوا عني...

”لا مش هبعد يا أيلين... و مش هسيبك و يلا
نرجع بيتنا...

‘أنت آخر واحد تتكلم... أنا مستحيل ارجع معاك يا
حيو*ان... ارجع ل رغد... هي اللي هتبسطك...
اصلا انت و هي شبه بعض...

*بيقا تعقدي معايا و لما تخلص اجازتي اخذك و
نساقر سوا...

‘لا... مش هقعد معاك يا محمد ولا هسافر
معاك... اشبع بالبيت لوحدك... محدش منكم يجي
ورايا...

مشيت أيلين ناحية الباب... سليم مسك ايدها و قال
”أنا لسه مخلصتش كلامي... و في حاجات كتير
انتي مش فهمها... تعالي نرجع البيت و نتكلم...
‘مش راجعة بقولك و تطلقتني...

زفته بعيد عنها و خرجت... سليم و محمد راحوا
وراها... وقفت تاكسي و مشيت و مش لحقوها...
محمد بص على سليم و قال بغضب و هو بيمسكه
من هدومه

*يا ز*فت أنت شايف عملت ايه !! مش أنا قولتلك
متكلمش عن العقد ده خالص...

”والله؟ عايزني افضل ساكت و اداري عليك
عشان تفضل حلو في نظرها... و انت وريتها
الصورة!

*عايزني اداري على خيا*نتك ليها و اسكت!

زقه سليم و زعق و قال

”أنا مخو*نتهاش!! كان لازم تيجي عندي أنا
الأول و تسأل على الصورة... الصورة دي من قبل
ما اتجوز أيلين و قبل ما اعرفها أساسا...

*و روت عند عشيقتك ليه النهاردة؟ كنت
بتخطط تاخذ سيشن معاها المرة دي؟

”بقولك ايه يالا... اتكلم عدل معايا... أنا روتها
لأنها هددتني بالصورة و قالت هتبعها لأيلين...

*آه فهمت... روجت بقا تتحايل عليها... و النبي
ما تبعتي الصورة... روحلتها في بيتها!؟

”أنا مقربتش منها ولا حصل حاجة... حطتها
منوم في الكوباية و...“

*روجت نومتها على السرير و غطيتها و غنيتها
اغنية... بجد أنا جسمي بيقشعر من حنيتك... على
كده في اطفال جاية في الطريق ولا لسه؟

اتعصب سليم أكثر و ضر*ب محمد بالبوكس

”لو حصل بيني و بينها حاجة كنت هقولك مش
هخاف منك يعني...“

محمد ردله الضر*بة و قال

*اتو*جعت اهو لما قولت إنك على علاقة
معاها... لكن اختي هينتها و شكيت في شرفها كان
عادي بالنسباك...“

مسكه سليم من رقبتة و قال

”و أنا بقولك أنه محصلش حاجة و روجت عندها
عشان احر*ق الصور اللي معاها... انت بني آدم
برأسك*لب مش عايز تسمع ولا عايز تفهم
بدماعك الجز*مة دي...“

*خلي الكلام ده ينفك في محكمة الأسرة... حتى
لو أيلين قا*طعتني و بعدت عني ف أنا مش هسيبك
يا سليم... و هتطلقها غضب عنك...

”ده في احلامك... انسى!!“

قطع خناقهم راجل عجوز

—ايه يا ابني أنت و هو... صوتكم واصل لآخر
الشارع... هو فيه ايه؟

شال محمد ايدين سليم من عليه و قال بإبتسامة
اصطناعية

*لا مفيش حاجة يا حج...“

سليم مسك محمد من ايده و قال و هو بيشده
”قعدنا نتخانق و أيلين مشيت و منعرفش راحت
فين...“

*كله بسببك أنت بوشك ده...“

”بقولك ايه... الظاهر كده الأدب مش بيجي معاك
سكة بس أنا مش فاضيلك... شد في شعرك أنت
هنا و أنا رايح ارجع مراتي ليا...“

سليم ركب عربيته و لسه هيمشي... ركب معاه
محمد...

”استغفر الله العظيم...”

اخلص و شغلها و اتحرك يلاا...

”حسابك معايا بعدين...”

سليم شغل العربية و مشيوا

أيلين كانت في التاكسي... بتعيط و بتقول في
سرّها

‘ليه سليم يعمل فيا كده... ازاي يروحها بعد ما
عرف إن هي اللي عملت فيا كده عشان يطلقتي...
و محمد كمان ! محمد اللي روي فيه و بعتبره
ابويا مش اخويا بس... بيعني ل سليم عشان
البيت ؟ ليه ده كله يحصل فيا ؟ ليه اتك*سر و
اتجر*ح من أكثر اتنين بحبهم... ليه محدش فيهم
حَبني زي ما حبيته ؟ هو العيب فيا أنا ؟ هو أنا
مستاهلش إني اتحب زي بقية البشر ؟! أنا هتجنن
بجد...

وقف التاكسي عشان الإشارة قفلت... أيلين كانت
باصّة من الشباك و بتعيط... كل ما بتمسح دموعها
بينزل غيرهم... قلبها اتك*سر و اتخذلت خُذلان

صعب... صعباة عليها نفسها لان حصل فيها
كده... بس قررت تقبل الامر الواقع اللي اتفرض
عليها و تبعد عن جوزها و عن اخوها...

فجأة حد فتح باب التاكسي... و كان إلهان صديق
محمد... أيلين مسحت دموعها و قالت بتفاجيء

،إلهان؟! أنت جيت ازاي؟

—انزلي...

،ليه؟

—انزلي بس... (دفع فلوس للسواق و كمل)
خلاص كده يا باشا...

*تمام يا ابني...

نزلت أيلين و التاكسي مشي... أيلين بصت ل
إلهان بإستغراب

،أنت عرفت مكاني ازاي؟

—كنت جوه العربية اللي جمب التاكسي ده...
شوفتك لوحدهك ف استغربت... يعني الخط*ف
منتشر في مصر و انتي راكبة تاكسي لوحدهك؟ فين
محمد؟

متجبلش سيرته...

مسكتوا في رقابي بعض؟

قصدك اتخانقنا...

آه... قصدي كده...

آه اتخانقنا...

اممم... اتصلك عليه؟

لا متصلش... مش عايزة اشوفك...

كده الحوار طلع Very Big أكثر ما كنت
متخيل... انتي رايحة لمكان معين... اوصلك؟

رايحة لصحبتى...

هي تعرف انك جاية؟

لا...

اتصلي... ممكن مش موجودة دلوقتي...

طلعت أيلين تليفونها و اتصلت عليها لكن كان
مغلق... فتحت الواتس لقيتها بعثالها رسالة من
امبارح و ايلين لسه شيفها...

*بصي يا أيلين بكره تليفوني هيكون مقفول لأنني
مسافرة مع جوزي... أول ما اوصل هكلمك*

—ردت عليكي؟

‘تليفونها مقفول عشان سافرت...’

—تعالى اوصلك ل محمد و نحل المشكلة...’

‘لا مش عايزة... بجد مش عايزة ارجع ولا عايزة
اشوفه...’

—يبقا هتروحي فين دلوقتي؟

‘مش عارفة...’

سكت إهان شوية و بي فكر... في نفس الوقت
مستغرب... ايه المشكلة اللي حصلت بينها و بين
اخوها مخليها مش طايقة تسمع اسمه حتى...
جاتله فكرة و قال

—تعالى ورايا...’

‘فين؟’

—تعالى بس...’

مشي و هي مشيت وراه... مشيوا حوالي
شارعين... وقف إهان و أيلين وقفت...’

—ادخلي...—

كانت واقفة قدام كافيه...

‘لا مش بدخل كافيهات ليلية...’

—ليلية ايه... ده كافيه عادي...—

‘و أنا مش هدخل...’

—بصي يا أيلين انتي زي اختي و أنا مستحيل
أذ*يكي... ف ممكن متخافيش مني؟

‘و أنا هقعده ليه في كافيه؟’

—قولت تقعدني تهدي شوية... و بالمره تحكي
محمد عمل ايه... اللي اعرفه من كلام محمد
عليكي أنه بيحبك و بيخاف عليكي... ف اكيد في
سوء تفاهم حصل بينكم... انتي بس اهدي
الأول...—

—اتهدت أيلين و دخلت... قعدوا في ترابيزة سوا...
إهان طلب قهوة سادة له و عصير فراولة ليها...
مسك إهان الفنجان و بدأت يشرب... و لما خلص
قالها

—اشربي عصيرك...—

شربت أيلين العصير و إلهان بصلها و شبك ايديه
في بعضها و قال

—هاا قوليلي... محمد عمل ايه زعلك للدرجة دي
؟

‘مش محمد بس... و جوزي كمان...

—هم الاتنين مرة وحدة كده... شكله حوار
خطير... احكي أنا بسمعك اهو...

بدأت أيلين تحكي... بعد ما خلصت قال إلهان
بصدمة

—عمري ما كنت اتوقع إن محمد يعمل كده...

‘بس عمل اهو...

قالتها أيلين بزعل و دموعها نزلت... طلع إلهان
منديل حطه قدامها... اتهد و قال

—يعني بصي أنا معنديش اخوات ف مهما قولت و
مهما اتكلمت اكيد مش هعرف احس نفس احساسك
دلوقتي... بس اللي أنا اعرفه عن محمد أنه كويس
و بيحبك... لما كنا في امريكا و اتصاحبنا... حبيته
أوي و اعتبره زي اخويا... و غير كده كان
يحكي عنك دايمًا... يحكي اد ايه هو بيحبك و

بتوحشيه لما يسافر و يسيبك... طالما بيحبك كده
يبقا اكيد مش هيا*ذيكي... ممكن اللي عمله ده
تبقا زنقة شيطا*ن...

‘قصدك وزة شيطا*ن...’

—اه بالظبط... بصي مش تركزي على كلامي أوي
كده... يعني انتي سييتي الكلام ده كله و مسكتي
في الكلمة اللي غلظت فيها... طب و باقي الكلام
اللي قولته كان صح... جاية تمسكي و تدققي في
الكلمة دي ؟

ضحكت من طريقته... على اذ ما إلهان بيتكلم
عربي كويس بس بيقع في شوية كلمات بتخلي
الحكم اللي بيقولها تضحك... ضحك تلقائيا لما
لقيني ضحكت...

—ضيعتي قيمة الحكمة...

‘خلاص خلاص مش هضحك تاني...’

—لا اضحكي... ده حتى ضحكتك جميلة أوي...
اضحكي دايمًا...

أيلين عيونها وسعت و قلبها ضرباته بتزيد...
إلهان كان حاطط ايده على خده و سرحان فيها...

لما فاق من شروده لاحظ انها اتكسفت و بصت
للأرض...

طب أنا هقوم هدخل التواليت و جاي...
تمام...

قام إهان و سابها... مدخلش الحمام... خرج من
باب الكافيه الخلفي... قعد على السلم... طلع
سيجارة و ولعها و بيشر بها... طلع تليفونها و
بعث ريكورد ل محمد بيقول فيه :

محمد أنا لقيت اختك عند المرور بالصدفة...
المهم هي مضايقة منك و كده... ف اخدتها على
كافيه تقعد شوية تهدى... أنا هبعثك ال
Location دلوقتي و تعالى صالحها-

بعثته العنوان و قفل إهان تليفونه و حطه في
جيبه... أخذ نفس من السيجارة و ببص عليها من
الشباك و هي قاعدة

هو أنا مالي كده... ليه سرحت فيها كده ؟ ليه
قلبي دق و حسيت بحركته لما ضحكت قدامي...
يعني أنا قابلت بنات كتير في حياتي... اشمعنا دي
اللي سرحت في ضحكتها ؟ اوووف... المشكلة
انها متجوزة... يعني مفروض عيني متبصش ل

عيونها ولا لضحكتها... حظي اسود في كل
حاجة...

”منك لله... قعدت تتخانىق معايا و خلتنى امسك
في رقبتك و نسيت خالص انها مشيت... طب اهي
مش موجودة عند قرايبها... عاجبك كده!؟!

*بقولك ايه أنا مش طايقك اصلا... اسكت و
مسمعش صوتك...

”اسكت ليه؟ هي اللي اختفت دي تبقى كيس
شيبسي ولا ايه؟ دي مراتي!!

*و قبل ما تكون مراتك تبقا اختي أنا!!

”هههه... و نعم الأخوة... دي نفسها الأخوة اللي
اتباعت مقابل 10 مليون...

*على أساس أنت زوج عدل؟ ما انت فيك العبر
كلها...

”بقولك ايه متكلمنيش بدل ما اقلب العربية بيك و
اخلىص منك...

*ده أنا اللي هخلص منك بس الاقي ايلين الأول...
”لما نشوف...

بصله محمد بغضب... وصلت رسالة على
تليفونه... فتح تليفونه لقي إهانة بعته ريكورد...
فتحه و سمعه...

”صوت مين ده؟“

*ده إهانة...“

”إهانة مين؟“

*ده صاحبي...“

ضرب سليم فرامل و قال و هو بيجز على سنانه

”ده نفسه صاحبك اللي أنت اخدت أيلين عنده
عشان تقعدوا عنده!؟“

*اه هو نفسه صاحبي اللي اخدت أيلين عنده...“

”و هي معاه دلوقتي؟“

*زي ما سمعت في الريكورد قابلها بالصدفة في
المرور... هتلمح حاجة شما*ل زيك مش

هسكتك... لتكون مفكر إن إهانة شبهك مثلا... لا
ده انصف منك بكتير...“

”ماالشي... فين العنوان بقا؟“

*اهو... اتحرك يلا...“

بص سليم قدامه و قال بنبرة شر

”حاضر هتحرك...“

— و بس يا ستي... حصل اللي حصل و اخدت
استدعاء ولي أمر...“

، و قولت ل ابوك ؟

— بابا ؟ ده بابا لو عرف كان هيبقى آخر يوم في
حياتي...“

، او مال عملت ايه ؟

— كان عندي جاري اسمه دانيال بحبه جدا و مش
بيرفضلي طلب... روجت قولتله يا عمو دانيال انا
عايزك في خدمة... فهمته كل حاجة و تاني يوم
اخذته معايا الجامعة... ليدر القسم اللي كنت
فيه... شك فيا و قالي لا ده مش ابوك... و أنا
احلف و دانيال حلف على كل الكتب السماوية...
مقتتتش برضو و قالي هديك مهلة اخيرة... بكره
تيجي و معاك باباك تقابلوا العميد...“

، كده هتضطر تقول ل ابوك...“

مقولتش طبعاً... ده لو عرف يمسخني من وش
الكوكب خصوصاً إني سبب الخناقة من الأول...
بس أيام الجامعة كان تفكيري شيطاً*ني شوية...

‘شوقتي اعرف... هاا عملت ايه ؟

– عندي واحد صديقي كريثيف أوي في الميكب
السينمائي... رocht اشريتله بلايستشين For by
For على حسابي و عملي احلى ميكب... كدمات
في الوش... و خربشة في الايد على كام حبة حنة
ورم + دم زائف كثير... كان شكلي خارج من
خناقة سواقين عربيات مش خناقة جامعة...
روحت ل بابا و طلعت دموع التماسيح و قولتله
مايكل ضر*بني و بسببه اخدت استدعاء ولي أمر
للجامعة... على اد ما بابا مش بيسكت على
مشاكلي على اد ما هو مش بيستحمل حد يلمسني
أو يزعلني... رocht أنا و بابا تاني يوم و اتخانق
مع ابو مايكل... و قالي اضر*ب مايكل زي ما هو
ضر*بني... و أنا عملت فيها ملاك و قولتله لا
خلاص أنا مسامح راح بابا نط في النص و قال بس
انا مش مسامح و مسك مايكل كان هيقت*له لولا
إني دافعت عنه أنا و العميد... و بعد كده بابا
اخذني و اشترالي كمبيوتر كنت طالبة من فترة بس

كان مطنش... المهم إني كسبت الكمبيوتر في
الآخر...

أيلين ضحكت و فضلت تضحك لغاية ما عيونها
دمعوا

‘ايه التفكير ده... أنا لو مكانك مكنتش هعرف
اعمل كده ولا يخطر على بالي حتى...’

— في مثل مصري مش فاكهه كويس بيقول اتعشى
قبل ما اتغدى بيهم... حاجة زي كده تقريبا...’

‘قصدك اتغدى بيهم قبل ما يتعشوا بيك...’

— آه هو ده بالظبط... اهو أنا طبقت المثل ده على
مايكل... بس فعلا الأيام بتغير... كنت بكر*هه
أوي زمان... دلوقتي مثبت شاته من فوق في
الواتس...’

‘كما ان!‘

— مفيش حد يعرف بكره فيه ايه... ممكن بكره
حاجات كتير تتغير...’

‘اه فعلا...’

اخذت أيلين منديل مسحت بيه ايدها... ضحكت
تاني و قالت

كل ما بتخيل الموقف... يعني بضحك... أنا لو
مكان مايكل همو*ت مشلو*له...

— ده معناه ايه ؟

‘لا متاخدش في بالك... ابقا افهمك في مرة
تانية... المهم شكرا على العصير و شكرا على
القعدة اللطيفة دي... لو اتقابلنا تاني ابقا كملي
سجلك الإجر*امي ده...’

— لا المرة الجاية انتي ابقى تحكي شوية عن سجلك
الإجر*امي...’

‘أنا كنت هادية زمان...’

— كلنا لينا جرا*يم زمان...’

‘مممكن بس عمري ما هوصل لدرجة تفكيرك...’

— أكيد تقصدي إني توب و كده...’

‘اه طبعا أنت توب... حد يقدر يقول عكس كده ؟’

ضحك إلهان و أيلين كذلك...’

‘أنا همشي... عن اذنك...’

— استني... رايحة فين ؟

‘هروح عند وحدة قرييتي...’

– لا استني شوية... محمد جاي...’

‘محمد اخويا؟’

– آه... بعته على الواٲس و قولتله إنك هنا...’

‘قولتله ايه؟!?’

– هو أنا عملت حاجة غلط؟’

في اللحظة دي دخل الكافيه محمد و سليم... محمد شاف أيلين جري حضنها و قال

*أنا آسف يا أيلين... مش هعمل حاجة تزعلك تاني... أرجوكي سامحيني...’

أيلين اتصدمت لما شافتهم... معرفتش تقول ايه و فضلت ساكئة... قرب منها سليم و قال

”يلا يا أيلين نرجع البيت...’

‘مش راجعة...’

”ليه يا أيلين؟’

‘اهو ده اللي عندي... (خرجت من حضن اخوها و كملت) و مش راجعة معاك أنت كمان!!’

*يعني ايه ؟

‘يعني انتوا تخرجوا من حياتي... مش عيزاكم
جمبي ولا طيقاكم...
جات تمشي أيلين... سليم مسك ايدها جامد و قال
بعصبية

”هترجعي معايا يا أيلين يعني هترجعي... يلا
اتحركي!!

ببشدها و هي مش عايزة تيجي معاه...
‘بقولك سيبني!

”و أنا بقولك لا مش هسيبك!!

أيلين بدأت تتو*جع منه و من مسكته... إهان
مسك ايد سليم و قاله

— اهدى يا استاذ و اقعديوا اتكلموا بالراحة...
مينفمش كده... مش أسلوب ده تتعامل بيه مع
مراتك...

اتعصب منه سليم و راح بكل قوته ضر*به
بالبوكس في وشه... إهان وقع على الترابيزة...
أيلين اتصدمت...

”أنت آخر واحد تقولي اتعامل ازاي مع مراتي...
ارجع للبا*ر اللي جيت منه... مش ناقص صداع
منك أنت كمان بلا قر*ف...

سليم أخذ أيلين و خرجوا...

إلهان حاطط ايده على فكه و بوقه بينز*ف دم...
كان بيتنفس بعصبية لدرجة إن نفسه مسموع... و
عيونه قلبت ل شر و بدأت تحمر... محمد عارف
الوش ده... ده معناه إن إلهان مش هيعدي
ضر*بته دي بسهولة كده... محمد قرب منه و
قومه

*أنا آسف يا إلهان... تعالى نروح المستشفى...

زقه إلهان و قال بغضب مكتوم

—امشي يا محمد... امشي...

نبرة صوته كلها غضب... مع ذلك معملش
حاجة... محمد خرج و راح وراء أيلين و سليم

إلهان مسح بإيده الدم اللي على بوقه...

—ده بابا بذات نفسه عُمره ما مد ايده عليا... بقا
أنت يا خنفسة تضر*بني!! ماالشي... أنا
هوريك...

إلهان كان لأبس في ايده ساعة آيفون لمس أحدث
موديل... حط بصمته عليها... فتحت و قرب
الساعة من بوقه و قال

– Come guys... There is a maniac
who extended his hand to me... I am
in the cafe where I always go...

تعالوا يا رجالة... فيه واحد معتو*ه مد ايده
عليا... هتلاقوني في الكافيه اللي بروحه دايمًا...
‘محمد... هو إلهان عمل ايه بعد ما سليم ضر*به
؟

*هيكون عمل ايه يعني... اتعصب... انت ايه اللي
عملته ده يا بني آدم أنت... شكك اتجنتت...
ملقتش غير ده و تضر*به!!

”هو بيدخل ليه بيني و بين مراتي... هو افكر
نفسه من العيلة ولا ايه... اهو ضر*بته عشان
يعرف حده و يعرف هو بيكلم مين...

*أنت تقول على نفسك يا رحمن يا رحيم... إلهان
ده مش هيسكت على ضر*بتك له... سكت بدري
بس عشان أيلين كانت معانا... دلوقتي هيجيب
قرارك و هيجيك...

”هخاف منه يعني ؟

لازم تخاف...

”لا هو ولا عشرة من الصا*يع الأمريكاني ده
يقدرُوا عليا... خليه يجي تاني عشان اكمل
عليه...“

فجأة و هم ماشيين بالعربية... جات عربيات كتير
سبقتهم و سدت عليهم الطريق... سليم وقف
العربية و جات عربيات تانية حاواطوهم في
دايرة... سليم اتفاجيء من عدد العربيات اللي
قدامه و قال

”هو فيه ايه ؟

*اهو الصا*يع الأمريكاني جالك بشلته... إبس
بقاا...“

نزل سليم و محمد و أيلين من العربية... سليم قال
”فيه ايه... سديتوا ليه الطريق كده ؟

نزل إهان من احدى العربيات... كان ماسك منديل
و بيمسح الدم اللي جمب بوقه

ليه كده ؟ ده أنا كلمتك بكل أدب و احترام... يبقا
ردك عليا بأنك تضر*بني... ولا هو شغل البلطجة

بتاع المسلسلات بهت على شخصيتك ولا ايه ؟ طب
اهو لسه بوقى بينز*ف... و مبحبش اروح
مستشفيات الصراحة... قولي اعمل ايه ؟

”أنت تتقي شري احسن و شيل عربياتك دي من
الطريق...“

رمى إهان المنديل على الأرض و شاور ل رجالتة
و قال

– Hold this poor man...

امسكوا هذا المسكين...

اتقدم اتنين و مسكوا سليم...

لو كنت أنا غلطان... مكنتش هاجي جمبك...
بس بما انك أنت غلطت و اشتريت عدواتي يبقا
تستحمل نتيجة افعالك...

اتعصب سليم و حاول يفلت منهم بس معرفش و
قال ل محمد

”يا محمد خد أيلين و امشوا من هنا بسرعة...“

محمد سيمع كلامه و مسك ايد أيلين و لسه
هيمشوا... إهان مسك ايد محمد و قاله

— محمد... أنت هتمشي لوحداك... أيلين هتقعد...

*ايه اللي أنت بتقوله ده... اختي تقعد ليه!؟

— ما أنا كنت عاقل و زي الفل... نسيبك جنني...

*إلهان ابعده أيلين عن حواراتك دي... يلا أيلين
نمشي...

لسه هيمسك ايدها... جه اتنين رجالة مسكوه هو
التاني... قال إلهان بخبث

— والله يا محمد أنا بحبك و كل حاجة... بس مش
بحب حد يعارض كلامي... بعدين متقلقش... أنا
عايز أيلين في كلمتين و هرجعالك تاني... ف لو
هتقف في طريقي يبقى لازم اصدك... بعدين انتوا
الاتنين عايزين تتربوا من أول و جديد... و
رجالتي هيربوكم كويس!!

– Take them to the western store,
guys...

خدوهم عند المخزن الغربي يا رجالة!!

آراء؟

أنا قولت سليم و محمد — والله يا محمد أنا بحبك و
كل حاجة... بس مش بحب حد يعارض كلامي...

بعدين متقلقش... أنا عايز أيلين في كلمتين و
هرجعالك تاني... ف لو هتقف في طريقي يبقى لازم
اصدك... بعدين انتوا الاتنين عايزين تتربوا من
أول و جديد... و رجالتى هيربوكم كويس!!

– Take them to the western store,
guys...

خدوهم عند المخزن الغربي يا رجالة!!
رجالته دخلوهم العربية و مشيوا... أيلين واقفة
مصدومة و مش قادرة تتكلم...

– يلا يا أيلين نمشي...

‘هو ايه اللي حصل دلوقتي ده؟

– ايه اللي حصل؟

‘اللي خط*فتهم دول!!

– ااه... قصدك اخدتكهم ليه... متقلقيش مش
هعملهم حاجة...

‘يبقا اخدتهم ليه طالما مش هتعمل حاجة؟!

– الصراحة جوزك عصبني أوي خصوصًا انه مد
ايدو عليا بدون أي سبب... مش يخلصني أنه عايز

يظهر قدامك ك Spider Man على حسابي أنا...
ف قولت لازم ارقصه ودنه يتعلم أنه مش بحب
حوارات الروشنة دي...
‘قصدك تقررصله ودنه...
بـالظبط كده...’

‘و محمد؟’

‘قولت اقررصله ودنه ده كمان عشان حوار البيت
اللي بتتخايقوا عشانه...’

‘أنت اللي يشوفك و أنت بتتكلم بهدوء كده عمره
ما هيصدق اللي حصل قدام عيني ده دلوقتي...’

‘أنا هادي ب طبعي بس اللي بيعصبني يستحمل
بقا... خصوصاً إني مش بحب حد يضر*بني أو
يلمسني... لأنني بحب نفسي جدا و زي ما انتوا
بتقولوا هنا إن الشخص اللي زيي اسمه
نجرسكو...’

‘قصدك نرجسي... نجرسكو دي نوع من
المكرونة...’

‘اه بالظبط بس Whatever... المهم تكوني
فاهمة أنا بقول ايه... مش لازم كل مرة تنطي و

تصححي كلامي... مُلخص كلامي ده كله إني مش
بعدي حركة الضر*ب دي بسهولة...

‘يا عم حقك عليا أنا... سييهم يرجعوا...’

يا بنتي افهمي... أنا مش هعملهم حاجة...
ماشى جوزك عصبني ف ده هيخليني يبقا عندي
شوية... اما محمد صديقي و أنا مش بخو*ن
الصداقة لأي سبب... ف مستحيل اعلمهم حاجة...
الصراحة كده علاقة جوزك ب اخوكي مش لطيفة
أبدًا... شايفهم بيتخانقوا دايمًا... خليهم سوا
شوية يصفوا خلافاتهم دي...

‘و أنا هعمل ايه دلوقتي؟’

—ولا حاجة...

‘طب كنت روحت معاهم... هقعد اعمل ايه هنا؟’

—تروحي معاهم ازاي... انتي مش شيفاهم
متصعبين ازاي... لو روحتي كانوا هيصدعوكي
بحوارتهم دي... المهم تعالي ورايا...

‘اجي معاك بعد جو مسلسلات المافيا اللي شوفته
ده؟ لا مستحيل...’

ضحك إلهان و قال

ـدي مجرد نمرّة عشان اخوفهم...

،و الرجالة اللي اد الباب دول... مش حقيقيين
برضو؟

ـدول صحابي... بصي احنا شيلة بنقف في ظهر
بعض في الحاجات اللي زي دي...

،مش مستريحالك... اجي معاك ليه اصلا؟

ـمممكن عشان انتي مش هتلاقي مكان تروحيه
دلوقتي؟

،اممم... وجهة نظر... طب افرض يعني طلعت
شرير فعلا وقت*لنتي...

ـانتي قعدتي مع محمد عندي في القبلا يومين...
ليه محاولتش اقت*لك هناك؟

،عشان محمد كان معايا... لكن دلوقتي لا...

ـاممم... وجهة نظر... انتي كنتي بدري قدامي
في الكافيه... ليه محاولتش اقت*لك هناك؟

،عشان كان فيه ناس قاعدة في الكافيه... أما
دلوقتي لا...

— أنا عارف إنك بتتكلمي بتلقائية و مش عارفة ان
بكلامك ده بتديني افكار و فرصة إني اقت*لك
بجد... حظك إن أنا مصدع من البوكس اللي اخدته
من سليم و هعمل نفسي مش واخد بالي ولا
مركز... لو عايزة تقعدني هنا براحتك... يلا
بأي...

ركب إهان عربيته و لسه هيمشي... أيلين ركبت
العربية بس قعدت من وراء... إهان ابتسملها من
المراية و قال

— جعانة؟

‘لا...’

— في مطعم اعرفه... خطير أوي بجد...

‘قولت مش جعانة...’

— بس أنا جعان و هروح المطعم ده... لو مش
جعانة خلاص انزلي... هتعملي ايه هناك و انتي
مش جعانة؟

‘اوووف خلاص اطلع يلا...’

ابتسم تاني و مشينا... على اد ما خوفت منه فعلا
بسبب اللي شوفته... بس كنت مطمئة يعني لو

محمد مش واثق فيه مكنش هيعرفني عليه من
الاساس...

”اهو بقينا في مكان مقطوع مع رجالته اللي شبه
الاشباح دول و مربوطين في الكرسي... شايف
الأشكال اللي أنت تعرفها عملت فينا ايه ؟

*والله قول لنفسك... ملقتش غير ده و تختبر
عليه قوة عضلاتك...

”و هو ليه يقعد مع أيلين ؟ هو مين اصلا عشان
يحقله يدخل في كل ده... بعدين أنا شايفك ساكت و
هادي كده... مع إن اللي اخدها دي تبقا اختك على
ما اعتقد...

*بُص هكلمك زي البني آدمين و اقولك إهان فعلا
غبي و متهو*ر و طايش و مغرور... بس اخلاقه
كويسة في نفس الوقت... هتقولي ازاي هقولك
معرفش... أنا مستغرب زي زيك... إهان عشرة
خمس سنين... و مش بيا*ذي أي بنت أنا واثق
فيه... خصوصًا عارف إنني بخاف على أيلين و
بحبها... تعرف مرة اتخانقت معاه خناقة عادية
جدا... المهم شتم*ته... مفيش كام ساعة راح
جابلي الكوتش بتاعه في النادي... لحقت نفسب و
راضيته قبل ما اروح فيها... و أنت ضر*بته ف

لازم يخرج عَشيرته و يفهمك إن وراه رجالة...
والله غبي...

”والله لو اطول ادب ايدي في بطنه و اطلع قلبه في
ايدي... اعملها... واحد مستفز... مش عارف
ازاي كنت بطيقه و قاعد معاه كمان... أنا لو منك
احر*قه...

*هو فعلا مستفز بس والله طيب و قلبه نضيف...
الشويتين دول بيعملهم لأنه ك واحد امريكي متأثر
ب بلده... ف ده عادي... (ضحك محمد و كمل)
مش قادر انسى شكلك و أنت بتضر*به... اديته
بوكس ك*سر سنانه تقريبا و وقع على الترابيزة
من قوته... لولا الترابيزة كان زمانه لزق في
الحيط... هنا اقدر اقول بكل أمانة و صدق إن الجيم
اللي بتروحه جه ب فايده...

ضحك سليم و قال

”ايدي كانت بتاكلني الصراحة و عايز اضر*ب أي
حد... لقيته في وشي ف ضر*بته...

*بس حرام عليك والله... إهانة لسه ملهوش
اسبوعين مخلص آخر جلسة مع دكتور الاسنان...
أنت جيت في لحظة و ضعيت كل الجلسات اللي

راحها... لو كان يعرف إن ضرسه هيقع من بوكس
مكتش هيجي جمب أي عيادة اسنان □

”راح الجلسة بكام الواد ده ؟

*الجلسة الوحدة ب 1600... راح حوالي 6
جلسات يعني على بعض 9600 جنيه...

”يا عيني يا بني... حقك عليا يا ضنايا... مكتش
اعرف أنه صارف كده في سنانه... على كده له
حق يعمل فيا أي حاجة... زعلان على فلوسه اللي
راحت بسبب البوكس بتاعي...

*ليلتك سو*دة يا زوج اختي...

كان بيضحك سليم بس لما اخد باله من آخر
الجملة... اتفاجيء و قال

”زوج اختك !؟

*أه زوج اختي... ولا عندك اعتراض ؟

”لا اعترض ايه... ده انا ما صدقت إنك اخيرا
اعترفت بيا... طب نتكلم بجد شوية... أنا والله ما
خو*نتش أيلين... ولا قربت من وحدة
متخصنيش... أنا اصلا همو*ت و منتظر أيلين
ترضى عني... مش معقولة اروح اخو*نها... هي

مش راضية تصدقني... على الأقل أنت صدقتي يا
محمد...

*مصدقك...

”احلف؟“

ضحك محمد و قال

*والله العظيم مصدقك...

”والله كنت عارف إنك شخص كويس زي ما أيلين
كانت بتحكي لي عنك... لحظة بس... أنت مكنتش
مصدقتي ولا طابق تسمعتني... ايه اللي تغير
دلوقتي؟“

*أنا اقولك... يعني لما شوفت أيلين قاعدة مع
إلهان... عيونك حمرت و انفعلت جامد أوي و لما
ضر*بته اتأكدت انك بتغير على أيلين فعلا... غير
كده لما كنا انا و أنت و ايلين سوا في البيت
بنتعشى... و أيلين كانت بترغي معاك... و أنت
حاطط ايدك على خدك و منتبه أوي و حركة عيونك
مش بتفارق حركة عيونها... و انتبهاك لكلامها
التافهة ده يدل أنك وقعت وقعة و محدش سمى
عليك...

”الآه؟! ده أنت مركز أوي اهو...“

*بُصْ لأنني ابتديت اصفالك... تعرف لو زعلت
اختي تاني أنا هعمل فيك ايه ؟

”هتوديني وراء الشمس...“

*مش وراء الشمس بس... هوديك بره المجرة
كلها...“

”خلاص فهمت... متوضحش أوي كده... سبحان
الله... أول مرة الاحظ أنك لذيد كده...“

*لذيد ولا مُر ؟!

ضحك سليم و كذلك محمد

”بطل قلش... دمك ثقيل...“

*هم هيسبونا مربوطين كتير كده ولا ايه ؟

”مش عارف والله...“

*أنا جوعت... أنت جعان ؟

”جعان أوي...“

*استنى هنادي حد من الاشباح اللي بره دي (على صوته و قال) يا رجالة ما تيجي تشوفونا أو
تعبرونا بحتة جبنة حتى... يا رجالة...“

جه واحد و قال

– what do you want ?

عايز ايه ؟

”أنا و نسيبي جعائين... بقولك يا محمد... يعني
ايه نسيبي بالانجليزي ؟

*مش متأكد أوي بس تقريبا معناها My wife's
brother

”آه... بقولك يا باشا أنا و My wife's
brother جعائين...

*طب ما تكمل الجملة يا سليم... اهو واقف
يبصلنا مش فاهم حاجة...

”هو صاحبك معلمهوش مصري ؟

*تقريبا آه... الراجل واقف محتار و مش فاهم
حاجة من كلامنا...

”معلمهش ليه مصري ؟ مع ان شايفه بيتكلم
مصري كويس...

*الفضل يرجعلي... أنا اللي علمته...

”اوو عااا يا جامد...

– What do you say and what do you want ?

ما تقولوا و تخلصوا عايزين ايه ؟
”بنقولك جعائين...“

– What ?

ماذا !؟

”في ايه يا عم... بنقولك جعائين من الصبح...
ايه مبتفهمش !؟“

*بالراحة عليه يا سليم... ده زي اخونا برضو...“

– Are you stupid ?

هل انتوا اغبية ؟

*طب بدأ يغلط فينا اهو...“

”استيوبيد مين يا حلو أنت... ولاا ده احنا علمنا
عليكم في حرب أكتوبر ولا نسيت!“

*بس حرب أكتوبر كانت بين اسر*ائيل و مصر...
ايه دخل امريكا ؟

”أنت متعرفش؟! طلعوا طابخينها سوا... أنا
دارس تاريخ و عارف...

*يا ولاد الك*لب!!

**– I will call Ilhan to come and deal
with you... You are really strange
people !**

أنا هتصل على إلهان يجي و يتعامل معاكم... انتوا
ناس غريبة فعلا!

”أنا مفهمتش غير اسم إلهان... هو بيقول ايه؟
*بيقول هيتصل عليه و يتصرف معانا... عشان
احنا ناس غريبة...“

”ما غريبة إلا الشيطا*ن يا اخويا... ده أنت في
مصر و منورنا...“

بصله الراجل بعدم فهم... ضحك محمد و قال
*صفر من عشرة في العربي...“

”اقولك ايه الواد صعب عليا... بقاله ساعة بيلف
رقبته من هنال هنا و مش فاهم مننا حاجة... ما
تكلمه أنت... مش أنت برضو عايش بره و شوية
و هتاخذ الجنسية؟“

*بمناسبة أنك جبت سيرة الجنسية... في وحدة
بكراش عليها في امريكا... بفكر اتجوزها و اخذ
الجنسية بالمرّة...*

”يا خا*ين... و تسيب بنات بلدك!

اه عادي...

”هقول لأيلين تربيك...*

*ما أنت لو مكنتش متجوز... كنت هتقول عكس
كده

”لا لا... أيلين مفيش احلى منها... بس البنات
الأمريكية يجيبوا طول شعرها و نعومتها الأول...
تعرف كانت هتصه...

”كنت قت*لتها لو عملت كده و...*

صرخ فيهم

– Shut up you bastard you and
him...

اخرس يا وغد أنت و هو...*

”شكله بيشت*م...*

*ما هو بيتش*م فعلا...

”بيقول ايه ؟

*بيقولنا اسكتوا يا أوغاد...

”بيصعبوا عليا الأجانب و هم مفكرين نفسهم
مالكين الدنيا و ما فيها و اقوياء و هم اصلا كيوت
و مش عارفين يشت*موا حتى...

*آه والله...

مشي الراجل و خرج...

”طب بتمشي ليه ؟ مش تأكلنا الأول يا عم...

*عمل نفسه من بنها...

”كده نضطر نستنى إلهان يجي يأكلنا...

*أنت ليك عين تستناه يأكلك بعد ما وقعتله
ضرسه... يا بجا*حتك يا أخي...

”يا عم فدايا... ابقا يطلعله غيره عادي... بطني
بتعمل صوت من الجوع... يا باشا خُد بقولك...

– Oof... What do you want again ?

اوووف... ماذا تريد مجددا ؟

”طب متأفّش في وشي بدل ما اقوملك...“

*هتقوم ازاي و أنت مربوط ؟

”مش عارف... أنا قولت اهدده عشان يخاف...
خاف مني صح ؟

*ولا رمش حتى...“

”بقولك يا باشا I love you... و أكلني بقاااا“

ضحك الراجل و خرج

”ضحك... يعني قلبه مال...“

*ده انت تثبته... مبروك مقدّمًا...“

”الله يبارك فيك...“

بصوا لبعض و ضحكوا ضحك ملهوش آخر...“

”أكلنا اهو... يلا رجعلي محمد و سليم...“

مسح إلهان ايده بالمنديل و قال

—وحشوكي ؟

”أكيد طبعا... يعني مهما زعلنا من بعض... هم
أقرب ناس ل قلبي...“

–على شرط...–

‘يادي النيل!!‘

–ايه علاقة النيل بشرطي ؟ مش فاهم...–

‘ده تعبير مصري مشهور... فكك منه... هاا
قولي شرطك ؟‘

–بس يفضل ما بينا احنا الاتنين...–

‘اممم... ماشي... هاا قول ؟‘

–في واحد بكراش عليها...–

أيلين استغربت و حست انه بيلمح عليها

‘و بعدين ؟‘

–ايه النظرة دي ؟ لا مش اللي في دماغك أبداً...–

أيلين انتي زي اختي مش أكثر... أنا بحكيك لأنني

اتعودت عليكي... بصي اللي بكراش عليها دي

اعرفها من أول ما عرفت طريق مصر و بقيت بنزل

كثير...–

‘اها... كمل‘

–المهم بما اني اعرفها من فترة ف عرفت كام

حاجة عنها... البنت دي لسه بتدرس في

الجامعة... في سنة رابعة هندسة... ساعات
بتتلكك و بروح اشوفها و هي خارجة من
الجامعة... عشان كده بقالي فترة كبيرة في
مصر... خايف ارجع أمريكا و لما اغيب غيبتني و
ارجع مصر بعدين الاقيها اتخطبت... اتجوزت و
مش بعيد ارجع الاقيها خلفت كمان... فأنا مش
راجع أمريكا غير لما اتأكد انها هتبقى ليا...

‘ده أنت بتحباها بقااا...’

—اه بحباها... بقولك الحوار بقاله فترة كبيرة...
المهم فيه مشكلة...

‘ايه المشكلة؟’

—يعني أنا كنت باعت حد يسأل عليها و يعرف
معلومات عنها... زي ما انتوا بتعملوا كده في
مصر... المهم... بعد ما خطفت سليم و محمد...
أنا و انتي كنا جايين للمطعم ده... الشخص اللي أنا
باعته بعثلي حاجة جديدة عنها...

‘بعثك ايه؟’

—بياناتها كاملة... بعيلتها كلها...

‘و ايه المشكلة برضو؟’

–المشكلة في اسمها...

‘اسمها ستاير ولا ايه؟

ياريت لو كده...

‘او مال ايه؟

–اكتشفت انها تبقا اخت جوزك اللي أنا
خا*طفه...

آراء؟

نشكر إلهان لأنه سبب صلح محمد و سليم

و نشت*مه برضو لأنه ملقيش غير اخت سليم و
يحبها... و نأسف على تحطيم آمال الفانز اللي
عايز ايلين تحب إلهان... احنا مش هنبيع سليم

بالساهر ♥ □ □ □

مش هيربيهم غير الصا*يع الأمريكياني ♥ □

–المشكلة في اسمها...

‘اسمها ستاير ولا ايه؟

ياريت لو كده...

،او مال ايه ؟

—اكتشفت انها تبقا اخت جوزك اللي أنا
خا*طفه...

فتحت أيلين بوقها مترين و سكتت...

—كنت عارف إن دي هتبقى ردت فعلك... بس
اعمل ايه أنا لسه عارف النهاردة انها تبقا اخته...

،أنت حاطط عينك على رهف... ده سليم هيعمل
منك بطاطس محمرة...

—أنا مش فاهم ليه هيعمل مني بطاطس محمرة...
اعتقد دي حاجة وحشة... صح ؟

،أكيد طبعا وحشة... يعني أنت خا*طف اخوها و
ليك عين تتكلم!

—هسيبه والله و أنا مسامح على الضر*بة... بس
ساعديني...

،اساعدك ازاي ؟

—بصي لما اجازة محمد تخلص و يسافر تاني أنا
هسافر معاه لاني بقالي فترة هنا... فاضل من

اجازة محمد 20 يوم... يعني فاضل 20 يوم بس و
همشي... فأنا عايز في الأيام اللي باقية دي سليم
يعرف إني عايز اتجوز اخته... يعني انتي مرات
سليم... أكيد ليكي كلمة عليه... عايزك تديه
مقدمة إن فيه واحد هيتقدم لاخته...

‘و لما يسألني مين... اقول ايه؟

— لا لا متقوليش لغاية ما أنا اظهرله بنفسي...

‘و لما تظهر... هل هيوافق بعد اللي عملته معاه
ده؟

— يا ربي أنا عملت ايه... والله محدش لمسّه أنا
رابطه في الكرسي بس...

‘برضو مش هيعديهاك...

— طب قوليلي اعمل ايه... اخليه ازاي راضي عني
و يوافق عليا...

‘اممم... بَص دي سيبها عليا... أنت تسيبه
دلوقتي و أنا هكلمه بطريقتي...

— بجد؟

‘آه والله... يلا وديني عندهم...

—ماشي تعالي...—

*ما تقولي يا سليم... ايه آثار التعويرة اللي في
ايدك دي...*

”دي من زمان أوي... أمي الله يرحمها كانت
بتغسل السلم بخرطوم المية... طلعت من اوضتي
بجري... رocht اترحقت وقعت من السلم و
اتخبطت ايدي في سن الباب...*

صعبة دي...

”أيام الشقاوة و كده...*

*اقولك حاجة و تخليها سر ما بينا ؟

”متقلقش هتفضل سر ها قول ؟

*أنا فاكّر لما كنت صغير أنا و أيلين... كان عليها
امتحان في المدرسة و قاعدة بتذاكر في امان الله و
قافلة الباب عشان ملعبش معاها... رocht
اتعصبت منها... كانت سايبه شنطتها في
الصالة... فتحتها و اخدت الكشكول بتاعها و
خببته... تاني يوم جات تعيط لأن المُدرسة زعقلها
جامد و خصمت منها 3 درجات... المهم أيلين
متعرفش لغاية دلوقتي إن أنا خبيت الكشكول...*

”يا ك*لب... أنت تخلي المدرسة تزعق لمراتي و
تزعها... اتفووو على دي اخوة... تعرف لو
مكنتش مربوط كنت هقوملك... ده أنت عيل
نطع...“

*المهم اوعى تقول لأيلين...“

”ده أنا هقولها أول ما اشوفها...“

*أنا غلطان إن أنا آمنتك أنت... كان فين عقلي
لما وافقت إنك تبقا زوج اختي...“

”مش هتلاقي أحلى مني لأيلين اصلا...“

*يلهوي على الثقة...“

ضحك سليم... دخل إهان و أيلين... سليم أول ما
شاف إهان ضحكته اختفت و ظهر عليه غضب

—معلش طولت عليكم...“

”اخذت أيلين ليه!؟“

—روحنا أكلنا في المطعم...“

”اممم... ايه يا أيلين... الأكل كان حلو ولا ايه؟“

،كان عادي...“

”طب ما تروحوا مطعم تاني... مطعم رومانسي
مثلا...

ضحك إهان و قال

يا سليم أنا اصلا مش رومانسي... بعدين انت
ومحمد كانت حالتكم محتاجة تربية بجد... اتربيتوا
ولا لسه؟

* اتربيننا طبعاً ده احنا اتصاحبنا كمان... أول مرة
اعرف ان سليم دمه خفيف... الرجل اللي واقف
بره اللي تبع رجالتك ده... سليم زهقه في
عيشته...

’انتوا بجد اتصالحتوا!؟

”اه والله... ايه الغيبة دي أيلين؟ لو عايزين
شهود على جوازكم قوليلي... ما أنا كيس جوافة
هنا...

ضحك إهان و أيلين كذلك... قال الهان لأيلين
بصوت واطي

—جوزك مش طايقني... هفتح معاه ازاي حوار
اخته؟

’قولتك سيب ده عليا...

— ماشي... —

”بتقولوا ايه انتوا الاتنين ؟ ايه يا أيلين... انتي
بعتي جوزك بالسهولة دي ؟

،فيه ايه يا سليم ؟

”فيه إنك انتي و الصا*يع الأمريكاني ده ناويين
تجيبوا اجلي... بعدين خُد هنا يا إهان... ملقتش
غير مراتي يعني ؟ انت بتعمل ليه زي الستات
الحرابىء اللي بتحط عينها على الراجل
المتجوز... جاي تحط عينك على وحدة متجوزة ؟
شكلك ناوي تدفن نفسك بدري أوي... —

ضحك إهان و قرب منه و فك الحبل

— طب لو أنا فعلا كنت ناوي على حاجة مع
مراتك... هجيبها لك ليه و اجي أفكك بنفسب ؟

قام سليم و مسكه من هدومه و قال بعصبية

”فكر بس مجرد تفكير و هتشوف هعمل فيك
ايه... لتكون فاكر إني كيوت... يااض ده أنا تربية
شوارع اصلا... —

— يا عم ما تهدى... —

”لو قربت من مراتي تاني هقت*لك!! والله
محدث هيرحمك مني... مراتي و أي حد يخلصني
تبعد عنه... لو فكرت تقرب منها أو من حد غيرها
تبعي... هحفر قبرك بإيدي!!

هنا إهانة أدرك إن سليم مستحيل يوافق على
جوازه من اخته...

طب اهدى و نتكلم...

زقه سليم و قال

”أنا على آخر الزمن اتكلم معاك أنت؟ تبقا عبيط
لو فكرت إني هبقا زي محمد الاهل و اصاحبك...
او احط ايدي في ايدك في يوم من الأيام...

*طب و أنا مالي... بتغلط فيا ليه دلوقتي؟

أيلين مقدرتش تمسك نفسها و ضحكت... سليم
بصلها بطرف عينه راحت سكتت... أيلين فكت
الحبل لأخوها و قالت

’إلحق سليم قبل ما يعمل مصيبة!

*خلاص يا سليم... اهي مراتك قدامك... والله
إهانة طيب...

—ايوة قوله إني طيب... أنا آسف على سوء
التفاهم اللي حصل ما بينا ده...

”سوء تفاهم؟! بقولك ايه أنت تخرس احسن بدل
ما اقط*ع لسانك ده...

—حاضر خرس ت اهو...

‘طب يلا نمشي...’

وقفت أيلين في النص بين اخوها و جوزها و
كلبشت ايديهم و قالت

‘اعزمكم على آيس كريم على حسابي؟’

*ماشى أنا موافق...

سليم نفخ بضيق و قال

”ماشى...’

ابتسموا لبعض بحُب و مشيوا...

—طب و أنا؟ مش هتاخدوني معاكم أكل آيس كريم
؟ و اتنسيت كأي ما جيت... بس والله لوريك يا
سليم... و اختك هتبقا مراتي...

روحنا أكلنا آيس كريم سوا و اتبسطنا شوية... و
بعد ما خلصنا قعدتنا... سليم طلب مني ارجع معاه
و رجعت بموافقة من محمد...

سليم كان لسه مضايق من إهانة جامد... دخل
ياخد دُش... خلص و جالها الأوضة... كانت واقفة
بتأخذ بيجامة ليها و بترتب الهدوم... محستش أنه
دخل...

”أيلين أنا عايز اتكلم معاك شوية...“

لفتله و قولت

”اتكلم...“

”طب غيري هدومك الأول...“

مشي... مش عارفة بس حساه حزين كده...
غيرت هدومي... خبط و دخل الأوضة... قرب
مني و قال

”أيلين... محمد كلمك و قالك كل حاجة في حوار
رغد صح؟“

”آه...“

”صدقتي إني مخو*نتكيش؟“

آه بس...

”بصي يا أيلين... كل المشاكل اللي حصلت في
جوازنا خلتنى اعرف يعني ايه جواز...خلتنى
اعرف قيمتك... خلتنى احبك أكثر و اخاف حد
ياخدك مني... خلتنى اخاف من إني اك*سر
قلبك... أنا مش هقولك إني مش اتجوزتك بإرادتي
ولا هقولك إني مكنتش بحبك في الأول... دلوقتي
كل حاجة اتغيرت... أنا ذات نفسي اتغيرت...
مشاعري ناحيتك اتغيرت (مسك ايدها و حطها
على قلبه) حاسه بدقاته ؟ أنا قلبي بقا بيدق كده
من أول ما حببتك... من أول ما بقيت مش بقدر
اشيل عيوني من عليك... انتي متعرفيش حاجة
عن اللي كنت بحسه لما بتبعدي عني... قلبي
و*جعني أوي...

كانت عيونه بتدمع وهو بيتكلم...

”أنا عارف إني ظلمتك ظلم كبير و صعب...
هيفضل مآثر فيكي لفترة كبيرة... اوعدك إني
هصلح كل ده... هنسيكي كل كلمة وحشة قولتها
عليكي... النهاردة عيد جوازنا... عدت سنة و
احنا متجوزين... كانت كلها مشاكل و و*جع و
مش عايز تتكرر تاني... بكره أول يوم في سنة

جديدة لجوازنا... عايزها تكون بداية جوزانا
الحقيقي... عايزها تكون بداية حقيقية ل حُبنا...
أنا عارف إنك محتاجة وقت عشان تثقي فيا و
تصدقني كلامي ده... و تصدقي إني بحبك بجد...
أنا هديكي كل الوقت اللي تحتاجيه... و مش
هقربك ولا انام اجمبك غير و انتي مسمحاني و
تبقي ناسية كل القر*ف اللي عملته... (لمس بإيده
على خدها) خُدي وقتك و فكري كويس حتى لو
اخدتي سنتين أو أكثر... أنا مش مستعجل على أي
حاجة... المهم تبقا النتيجة إنك تصدقيني و ترجعي
تثقي فيا... و تقدري تحبيني زي ما أنا بحبك...

كانت أيلين بصاله و بتعيط و ساكتة... مسح
دموعها بإيده... كان بيعيط هو كمان... أيلين
مسحت دموعه بإيدها و قالت

‘يعني مش هتشك فيا تاني؟

”كان غباء مني أني اشك في اخلاقك... انتي
انضف حد قابلته في حياتي و مش عايز غيرك
تبقي معايا... أنا واثق فيكي و مش هثق في حد
غيرك انتي... ياريت انتي كمان تبدأي تثقي فيا...
بس لما تشوفي بعيونك الحلوين دول إني اتغيرت
في افعالي بجد... مش عايزك تسمعي كلام و

خلاص... هتشوفي بنفسك إني اتغيرت بجد...
مش هزعلك تاني... دموعك مش هتنزل بسببي
تاني... هحطك جوه قلبي و اقفل عليكي... و مش
هسمح لحد ياذ*يكي حتى لو كنت أنا... أنا
آسف... آسف على كل اللي عملته معاكي...
ياريت تقدرني تسامحيني و متسبنيش تاني... بحبك
يا أيلين...

حضنها بقوة... خباها بين ضلوعه و ضمها له و
بيلمس على شعرها و بيعيط... أيلين بادلتها
الحضن... فضلوا حاضنين بعض يجي ربع
ساعة...

”هتامي ولا هتعملي ايه؟

‘هنام...’

”طب يلا تعالي...’

اخدها سليم و نميمها على السرير و غطاها...’

”عايزة حاجة اجبهالك؟

‘لا...’

”تصبحي على خير...’

قفل سليم نور الأباجورة... لسه هيمشي أيلين
مسكت ايده و قال

‘استنى... أنت رايح فين ؟

”هنا مكاني...“

‘في الأوضة الثانية ؟

”آه...“

‘لا مترو حش... خليك هنا...“

”مش عايز اضايقك...“

‘بُص يعني أنا مش بعرف أنام لوحدي... خليك
هنا...“

”بس وعدت نفسي يا أيلين إني مش هقربك غير
لما تبقى واثقة فيا و مطمئة إني مش هخذلك
تاني...“

‘ماشى بس أنا مش حابة أنام لوحدي... السرير
كبير... هنعط مخدة في النص و نام...“

”اممم... مبحبش الحواجز اللي بتبعدني عنك...
طب بصي هنا على الكنبه...“

‘هتعرف تنام عليها ؟

”آه... متقلقيش...“

أخذ سليم مخدة و مشي... نام على الكنبه... أيلين
التفتله و قالت

،متأكد إنك مرتاح ؟

”هو انتي خايفة عليا ؟

،اه طبعا...“

قالتها أيلين بتلقائية و سليم ابتسم بحُب و قال

”ما أنا مش بحبك من فراغ يعني...“

اتكسفت أيلين و بصت للسقف... ضحك و قالها

”بقولك صح قبل ما انسى... بابا اتصل عليا من
شوية و عازمنا على العشاء عنده بكره...“

،ليه ؟

”عشان وحشناه... و بيقولي فيه حاجة كده

هيقولنا عليها لما نيجي...“

،ماشى نروح... يلا تصبح على خير...“

”و انت من أهله يا روعي...“

غمض سليم عيونه و راح في النوم... أيلين كانت
بتفكر و تقول

‘حاجة ايه اللي عايزنا فيها بكره... معقولة إهان
راح كلمه على رهف؟ طب هو وافق؟ طب ايه
هيكون رد فعل سليم لما يعرف؟ ده أنا لسه
مقولتش حاجة عن الحوار ده ل سليم؟! إن شاء
الله تكون عزومة عادية و إهان يصبر لغاية ما أنا
اكلمه...’

تاني يوم.....

كانت أيلين في الحمام بتغسل سنانها...

”مصحتيش ليه؟

‘لقيتك غرقان في النوم ف قولت اسيبك شوية
كمان...’

”الساعة وصلت 2 الظهر... كنتي صحتيني...’

‘هو أنت وراك حاجة؟

”لا بس مش بحب اصحى متأخر...’

‘خلاص المرة الجاية ابقا اصحيك...’

”بتعملي ايه؟

‘كنت بغسل سنائي... يلا أنت اغسل وشك اكون
حضرت الفطار...’

’فطار ايه اللي تحضره ؟ انا هحضر الفطار...
والله براحتك مش هعترض خالص...’

ضحك سليم... أيلين خرجت و سابته... غسل
سليم وشه و خرج راح على المطبخ و بدأ يحضر
الفطار...’

‘اساعدك في حاجة ؟’

’اه صح ده أنا نسيك...’

و بحركة سريعة شالها و حطها على الرخام

’خليكي قاعدة كده عشان تتفرجي على
مهاراتي...’

‘وريني شطارتك...’

هزروا مع بعض و رغوا كثير... أيلين كانت
مبسوطة... أول مرة تحس من قلبها انها تهيم سليم
بجد... نظراته ليها و كلامه ليها و ابتسامته لما
يشوفها و ضحكته... كلها حاجات بسيطة قدرت
تخلي أيلين تغير رأيها في سليم... كلنا بنغلط و
كلنا بنندم... مفيش غلطة مش بتغفر ولا بتصلح

غير لما نتغير... غلطة سليم كبيرة بس أنه يصلح
من نفسه عشان يكسب قلبها دي حاجة كبيرة
برضو...

في الليل.....

”بكر*ه نفسي و العربية لما الإشارة تقف كده...
‘شوية و تفتح...

”شوية ايه... بقالنا ربع على نفس الطريق...
تقريبا فيه اتنين بيتخانقوا و معطلين الناس كلها...
الله أكبرررر... فتحت اهي...

‘ده انت قفلت الإمتحان مش هتفرح كده...

”دي معجزة انها فتحت اخيرا... طبيعي افرح...

كملوا طريقهم و وصلوا عن بيت أبو سليم... أول
ما شافه اخده في حضنه

•ابني حبيبي... والله وحشتني...

”أنت أكثر يا بابا...

•حبيب ابوك... ازيك يا بنتي؟

‘تمام يا عمو...

• او عى يكون القرد ده زعلك تاني!

‘لا لا... بقا كويس

”كويس بس؟ تعرف يا بابا لسه قايلها في العربية
إني بحبها...“

• جدع ياض... عايزين بقا حفيد ضغن شقي كده
ألع بيه...

اتكسفت أيلين و سكت شوية... سليم يبصلها
بإبتسامه لأن بيحب شكلها لما تتكسف...

‘عمو... هي فين رهف؟

• رهف في عيد ميلاد صحبتها...

‘هتتاخر؟

• لا تتأخر ايه... أنا قولتها انكم جاينين و قالت
هتيجي بدري... زي ما انتي عارفة يا بنتي...
رهف بتعتبرك صحبتها و اختها كمان و بتفرح أوي
لما تيجي هنا...

‘أنا كمان وحشتني أوي...‘

• هخلي الخدم يحضروا العشاء تكون هي جات....

”هاخذ أيلين و نطلع فوق... و بالمره اوريها
اوضتي لانها مش شافتها ولا مره...“

• ماشي يا بني... ابقوا فكروا في موضوع الحفيد
شوية...“

ضحك سليم أما أيلين اتكسفت ك عاداتها... سليم
مسك ايدها و اخدها فوق...“

،ايه الأوضة الجامدة دي...“

”عجبتك؟“

،آه... حلوة كده اوضة شاب فعلا...“

”طب تعالي اوريكي حاجة...“

فتح الدولاب... طلع منه صندوق صغير... فتحه و
طلع من سلسله صغيرة على شكل فراشه...“

”أمي اتوفت في وقت بدري... كنت لسه في تالته

ثانوي... في يوم كنت قاعد معاها بحكي عن

دراستي و كده... وسط ما أنا برغي معاها...“

قالتلي مراتك المستقبلية هتكون محظوظة لانها

هتتجوز واحد رخاي زيك... قالتلي مفيش احلى

من الراجل الرخاي اللي بيحب يحكي عن كل

تفصيلة... و يشارك كل تفاهاته مع مراته...“

‘اه فعلا أنت رغاي أوي...’

”بس مع الناس اللي بحبها بس... واخدة بالك
انتي بقا (قالها بمغزة) ماما ادتني السلسلة دي و
قالتلي أنا مش عارفة هعيش لغاية ما اشوفك
بتتجوز ولا لا... ف خذ السلسلة دي اديها ل مراتك
المستقبلية نيابة عني ك هدية مني ليها و قولها
إني بحبها زي بنتي لأنها هتكون اجمل مرات ابن
في الدنيا كلها) ...رجع شعرها ل قدام و لبسها
السلسلة قدام المراية (تعرفي... ماما لو كانت
عايشة كانت هتحبك أوي... ماما بحبها جدا...
وحشتني اوي...’

قال سليم آخر جملة و عيط... أيلين حطت وشه
بين ايديها و بصتله في عيونه و قالت

‘و هي بتحبك أوي على فكرة...’

ابتسم سليم و أيلين مسحت دموعه و لما عيط تاني
حضنته و قالت

‘خلاص متعيطش... بتخليني عايزة اعيط لما
اشوفك كده...’

حضنها جامد و دفن رأسه في رقبتها و اتهد و قال

”متسبنيش انتي كمان... خليكي معايا و جمبي
دايما...

‘حاضر... على فكرة... السلسلة عجبتني...
جميلة أوي...

”مفيش اجمل منك...

‘مش بعرف ارد على الكلام الحلو ده...

ضحك سليم و قال

”هدخل أخذ دُش و اغير هدومي...
‘ماشي...

”ما تيجي تغسليلي شعري...
‘يا سليم اتم...
”اديني ملموم اهو...
ضحكت أيلين و هو دخل الحمام... قررت أيلين
تفتح حوار إهان لما يخرج... وقفت قدام المراية
بتدرب نفسها ازاي هتكلمه ف كده و تستحمل رد
فعله... بعد شوية من الإنتظار خرج... كان ماسك
الفوطة و بينشف شعره...
‘بقولك يا سليم ؟

”يا روح سليم... ايه الحوار ؟

،عايزة اكلّمك في حوار كده... بس خايفة
تتعصب...

”قولي...“

،او عدني إنك مش هتتعصب!

”مش هتتعصب... قولي...“

كان بيقترب منها و هي بتراجع لوراء لغاية ما
وصلت للحيطه

،في ايه يا سليم ؟

”مفيش حاجة...“

،يبقا بتقرب ليه ؟

”عادي... انتي مراتي و اقرب منك براحتي...“

،بس أنت قولت إنك مش هتقرب مني غير لما انا
اسمح بكده...

”حصل...“

،يبقى ايه اللي بتعمله دي ؟

”ولا حاجة... بس أنا بستحمى... افكرت كلام
ابويا... ما تيجي نتجيب حفيد صغتن يلعب بيه ؟
،سليم أنت بتوترني...

”ليه ؟ (قرب منها أكثر) انتي خايفة مني ؟
،لا مش كده...

”يبقى ايه ؟ (مسك خصلات شعرها و شمّها)
،سليم... أنا قولت اكلّمك في موضوع مش تشم
شعري...

”اعمل ايه... بضعف أوي قدام شعرك...

،يعني مش هنتكلم ؟

”نتكلم و ماله...

،نتكلم ازاي و أنت كده...

”كده ازاي ؟

،قريب مني بالشكل ده...

”مفروض تتعودي على قربي منك... او مال
هنخلف ازاي و انتي كيو ت كده ؟ (باسها في خدها
(و كمان بشرتك ناعمة أوي...)

‘يا سليم!!’

ضحك و بَعَدَ عنها

”هاا هتتكلمي في ايه ؟

‘كنت عايزة اقولك إن فيه...’

قطع كلامها صوت تليفون سليم

”ثواني ارد و نتكلم...’

مسك سليم التليفون... كان ابوه... رد عليه...
قاله ابوه إن العشاء جهز... عرفت أيلين أنها مش
هتعرف تكلمه دلوقتي ف قالت تكلمه بعد ما
يتعشوا... لبست أيلين عباية كافيه و لفت الطرحة
و نزلت مع سليم... قعدوا على السفارة جمب بعض
و بيرغوا سوا... ابو سليم كان مبسوط وهو
شايف إن علاقتهم ببعض بقت افضل و بدأوا
ياخدوا على بعض...

•بقولك يا سليم...

”نعم يا بابا ؟

•فيه عريس جاي يتقدم لأختك رهف...

”جاي امتى ؟

• النهاردة و دلوقتي...

”نعمم؟! ده ازاي؟“

• هو قالي من امبارح و انا لسه فاكر اقولك...

”و دي حاجة تتنسي يا بابا... كان مفروض اسأل عليه قبل ما يجي...“

• معلىش يا ابني اهو يجي و نعرف احواله و نسأل عليه برضو...“

”اممم... ماشي... خليه يجي...“

رن جرس الفيلا... حد من الخدم فتح... دخل إلهان و محمد... سليم أول ما شاف إلهان... قام من مكانه

”أنت ايه اللي جابك هنا؟!“

—يعني لابس سويت شيرت جديد و راشش برفيوم اغلى ما عندي و ماسك بوكيه ورد أبيض و كيكّة شيكولاتة... هكون جاي اعمل ايه... جاي اتقدم لاختك طبعاً...“

جمع سليم قبضته بغضب و لسه هيروح يضر*به... أيلين مسكت ايده و قالت

‘سليم ارجوك اهدى...’

”ده أنت عينك واسعة أوي و بـج*ح!

— ما أنا فعلا عيوني واسعين...’

”أنت هتهزر معايا؟! بقولك اخرس... محمد...’

جايب ليه البتاع ده هنا؟!’

*والله فاجئني النهاردة و قالي أنه جاي يتقدم
لاختك و كمان كَلِم ابوك في كده... و طلب مني
اجي معاها...’

”و انت مقولتليش ليه؟’

— حبيت اعملها مفاجأة لـيك... يا نسيبي...’

”نسيب مين يا ****... ده أنت بتحلم... خُد
صنية الكيكة دي و وريني عرض اكتافك... مفيش
بنات للجواز...’

— يا ابني أنا كلمت باباك... هو اللي يقرر امشي
ولا لا... قولت ايه يا حمايا المستقبلي؟’

سليم بَص ل محمد و قال

”حمايا المستقبلي؟! و ده عرف من فين الكلمة

دي؟’

*والله هو قعد يسألني بتقولوا ايه على ابو العروسة ف قولتله بحسن نية... معرفش أنه ناوي يتقدم لاختك...

”حسابك معايا بعدين... يلا حبيبي امشي من هنا...”

—مش ماشي... خلاص أنا دخلت البيت من شباكاه ...

‘قصدك من بابيه...’

—بالظبط كده...

أيلين كانت بتضحك... سليم بصلها بطرف عينه راحت سكتت و بصت للأرض...

”بُص يا إلهان... أنت تلم نفسك و تمشي... عشان لو مشتش أنا...”

—هتعمل ايه يعني ؟ هتخط*فني مثلا...

سليم اتعصب و مسك إلهان من هدومه و قال

”انت تتقي شري احسن و تخرج من الباب ده من سُكات... بدل ما نطلع صوتنا على بعض و منظرنا هيكون وحش قدام الجيران...”

• ايه يا سليم فيه ايه... اهدى يا بني!!

”يا بابا ده آخر واحد يفكر يتجوز اختي... والله ما يطول ضُفر منها... يلا بره...”

• سليم سيبه... ده ضيف برضو و عيب اللي أنت بتعمله ده...

”ضيف على نفسه... الكائن ده ميقعدش هنا ولا دقيقة...”

—اسمي إهان على فكرة...

”طب يلا خُد كيكتك و اخرج...”

• مش هيخرج يا سليم... و سيبه بقولك...

”يا بابا بس...”

• مبدش... بقولك سيبه و اتعامل بأدب معاه قدامي...

سابه سليم و قال وهو بيجز على سنانه

”سيبته اهو...”

• معلىش يا بني على سوء التفاهم ده... اتفضل البيت بيتك...

إلهان ابتسم بانتصار ل سليم... أيلين هدت سليم و
خلاته يقعد مكانه...

ـ فين العروسة ؟

”عروسة مين يا...“

• سليبيم!!

”خرست اهو...“

• ر هف في عيد ميلاد صحبتها... جاية دلوقتي...
قولي يا ابني... أنت درست ايه و بتشتغل ايه...
احكي لي...

بص إلهان بخبت ل سليم و قال بثقة

ـ أنا خريج حقوق جامعة كندا... الأول على
الدفعة...

”و المصحف كذااااا... منظر واحد من الاوائل
ده ؟

• فيه ايه يا سليم... ما تسكت...

”أنا آسف...“

• كمل يا بني...

— كنت بقول إني خريج حقوق جامعة كندا و الأول
على دفعتي... بشتغل في شركة بابا...

• سمعت إنك امريكاني...

— اه فعلا أنا اصلي امريكي... اتولدت و اتربيت في
كندا...

”و ايه اللي حدفك علينا بقا؟“

— يا سليم الحوار كله إني لما اتعرفت على محمد
في كندا و اتصاحبنا... كلمني على بلده كثير...
فيما إني فضولي ف نزلت مرة... عجبتي و
اتعلمت عربي و مصري كمان و بقيت كل اجازة
بنزل مصر...

• و عرفت بنتي ازاي؟

— شوفتها بالصدفة في كافييه... عجبتي و اتشديت
ليها ف عرفت انها في جامعة و كده و كنت بشوفها
هناك... بس هي متعرفنيش أو محصلش ما بينا
موقف قبل كده...

• اممم... و انت اد الجواز و القوانين المصرية؟

— أنا بحثت و شوفت... و عرفت انكم بتقدسوا
الجواز و واخدين الحوار جد أكثر من الناس في

كندا اللي بيتعاملوا مع الجواز ك اسم مش اكر...
و غير كده اللي عجبني إن البنت في مصر لما
تتجوز بتكون ملك جوزها وبس... عندنا في كندا
تبقى متجوزة و تصاحب على جوزها عادي... فأنا
ك بني آدم سوي عايز زوجة تكون ليا و بس...

•اقتعتني والله... بس اديني وقت اعرف عنك كام
حاجة كده و نشوف رأي بنتي...

—حقكم طبعاً...

”هي لما تشوفه هتطرده بنفسها... بعدين ده
مينفعلش يبقا زوج... ده صا*يع...

•ولاً ما تلم نفسك أنا ساكتك من الصبح!!

—عادي يا عمو... هو مستغرب مش أكثر... بكره
يقتنع أنه هيبقى خال عيالي...

”خال مين متخلنيش اقوملك!!

قال محمد

*يا شباب اهدوا...

—هو أنا اتكلمت... ده أنا اتمسح بكرامتي الأرض
اول دخلت البيت ده...

”لو عندك ذرة دم امشي يلا...“

• ما تسكتوا انتوا الاتنين... هتصل على رHF
اشوفها اتأخرت ليه...

و لسه هيتصل عليها... جات بنت في سن العشرين
طولها متوسط و بشرتها فاتحة مع ملامح رقيقة
جدا... لابسة فستان شيفون لونه بنفسجي
غامق... كانت ماسكة أكياس... حطتهم على
السفرة و قالت باندھاش

®الله... انتوا مجهزين العشاء... كمان عاملين
فراخ بانیه!!

• ايه يا بنتي... ايه التأخير ده ؟

®والله يا بابا التاكسي اللي رجعت بيه اتعطل في
نص الطريق... الراجل طلع محترم و مخلنیش
اركب تاكسي تاني و صلحه و وصلني لغاية الباب)
بصت على الأكل (انتوا كمان عاملين رز مفلفل!!

قعدت رHF و بدأت تاكل

• و انتي مأكلتيش عند صحبتك ولا ايه ؟

®و هي التورته و الشيبسي ده اكل يعني... أنا
اصلا خرجت من غير غذا...

بدأت تاكل بكل براءة... إهان مثلش عيونه من
عليها أول ما دخلت... حاطط ايده على خده و
بيبصلها بتوهان... أيلين و محمد ضحكوا على
شكله... أما سليم مضايق و كل شوية ينخف
بضيق و مش طايق إهان... و ضر*ب إهان
برجله من تحت السفرة... إهان بصله بغضب و
اتحلفه...

ر هف شافت ايلين

®مرات اخويا منورانا عشان كده عاملين وليمة
النهاردة... لحظة بس اخلص أكل لاني جعانة
أوي... بعد ما اخلص اخذك فوق اوركي البلوزة
اللي جبتها جديد...

•يا بنتي يعني انتي لاحظتي أيلين و ملاحظتيش
الوجوه الجديدة ؟
—أنا فرد جديد...

بصتله ر هف بصدمة... إهان ابتسملها
ر هف من صدمتها مردتش... اخدت رغي فينو و
حطت فيه قطعتين فراخ باتيه و قالت
®معلش مكنتش اعرف إن فيه ضيوف هنا... أنا
هكمل أكل فوق...

• استتي يا رھف ...

® نعم يا بابا ؟

• مش تسألني مين الضيف ؟

® مين ؟

• ده إھان ... من امريکا ... جاي يتقدملك ...

® امريکي !؟

• اھا ...

® و ليه مييقاش ترکی زي ما أنا كنت بتمني !

• ده إھان ... من امريکا ... جاي يتقدملك ...

° امريکي !؟

• اھا ...

° و ليه مييقاش ترکی زي ما أنا كنت بتمني !

ضحکوا کلهم في صوت واحد ما عدا سليم طبعاً ...

– على فكرة أنا سافرت تركيا مرتين و كنت بادئ
کورس لغة ترکیة من شهرين کده ده حتی کان فيه

حصّة من يومين بس ضرسى وقع و مقدرتش
اروح...

سليم حظ ايدہ على خدہ و ابتسم بسخرية و قال
”ألف سلامة... احكيلنا بقا ضرسك بقا وقع ليه ؟
— واحد اتخايق معايا... (كمل بنفس ابتسامة سليم
(بس عرفته أنا ابقا مين كويس...
سليم اتعصب و مسك الشوكة و وجها ناحيته و قال
”بقولك ايه اخرس و....

• ايه يا سليم مالك النهاردة... حتى مش عاملى أي
اعتبار إني موجود هنا...

”يا بابا ده واحد مستفز... ازاي ده هيبقا زوج
اختي!؟

ليه هو احنا جربانين ولا ايه ؟

”جربانين!؟ ايه ده كمان يا محمد!؟!؟

* هو اتفرج معايا على لقاء روجينا امبارح...
مش ذنبى والله....

”يلهو ااي... انتوا هتجنوني ! بقولك ايه مفيش
جواز... يلا كل واحد على اوضته...

• سليم اقعد...

”يا بابا بس...”

• بقولك اقعد!!

”اهو اتز*فت قعدت...”

• اقعدى انتى كمان يا رھف...

° حاضر يا بابا...

قعدت رھف جمب أيلين... أبو سليم ابتسم و قال

• معلىش يا ابني هو سليم كده... متاخذش في
بالك... يلا نتعشى سوا و بعد الأكل نبدأ نتكلم
بجد...

بدأوا ياكلوا... إهان عيونه دايماً على رھف و
متابع كل حركتها... هي لاحظت و اتكسفت... أما
سليم باصص على إهان و عيونه بتطلع نار و
بياكل بالعافية... أيلين همست و قالت

‘سليم اهدى متعملش كده...’

”انتى حسابك فوق...”

‘الآه؟! أنا عملت ايه؟’

”عشان ساكتة و معترضتيش...

‘يعني اروح اضر*به ؟

”ما انتي لو زوجة سالحة كنتي وقفتي معايا و
ضر*بتيه...

‘يااربي ! هو يجي يتقدم و انا اتعاقب ليه !؟

”اسكتي بقا... ايه يا إلهان... حلو الأكل ؟

—مم... طعمه خطير... بقولك يا عمو... هو ايه
الحاجة الشفافة دي ؟

•دي شوربة...

—شووربة اه... يعني انتوا بتسلقوا الفراخ
عشان تتخلصوا من الجراثيم... بعد كده بتشربوا
المية بتاعتها على أساس انها شوربة ؟

”أصل احنا ناس معفنة...

—و أنا بحب العفانة...

قالها إلهان ل سليم و هو رافع حاجبه بإستفزاز...

•المهم إن طعمها حلو...

— على رأيك يا عمو (فضل يبص على الصلاة و
كمل) بيتكم كبير و حلو كمان عندكم جنيئة... قيو
البيت واوو أوي... بعد الاكل خدوني في جولة
فرجوني على البيت كله...

”ليه ناوي تستثمر فيه ولا ايه؟

—لا... بس ناوي اعمل خطوبتي هنا... قرار
كويس... مش صح يا نسيبي ولا ايه؟

سليم بصله بغضب و معرفش يتكلم... ضر*به
برجله من تحت السفارة... إهان اتأ*لم و قال
بصوت واطي

—يا ك*لب... يخربيت غبانك!!

*مالك يا إهان؟

—مش شايف مالي يا محمد... ضر*بني برجله...

*ازاي... ما هو قاعد مكانه اهو....

—من تحت السفارة...

*اااه... و أنا بقول ليه كل مرة بيطلع و بينزل...
اتاريه بينزل عشان يضر*بك و يطلع تاني...

—بس المرة دي بتو*جع أوي...

*معلش استحمله...

—حقي عندك يا رب...

قالت رفف

°أنا عندي استفسار...

قال إهان و هو مبتسملها بحُب

—قولي اللي انتي عيزاه...

•اتكلمي يا بنتي...

°هو ازاي امريكي و بيتكلم مصري احسن مني...

—تحبي تشوفي البطاقة؟

°ماشي...

طلع إهان بطاقته و ادخالها...

°طلع امريكي فعلا...

—مكتوب عندك محل الإقامة في كندا... صدقتي؟

°ملاحظتش كندا دي...

—يبقا صدقتي عاي أساس ايه؟

°صورة البطاقة حلوة كده... طالما صورة البطاقة
طالعة مضبوطة يبقا أكيد من بره مصر... أنت
متعرفش احنا بنبقا عاملين ازاي في صورة
البطاقة... بنبقا شبه المساجين...

لما نتجوز ابقا اعملك بطاقة هناك...

°بجد!؟

—آه طبعا...

”طب ما نسيبكم احنا تتكلموا براحتكم و مش
نتعشى بسببكم...”

ضحكت رهف من كلام اخوها و سكتت... أما سليم
لسه على نفس الرياكشن... مضايق و مش طايق
وجوده...

”بالهناء و الشفاء ليكم...”

قام سليم من على الكرسي...

—متكمل اكلك... يا نسيبي...

”معلش... أصل في حاجة سدت نفسي... عن
اذنكم...”

طلع سليم لاوضته و جات أيلين وراه و قفلت
الباب...

”أنا هتجنن... الواد البج*ح... ازاي ليه عين
يجي هنا و كمان يتقدم لاختي بعد كل اللي عمله!!

‘اهدى يا سليم...’

”اهدى ازاي قوليلي... ازاي ده هيكون زوج
اختي... ده واحد مت*خلف و صا*يع...

‘ممكن يطلع كويس؟’

”ايلين!! انتي معايا ولا معاه؟

‘بشهد الحق يا سليم... يعني إهان معملش حاجة
عشان اكر*هه كده... و سوء التفاهم اللي حصل
ما بينكم ده عشان أنت ضر*بته... بس هو
معملش حاجة لينا... و غير كده هو يعرف اختك
من فترة زي ما قال بنفسه تحت... بس امبارح
كان أول مرة يعرف انها تبقا اختك...’

”و اهو عرف ان هي تبقا اختي... ليه مش يمشي
من هنا زي الناس المحترمة و يتلم!!

‘هو دخل البيت من بابيه وجهه اتكلم مع والدك... و
دي مش حاجة غلط...’

”انتوا ناويين تشلونى و ترفعولى الضغط ولا ايه
!؟ انتى معاه... ابويا معاه... حتى محمد معاه...
طب محمد موافق عشان يبقا صاحبه و بابا موافق
لانه ميعرفش حاجة عن اللي عمله... انتى يا ايلين
عارفة كل حاجة... مالك جاية فى صفة كده ليه
!!!؟

”أنا بقول اللي أنا شيفاه...“

”اممم... على العموم الجوازة دي مش هتم...
حتى لو كلكم موافقين... أنا مش موافق... و
الصا*يع الامريكاني ده هيمشي من البيت ده!!
خرج سليم و رزع الباب وراه بقوة... نزل تحت...
لقيهم بيحكوا كلكم و بيهزروا... جه وقف جمب
إهان و حط ايده على كتفه و قال بابتسامه
اصطناعية

”خلصت اكل ولا لسه؟“

—خلصت...—

”طب قوم... عايزك فى كلمتين...“

—ماشي... عن اذنكم...—

خرج سليم على الجنينة و جه وراه إهان...—

—الصراحة اكلكم حلو أوي...—

”أنا هكون في قمة الهدوء معاك... و هطلب منك
بأدب و بكل رُقي... تمشي من هنا... اهو اكلت و
ضيفناك احسن ضيافة... يلا بالسلامة انت بقااا

—مينف عش امشي...—

”ليه ؟ رجلك اتقط* عت ؟!

—تصدق وجعا*ني أوي من ضر*بتك بتاعت تحت
السفرة...—

”ما أنت لو مشيتش من هنا بالذوق...
هقط*عهاك بجد... يلا امشي...—

—و اقولهم ايه جوه ؟

”قولهم بابا اتصل عليا و قالي يا و*سخ سايب
بلدك ليه و شغلك و قاعد في مصر...—

—مش سبب مقتع...—

”خلاص قولهم أنا غلظت في العنوان... أنا كنت
اقصد اتقدم لبنت جيرانكم...—

—اممم... لا مش مقتع برضو...—

”أنت هتنقي يا روح أمك!

— أنا فعلا روح أمي... بس حاسس بتقولها بصيغة
شت*يمة...

”يا حبيبي افهم... لا شغلك ولا عيلتك ولا طباعك
تناسب اختي... اختي عايزة واحد محترم مش
واحد زيك...

— ما أنا محترم اهو... هو أنت شايفني خارج من
غير هدومي؟

”أنا هشيل المرارة بسببك والله... هحاول
ابسطهالك... رهنف اختي عبيطة عايشة في عالم
خيالي... بتحب المسلسلات و بتحب السهر و
الأكل...

— طب ما أنا عايز كده... أنا عايز ادلعاها مش
اشيلها الهم...

”أنت مش هتقدر تشيل مسؤولية بيت... يعني
علميًا و عمليًا مينفعش تتجوزوا... كده هتخطوا
البشرية في خطر لو اتجوزتوا...

— أنا مش بشيل مسؤولية؟ طب ايه رأيك أنا
اشتركت في مسابقة برمجة في سويسرا من سنة و
اكسبتها و فوزت بمركز أول...

”ايه ده... بجد؟

—آه بجد...

”طب اشتركت ازاي... و اتعلمت البرمجة فين؟

—هديك رقم المستر اللي علمني...

”ياريت عشان نفسي اتعلمها و مصر مش
مساعداي...”

—المستر اللي علمني توب فيها و....

”أنت هتصاحبني؟! اأخذتني في الكلام منك لله...
بقولك ايه امشي دلوقتي... بدل ما ارجعك كندا في
اكياس سودة...”

—مش ماشي يا سليم...

”ليه يا بارد!؟

—عشان معملتش حاجة غلط... ده أنا احترمت
تقاليدكم و عرفت حاجات كتير عن نظام الجواز هنا
و جيت زي البني آدمين و طلبت ايدها للجواز...
فين الغلط في كده؟

”الغلط هو أنت شخصياً... بـص مهما تعمل...
مش هسمحك تتجوزها حتى لو الكرة الأرضية
كلها وافقت... يلا امشي ضيعت وقتي...”

قرب من إهانة و قال بحده

—مش ماشي بقولك... و اللي عندك اشربه...

”قصدك اللي عندك اعمله...”

—آه بالظبط Whatever... على العموم...
قولتك اهو... مش ماشي... مش همشي غير في
حالة وحدة بس... لو هي رفضتني... غير كده
مش ههتم بكلامك ده... لأني جاي اتجوزها هي
مش اتجوزك أنت...

”و أنا بقولك مش هتجوزها...”

—مش مهم رأيك... عن اذنك... يا نسيبي...

ابتسم إهانة ابتسامة مستفزة و مشي... سليم حط
ايداه على وشه بيأس و قال

”هم الأمريكين معندهم مش دم للدرجة دي... بعدين
كلمة نسيبي دي بتعصب أوي... هو محمد كان
ازاي مستحملني لما كنت بقولها له دايمًا؟! ”

سليم هدى نفسه و دخل... لقيهم قعدوا على
الانترية و بياكلوا جاتوه و بيرغوا... قعد جمب
أيلين و قالها

”رهنف فين؟ ”

‘جاية بالعصير...’

”اممم...“

جات رَهف بصنية العصير... قدمتلهم العصير...
إهان أخذ منها الكوباية و عيونه عليها معجب بيها
و بكسوفها...

”تعالى يا رَهف اقعدى جمبى...“

جات رَهف قعدت جمب اخوها... إهان بصله
بعصبية و عشان يستفزه شرب العصير و قال
— تسلم ايدك يا عروسة... عبقال ما نشرب عصير
كتب الكتاب...

سليم اتعصب و لسه هيتكلم... أيلين مسكت ايده و
قال

‘يا سليم خلاص... باباك هيتعصب...’

”سكت اهو...“

•قولى يا ابنى... عندك شقة؟

—عندي بيت في كندا في منطقة الريف تحديدا...
على قيو تحفة بيبقا لطيف في الصيف... و فيه
قيلا بتاعت بابا...

• طب افرض ر هف موافقتش تسافر معاك و فضلت
تقعد هنا... هيبقا ايه ظروفك ؟

— عادي يا عمو... اللي يريحاها هي... كده كده
عندي قايلا في مصر... و قريبة من هنا...

• و أنت عندك استعداد تسيب بلدك و تيجي تستقر
هنا ؟

— اه عادي...

• طب و شغلك ؟

— اشتغل من هنا عادي... بعدين حوار الشغل
مفيش قلق منه أبداً... مش هقولك إني معتمد على
شركة بابا... فيه حاجة بحضرها هنا في مصر...
شغال عليها حالياً... لو نجحت... مستقبلي من هنا
لغاية ما مو*ت هيبقا مضمون...

• ايه هي ؟

— والله يا عمو... مقدرش اقولك دلوقتي لأن
محدث يعرفها غيري... و مش حابب حد يعرف
دلوقتي... هخليك تعرف لما تتجح...

• طب لو فشلت ؟

—احتمال نجاحها 95 % بالظبط... معتدش انها هتفشل في مقابل التعب اللي بتعبه فيها... متقلقش يا عمو... اسبوعين بالظبط و هقولك كل حاجة بالتفصيل...

• ماشي... لو استقرت في مصر... اهلك هيعترضوا؟

—لا أبداً... عندنا في كندا طالما الواحد تم سن ال 20 يبقا مسؤول عن نفسه... و انا من أول ما عدت سن ال 20 بتنقل من بلد ل بلد... يعني بحب السفر و بحب اعرف ثقافات جديدة...

• لو اتجوزت بنتي هتقعد في مصر... انا مبحبش أولادي يبعدوا عني... ف سفرك الكثير ده مش هيمشي مع بنتي...

—حاضر يا عمو... اللي تشوفه حضرتك... ابقا اسافر في الاجازات في الحالة دي تسافر هي معايا... يعني اهلي بيوحشوني برضو...

• اجازات بس ماشي مفيش مشكلة...

”الجوازة دي مينفعش تتم...

•ليه بقا يا حبيب ابوك؟

”عش... عشان هو من كندا ف اكيد هو
مسيحي... مينفعش مسيحي بيتجوز مسلمة...

• انت مسيحي فعلا يا ابني ؟
— مين قال كده... أنا مسلم...

”و ايه اللي يثبت كده ؟
— بصوم رمضان و بصلي...
”بس رمضان عدى...

— خلاص لما يجي رمضان الجاي ابقا اصورك
نفسى وانا بحضر السحور و بعلق الزينة...

”لا يا بابا ده مسيحي... ده حتى لابس كُم كامل
مع ان الجو حر النهاردة عشان يداري الصليب...

— هو خطيئة ألبس كُم كامل ؟ طب بالعقل كده
هسيب بنات كندا اللي كلهم مسيحيين اصلا... و
اجي اخطب وحدة مسلمة؟! بعدين أنا لابس كُم
عشان متعود ان الجو في كندا برد أوي و جسمي
اتعود على كده و شايف ان النهاردة هوا مش
حر...
حر...

”متلعبش على دماغنا بكلمتين... ارفع كده الكمام
دي... ورينا الصليب...

—ماشي معنديش مشكلة... (رفع أكاماه الاتنين)
اتأكدت كده ؟

”طب بنصلي كام فرض في اليوم ؟

five... —خمسة يعني

”صلاة التهجد امتي ؟

—في العشرة الأواخر... بنصليها قبل الفجر أو بعد
التراويح بكام ساعة...

”القرآن فيه كام سورة ؟

114 —سورة...

”و كام حزب ؟

60 —حزب...

”كام سورة مكيّة في القرآن ؟

85 —سورة...

”كام سجدة في القرآن ؟

13 —سجدة...

•خلصت يا سليم الإمتحان اللي عملتهوله ؟

اتكسف سليم و قال

”كنت بتأكد اذا كان مسلم بجد ولا لا...“

• و اهو اتأكدت... اسكت بقا... قولي يا بني...
يعني ماشاء الله عندك معلومات حلوة... انت
اتولدت مسلم ولا لا ؟

—لا... اتولدت مسيحي زي باقي عيلتي...“

• اسلمت ازاي ؟

—زي ما قولتك يا عمو لما بقيت بسافر كثير و
اعرف ثقافات دول تانية... ف عرفت دين
الاسلام... بحثت عنه و عرفت حاجات كثير... في
شيخ عرفته في تركيا... يعني بقا صديقي و مقرب
مني و اسلمت على ايده من 9 سنين...“

• حلو ربنا يحفظك... طب عيلتك اعترضت او
اضايقوا ؟

—لا... الشاب طالما تم ال 20... بيقا مسؤول عن
نفسه و قراراته تخرج من نفسه دون تدخل حد...
ف مفيش حد في عيلتي اعترضوا... و قولتهم
هتجوز وحدة من نفس ديني و هم قالوا ماشي
براحتك... بس كده... والله أنا عيلتي لطيفة جدا و
اتمنى يأسلموا بس كل واحد مسؤول عن نفسه

ومقدرش اجبرهم على كده لانهم مأجبرونيش
ارجع عن أي قرار اخذته...

• ربنا يهدينا جميعًا...

يارب... و يارب يهدي الخازوق اللي معترض
على الجوازة دي...

سليم بصله بغضب مكتوم... إهانة ضحك و كمل
كلامه مع والد رهنف

• عندك كام سنة يا إهانة ؟

في شهر 9 الجاي هتم 29 سنة...

• رهنف بنتي عندها 22 سنة... مش شايف الفرق
كبير ما بينكم ؟

— أنا شايفه عادي... لو حضرتك شايفه كبير
خلاص اروح ازور تاريخ ميلادي و اصغر نفسي
شوية... و بالمرّة ارجع لاياام ثانوي عشان احسن
درجة الفيزياء اللي اخذت كذا شت *يما بسببها...

ضحكوا كلهم في صوت واحد

• دمك خفيف والله... طب نقوم نسيبكم شوية
تتكلّموا مع بعض و تقررّوا...

خرجوا كلهم ما عدا سليم...

—منور يا نسيبي...

”بنورك يا غالي...”

جه محمد و سحب سليم بالعافية و خرجوا...

—اخوكي ده ماشاء الله عليه... دماغه ناشفة...

°عادي... هو بيغير عليا ف بيتصرف كده... لكن
هو طيب أوي...

—آه طيب أوي... ايه اخبارك في الجامعة؟

°الحمد لله...

—اجتهدي و اطلعي من اوائل القسم و ليكي عندي
مفاجأة كبيرة...

°اللي هي ايه؟

—دي مفاجأة... خليها لوقتها...

°أنا عندي سؤال بس... أنت بتقول إنك سافرت
كذا دولة... ده معناه انك شوفت بنات كتير اشكال
و ألوان... اشمعنا جاي تخطب من مصر؟

—و دي حاجة غريبة؟

° اه طبعاً... احنا المصريين بنطفش بره اساساً...
ف كونك واحد اصلك امريكي و ناوي تستقر هنا...
دي الغرابة في حد ذاتها...

ضحك إهان و قال

— أنا عندي اجابة مقتعة أوي ل سؤالك ده... بس
هاجلها... خليها لوقتها... لما تكوني في المكان
المناسب ابقا اقولك...

° لما اكون فين يعني؟

— في بيتي...

رهف اتكسفت و وشها احمر و بصت للأرض
بكسوف... إهان ضحك على شكلها... هو بيتعمد
يكسفها عشان بيحب شوفها و هي مكسوفة و شبه
القطط... فضلوا ساكتين شوية

— احم... حابب اشكرك على العصير... طعمه حلو
أوي

° مش أنا عملاه... ده الشغالة...

— بس انتي اللي قدمتيه... عشان كده بقا حلو...

° على فكرة... أنا معلوماتي تحت الصفر في
الطبخ... أخري اسخن الأكل بس...

ـمفيش مشكلة... ابقا اعلمك أنا... معاكي الشيف
إهان...

°بطل تطبيل لنفسك...

ـأنا مش فاهم المعنى... بصي عمّا كلميني عادي
من غير مصطلاحتك المصرية دي... لاني بقع في
دوامة لما احاول اتعمق في كلامكم...

°قصدي يعني بطل تعظم في نفسك...

ـهو أنا قولت حاجة غلط؟ ما ده حقيقي... تعرفي
أنا مليش اخوات بنات ولا ولاد و كنت بساعد ماما
في التنظيف و المطبخ... و كنت دايمًا ملزم بغسيل
المواعين... ده مش تعظيم في نفسي... أنا بفهمك
إن معنديش أي مشكلة إنني اساعدك في شغل
البيت...

°احلف!؟

ـآه والله...

°يلهوي على الراحة... كنت خايفة اتجوز واحد
يقت*لني لما يعرف إنني مش بعرف افلفل الرز...

ـمتقلقيش... انا ر عرف اففله...

ضحكت رَهف و إلهان متابع ضحكها و سرحان
فيها...

°تعالى نتكلم بجد شوية...

—اتكلمي...

°يعني لو اتجوزنا... مش شايف إن ممكن تحصل
مشاكل بسبب فرق الثقافات ما بينا؟ تمام أنت
اتعرفت على ثقافات كتيرة... بس برضو ثقافتك
الأصلية هتفضل متأثر بيها في شوية حاجات...
صح؟

—صح...

°بالتالي ده هيودي ل مشاكل...

—لا...

°ازاي؟

—فُكك من ثقافات العالم كله... مش أنا انسان ربنا
منحني عقل افكر بيه؟

°صح...

—يبقا هقدر اميز اللي ينفع و عكسه... مثلا
مثلا... مينفمش تحطي صورك على مواقع

التواصل الاجتماعي... مع إن ده عادي جدا في
ثقافتى الأصلية... بس أنا شايفه مش عادي و غلط
كمان... اللي هو مينفعش نمشي وراء الثقافة في
كل حاجة... الثقافة يعني تقاليد و طريقة احتفال...
طريقة جواز... طريقة اللبس... اما الباقي لا...

° بس أنا حاطة صورتى على الفيس...

— ما انتى هتشيلياها...

° ليه بقا؟ لسه مفيش أى حاجة رسمى ما بينا...

— لما يبقى فيه هتشيلياها... و يكون فى علمك
معنديش حوار محجبة طول السنة و تيجي فى
المصيف تقلعي الحجاب أو تبيني رقبتهك...
معنديش الكلام ده... أنا عايز مراتى تكون ملكى و
بس و محدش يشوفها غير صدفة فى الشارع...

° غيور يعنى!؟

— غيور أوى...

قالها كده بنظره من عيونه بيقصدها هي... رهنف
فهمت و بصت للسقف و سكتت...

— ايه قرارك؟

° أنا شايفة إن تفكيرك متزن و كلامك صح... لسه
مقررتش يعني...

— مفيش مشكلة... فكري براحتك... بس قدامك
اسبوعين بس...

° ليه اسبوعين؟

— عشان هسافر على أول الشهر الجاي... بقالي
فترة هنا و لازم امشي عشان بابا محتاجني و
كده... أنا شايف إن اسبوعين ده وقت كويس
تفكري فيه و ياريت متحطيش نفسك تحت أي
ضغط... مش مرتاحة خلاص عادي...

° انت ازاي مقتع كده؟ ده أنا لو رفضتك ابقا
غيبية...

— بتقولي حاجة؟

° لا لا... مفيش حاجة...

— هكلم والدك معاكي لغاية أول الشهر تفكري فيه
نكمل ولا لا... لو وافقتي هنعمل الخطوبة قبل ما
اسافر... و نستمر في الخطوبة الوقت اللي انتي
تحديده بنفسك...

° اهلك ممكن يعترضوا؟

—لا... أنا اصلا قولتلهم إني هتقدمك النهاردة...

° ماشي نشوف بابا...

—يعني موافقة؟

نادت ابوها و الباقي و رجعوا قعدوا...

• هااا قررتوا ايه؟

—يستحسن تسمع من بنت حضرتك...

• هااا يا بنتي... موافقة ولا لا؟

كله مستني رهف تتكلم ما عدا سليم مستني يسمع
منها الرفض... فضلت ساكتة شوية و سليم قال
لنفسه طالما سكتت كده يبقا هترفض... ابتسم
ابتسامة انتصار ل إهانة...

° أنا موافقة...

كله فرح و سليم اتصدم... أيلين حضنتها... رهف
حضنت ابوها و اخوها... إهانة اخذ كوباية المية
شربها و بص بابتسامة ل سليم اللي كان واقف
ببشيط من جواه...

قعدوا شوية مع بعض كمان و بعد كده إلهان و
محمد مشيوا... أيلين طلعت مع رهنف كملوا
السهرة مع بعض...

”أنا مش فاهم... أنت واقفت عليه ليه ؟

• ده أنا مش فاهم... انت رافضه ليه ؟

”عشان ده مجرد واحد صا*يع...

• مين قال كده... ده الشاب في قمة الإحترام...

”محترم؟! ده محترم!؟

• أنا عارف إنك خايف على اختك... بس متقلقش
أنا هسأل عنه و هجيب اصله من فصله... و اهو
طلع جدع و مديها فترة كويسة تفكر فيها...

”كلكم موافقين ؟ طيب ماالشي... طالما راضيين
عنه كده... بس أنا هقفله على الغلطة و هحاسبه
على كل حاجة... و لو زعل اختي... تبقا ليلته
ط*ين... و مش هسكتله...

طلع سليم على اوضته... كان متعصب أوي...
فضل يلعب رياضة يطلع عصبيته فيها... و لما
هدي دخل الحمام أخذ دُش و خرج... أيلين رجعت
عند سليم... فتحت باب الأوضة بالراحة و دخلت

على طرايف صوابعها... مفكرة إن سليم نام...
بتتسحب بهدوء... لفت لقيته في وشها... كان
شعره مبلول و لافف الفوطه على وسطه...
اتكسفت أيلين و بصت لوراء

‘ايه ده يا سليم... ما تروح تلبس...’

”لسه خارج من الحمام...’

‘امم... طب يلا روح ألبس هدومك...’

كانت بتبص للسقف و مستتياه يمشي... شافها
مكسوفة منه ابتسم بخبث و شدها خببط فيه...
مسكها من وسطها و قال

”مفكرتيش برضو في حوار الحفيد؟

قالت أيلين و هي بتحاول تفلت منه

‘لا مفكرتش و ابعده عني... أنت بتوترني بحركاتك
دي...’

زادت ابتسامته الخبيثة... فك طرحتها و قال

”متخبيش شعرك مني...’

‘أنا كنت بره... طبيعي ألبس طرحة... ايه الغريب
في كده؟’

”أول ما تدخلني هنا تفكي الطرحة... خلي شعرك
يتنفس شوية...“

”بقولك صح... هو احنا مروحين ولا هنبات هنا ؟
”هنبات هنا... بس لسوء حظك مفيش كنبه في
الأوضة دي... هتضطري تنامي في حضني
النهاردة...“

”ده أنت مزاجك رايق بقا... كنت مفكرة لما ادخل
هلاقيك قالب الأوضة هنا... معقولة مضايقتش إن
اختك وافقت عليه ؟“

”اضايقت و كنت لسه مضايق و متعصب... بس
لما شوفتك عصبيتي كلها اتبخرت في الهواء...“

”أنا هقول اللي شيفاه... لو ربنا كاتبلمهم نصيب مع
بعض هيكملوا حتى لو ظهرت مليون مشكلة في
طريقهم... ولو ربنا مش كاتبلمهم نصيب مع
بعض... كل واحد هيروح في حاله...“

”انتي صح...“

قرب من قربتها و بيشمها بتوهان... نفسه
بيصطدم في رقبته... فجأة با*سها في رقبته...
أيلين اتصدمت و ضر*بته على كتفه و قالت
بعصبية

‘يا سليم لم نفسك و ابعده عني!!

بيقل عليها أكثر و رفع رأسها بإيده عشان
عيونهم تقابل بعض...

”عيزاني ابعده؟

‘اه ابعده و بطل ق*لة أدب...

”هو انتي لسه شوفتي ق*لة أدب؟! ده أنا محترم
جدا على كده...

‘يا سليم!!

”هبعده بس بشرط...

‘ها... اطربني...

”عايز بو*سة ثغنة...

‘هههه... ده في احلامك...

”بس أنا احلامي بتتحقق...

‘يا سليم بطل غتاته و سيبيني...

”يبقا توافقي على شرطي...

‘لا مش موافقة...

”خلاص خلىنا قاعدين كده... كده كده أنا فاضي و
مش ورايا حاجة...“

’اوووف... ماشي يا بارد...“

ضحك سليم و قال وهو بيقترب وشها من وشه

”يلااا أنا مستني اهو...“

نفخت أيلين بضيق و قربت منه... با*سته في خده
برقة... سليم سرح لما شفايفها لمست خده و بقا
في عالم تاني خالص...“

’يلا ابعده...“

”دي أحلى بو*سة شوفتها في حياتي... اتمنى
تتكرر تاني...“

’الآه... ابعده يا سليم...“

ضحك على رياكشن وشها المضايق منه... بعد
عنها... اخدت لبس من عند سليم و دخلت تغير في
الحمام... سليم نشف شعره و لبس عشان ينام...
سند ظهره على اسرير و باصص على باب
الحمام... مستنيها تخرج... خرجت أيلين كانت
لابسة استريتش اسود عليه سويت شيرت رمادي
بتاع سليم... كان واسع عليها و طويل لان سليم

اطول منها و اعرض... أيلين وقفت قدام المراية و
مسكت المشط و بدأت تسرح شعرها... سليم
ضحك لما شافها لابساه...

، عارفة إنه طويل عليا...

”طويل بس؟ ده واسع أوي عليكى... أول مرة
الاحظ إني ضخم كده...

، اهو حاجة انام بيها و خلاص...

”بس مع ذلك قمر...

، طبال درجة أولى...

ضحك سليم و قام وقف وراها... اخذ المشط من
ايدها و بيسرح شعرها... أيلين واقفة بتعلب في
عَلْب البرفيوم الكريما بتاعته اللي على التسريحة
و بتجربهم على ايدها... سليم بصلها من الانعكاس
و هي لاحظت... سابت العَلْب و قالت بخجل

، آسفة... مقصدش أَلْعَب في حاجتك...

”خُدي راحتك... دي اوضة جوزك يعني
اوضتك... اعلمي اللي انتي عيزاه...

ابتسمت أيلين و رجعت تفتحهم و تشم ريحتهم...
سليم خلص و ربط شعرها ديل حسان...

”خلصت...“

إتفتله أيلين و هي ماسكة علبة برفيوم و رشت
عليه منها و قربت شمّت هدومه و قالت

’دي ريحتها خطيرة أوي...‘

”مش اخطر منك...“

ابتسمت أيلين و حطت العلبة مكانها و اتاوبت و
قالت

’أنا نعسانة أوي...‘

قربوا من السرير... سليم حط مخدة في النص
فرش اللحاف على السرير... و كل واحد نام في
النص بتاعه... سليم بيبيص على أيلين اللي مدياله
ضهرها و راحت في النوم بسرعة... كان عايز
يشيل المخدة بس خاف لتتضايق و اكتفى أنه
يراقب حركاتها الطفولية و هي نائمة...‘

جه أول الشهر و رهف ادت إهان الرد النهائي و
وافقت يتخطبوا... و تمت الخطوبة... انتهت
اجازة محمد و رجع لشغله بره و سافر معاه
إهان... إهان كان مهتم ب رهف أوي و يتواصل
معها دائما و عدى 3 شهور... و آخر مرة كلمته
فيها قالها انه نازل مصر لانها وحشته و عايز

يشوفها... و نزل بالفعل و جه فسحها و قضى
اليوم معاها و مع اهلها... و يوم عن يوم علاقة
أيلين ب سليم بتقوى و بدأت تتعلق فيه و تحبه بس
فضلت ساكته...

قولت إنك عايز تقابلني يا سليم...

إتفتله سليم و عدل الكارافته بتاعته و قال بجديّة
”اسمي استاذ سليم... أنت واقف هنا في شركتي
او عى تنسى...

نعم يا استاذ سليم...

”بُص لان أنا احتارت فيك و مش عارف أولك من
آخرك...

بمعنى؟

”يعني مش هسيبك تتجوز اختي و انت لسه بتاخذ
مصروفك من ابوك زي العيال الصغيرة... و شغلك
اللي بتقولي عليه ده أنا مش شايفه... و أنا من
حقي اطمئن إن زوج اختي المستقبلي هيبقا له دخل
دائم يصرف بيه على بيته...

و المطلوب؟

”هشتغل عندي في الشركة و تاخذ مرتب زي اي حد هنا...“

-قصدك اشتغل معاك ؟

”لا... أنا مقولتش كده... أنا قولت هتشتغل عندي... و حط تحت الجملة دي مليون خط يا امريكي!!“

البارت ال 15 من رواية عيناى_لا_ترى_الضوء
X

-و المطلوب ؟

”هشتغل عندي في الشركة و تاخذ مرتب زي اي حد هنا...“

-قصدك اشتغل معاك ؟

”لا... أنا مقولتش كده... أنا قولت هتشتغل عندي... و حط تحت الجملة دي مليون خط يا امريكي!!“

-افهم من كده إنك بتذ*لني ؟

”اسمها خايف على اختي و على مستقبلها... لازم بيقا عندك دَخل مضمون للأبد... عشان كده هخليك تشتغل في شركتي ...“

-والله ؟ مين قالك إني هوافق ؟

"ما أنت هتوافق غصب عنك..."

-و ايه اللي هيجبرني لكده ؟

"عشان خطوبتك تعدي على خير و تتجوز... لو مش عايز تكمل خلاص... الباب عندك اهو... افتحه و اخرج... بس قبل ما تخرج هتقلع الخاتم اللي في ايدك ده و تبعد عن اختي ..."

-بتك*سر عيني يعني ؟

"بالظبط كده... عايز تكمل... اهلا وسهلا بيك في شغلك الجديد... مش عايز خلاص براحتك بس في الحالة دي يبقا معدناش بنات للجواز من الآخر يعني ..."

بصله إهان بغضب مكتوم... مرضيش يتخانق معاه
عشان رهف متر علس ...

-المرتب كام ؟

6000 "آلاف جنيه... المفروض خمسة بس
زودتلك ألف من عندي عشان برضو أنت لسه في
بداية حياتك و عايز تتجوز و تفتح بيت ..."

-على أساس المرتب ده هيفتح بيت يعني ؟

"يفتح طبعا ...

-ده اللي هو ازاي ؟

"لما تشتغل بضمير و تحافظ على فلوسك و تبطل
تبذير... و تبطل تدخل في مشروعات زي اللي
قولت عليه لابويا و في الآخر صاحب المشروع
طلع نصاب و اخذ فلوسك و محدش يعرفه
طريق ...

-أنت عرفت ازاي أنه طلع نصاب ؟

"حبيبي يا إلهان... أنا سليم المهدي... بعرف أي
حاجة بسهولة... أكيد مش هعمل زي ابويا و
اصدقك على طول... كان لازم اراقبك و عرفت اهو
إن اتنصب عليك... ف خليك بني آدم و حس على
دمك شوية و ابدأ تتعود تشيل المسؤولية... و
تحس إنك هتبقا مسؤول عن مراتك و فيما بعد
هتزيد المسؤولية لما يكون عندك اطفال ...

-ر هف عرفت ؟

"هيبقى منظرِك وحش قدامها لو عرفت إن الهدايا
اللي بتجيبها تبقا من فلوس ابوك... على العموم
أنا مقولتش ليها عن حاجة... بس لو عملت فيها
روش و اتكبرت على الوظيفة اللي جاتك لحد

عندك... هقولها... ساعتها هي اللي مش هتكمل
معاك لثانية... مفيش اوحش من البنت لما تعرف
إن اللي هيكون جوزها واحد مستهتر و اتكالي و
مش بيشيل مسؤولية... و أنا بديك حبل تتطلع بيه
لاوق و تخرج من جو جيل السنة دي اللي مآثر
عليك... هااا قولت ايه؟

سكت إهان شوية... هو فعلا محتاج وظيفة و مش
هيعرف يشتغل عند والده عشان خلاص استقر في
مصر... و مش عايز يخسر رهنه لانه بيحبها...
-تمام... أنا موافق...

ابتسم سليم و اداله شنطة سودة...
-ايه ده؟

"يونيفورم الشركة الرسمي..."

-هو أنا هبدأ شغل من النهاردة؟

"و من دلوقتي كمان... الساعة لسه 1 الظهر...
لسه بدري... ابدأ النهاردة عشان تعرف التفاصيل
و بكره وراك يوم طويل أوي..."

-و هشتغل كام ساعة؟

"من 9 الصبح ل 9 بالليل..."

-بس ده كثير...

"مش كثير ولا حاجة... اعمل حسابك احنا ممكن
نطول اكثر من 9 بالليل ده على حسب اللي هنعمله
كل يوم و ممكن ناخذ وقت اكثر ...

-بس أنا بسهر... مستحيل اعرف اصحى 9 الصبح
!

9 "الصبح هتكون هنا مش هتكون لسه
بتصحى... ابقا عود نفسك تصحى بدري... سهلة
اهي ...

-طب هعمل ايه دلوقتي ؟

"روح اوضة تغير الملابس بتاعت الرجالة...
اغسل وشك و غير هدومك و شعرك يرجع
لوراء... معنديش موظف واحد في الشركة جايب
شعره على جنب زيك... تمام يا زوج اختي
المستقبلي ؟

-تمام ...

قالها إهان و هو بينفخ بضيق و خرج... ابتسم
سليم بانتصار و قعد على مكتبة و مسك مج الكوفي
بتاعه... شرب و قال

"والله لاعلمك الأدب يا امريكي... أنت اصلا بسكوتة و مش هتستحمل قواني و هتطفش على بلدك من تاني... استحمل بقا... أنت اللي جبته لنفسك ...

بدأ إهانة شغل مع سليم... سليم علمه كل حاجة و عرفه النظام الماشي في الشركة... اشتغل إهانة السكرتير الخاص ب سليم... بينظمله مواعيده و اجتماعته و ملفات المنضمين جديد... كمان هو المسؤول عن الانترفيو الخاص بالوظيفة... ساعات سليم بيروح بدري و يسيبه لوحده في الشركة يكمل شغله و مش بيسمحله يرجع بيته غير لما يخلص كل اللي عليه... إهانة اخذ شغله ده بجد و حب يثبت ل سليم أنه اد المسؤولية و يقدر يشيل رهف في عيونه و يحافظ عليها... كان كل يوم يرجع الساعة 10 بالليل... يستحمي و يكلم رهف ساعتين و ينام و لما يحصى يفطر و يلبس ل شغله... كل يوم بنفس النظام... بطل يروح صالة الألعاب كثير زي زمان... مفيش غير يوم الجمعة عنده فاضي... بياخذ رهف يتفصحوا أو يشتروا حاجة ناقصة بيتهم... و استمر الكلام ده 6 شهور كاملين... إهانة حس فيهم أنه خلاص دخل في الجَد و هيبقا مسؤول عن البيت... سليم بيعترف إن

إلهان مقصرش في شغله أبدأ و بدأ يستلطفه لما
لقيه خايف يخسر اخته و بيعمل المستحيل عشان
يكمل... و اتصاحبوا هم الاتنين و إلهان بقا جزء
رئيسي من الشركة ...

'اتأخرت ليه ؟

"فيه ملفات بتوع موظفين الشركة كلهم...
راجعتهم و حسبت هزود مرتب كل واحد فيهم كام
جنيه... ف اخدت وقت جامد ...

'إلهان كان معاك ؟

"اكيد طبعا... مش عارف أنا بقول كده ازاي بس
إلهان بقا ايدي اليمين... و لو مجاش الشركة كنت
هغرق بين الورق النهاردة... بمأمانة طلع شاب
يُعتمد عليه فعلا... ده حتى دمه خفيف ...

'سبحان الله !! أنت متأكد إن الكلام ده بتقوله في
كامل قواك العقلية ؟

"اه... والله طلع كويس... هكذب يعني ؟

حطت أيلين ايدها على جبينه و قالت

'شكك سخنت... سليم أنت كويس ؟

"أنا كويس والله ...

'تتحسد والله... بس تعرف... عجبتي حركة إنك
تشغله في الشركة... يعني اهو كسب خبرة في
مجال عمره ما كان يتخيل أنه ينجح فيه... و
الناحية الثانية بقا تحت عينك و ايده في ايدك... و
بقا حاسس بالمسؤولية و عرف يعني ايه جواز...
يعني مكنتش مفكرة إنك بتحب اختك لدرجة إنك
عملت كل ده عشانها و عشانه ...

"زي ما محمد بيحبك كده... ده محمد اتصل فيديو
عليا امبارح... جاي يتخايق معايا لانه لما اتصل
عليكي كان صوتك مش كويس... و كان مفكر إن
أنا اللي زعلتك و في الآخر طلعتي متخائفة مع
صحبتك و أنا اتبهذلت منه امبارح ظلم ...

ضحكت أيلين و قالت

'ما هي ضايقتني فعلا ...

"ليه؟

'بتقولي ان فيه واحد متجوز بيحبها و
هيتجوزها ...

"يلهوي ...

'قولتها مينفesch كده و حرام انتي كده بتخربي
بيته و ايه ذنب مراته إن يخو*نها كده... راحت

اتخانت معايا بسبب كده و قالتلي مش عايزة
اعرفك تاني... باعتني في لحظة عشانه... عشان
كده كنت مضايقة امبارح ...

"شووف الوا*طية ...

'متشت*مش عليها ...

"بعد اللي عملته فيكي ؟

'آه... يعني مش معنى إن صداقتنا انتهت يبقى
انسى كل حاجة كانت جميلة ما بينا ...

"والله قلبك ده انضف قلب في الدنيا كلها... هي
اللي خسرت... خسرت وحدة جميلة زيك ...

'يلا اللي حصل حصل خلاص ...

مال سليم على كتفها و قال

"هدخل اخد دُش صغفن و راجعلك تاني ...

ابتسمت أيلين و قالت

'ماشي... خُد راحتك ...

قام سليم و أخذ هدوم من الدولاب و دخل الحمام...
أيلين فضلت تلف رايحة جاية في الأوضة

'طب أنا هقوله ازاي ؟ و هبدأ الموضوع ازاي
اصلا؟! أنا بكش زي الفيران لما يقولي كلمة حلوة
و يبصلي بعيونه السكر دي... بتكسف أوي من
نظرتة ليا... هقوله ازاي إني بحبه ؟ هو مستني
مني الكلمة دي من زمان أوي... و أنا قررت
اعترفله و بقالي اسبوعين كاملين مش عارفة
اقوله حاجة !!

قعدت على السرير و قالت

'أنا محتارة أوي... (مسكت التليفون و فتحتة و
كتبت) كيف اعترف لزوجي أنني احبه ؟... ايه ده
؟! دول فهموني غلط خالص... أنا مش قصدي
ق*لة الادب اللي ظهرت في نتائج البحث دي... أنا
عايزة اتشجع و اقوله بحبك... كلمة بس...
اوووف... حتى انت ما أفديش بحاجة ...

خرج سليم من الحمام و هو بينشف شعره... أيلين
قفلت التليفون بسرعة ...

"لو بتكلمي حد من صحابك... مش لازم تفصلي
عشان دخلت الأوضة... كملتي مكالمتك عادي ...

'لا... خلاص ...

"براحتك ...

'هو التيشيرت ده جديد؟

"آه... حلو؟

'ده حلو أوي ...

"حبيبتى ...

'بقولك يا سليم ...

"هااا؟

'هو أنت ازاي بتقول حبيبتى و بحبك بسهولة كده ؟

"عشان أنا بحبك فعلا... عادي ...

'يعنى مش بتتكسف و انت بتقولهم؟

"و اتكسف ليه؟ انتى مراتى... ف أكيد مش هتكسف ...

'اممم ...

"ثوانى... انتى بتسألنى ليه؟

'مفيش... مجرد فضول ...

"فضول آه... (أخذ الجاكت و كمل) طب أنا

خارج ...

'ليه خارج؟

'في حجز كورة النهاردة... هروح النادي ...

'بس أنت طول النهار في الشركة و جيت المتأخر
كمان و دلوقتي خارج تاني !!

'عندك مشكلة؟

'لا ...

بصت للناحية الثانية و ربت ايديها زي الأطفال لما
بتزعل... سليم عرف انها اضايقت... رمى الجاكت
بعيد و قعد جنبها ...

'لو مش عيزاني انزل... قولي ...

'لا مفيش... انزل براحتك... يعني أنت بتشتغل
طول اليوم و من حقك ترّفه عن نفسك ...

'يعني مش هتضايقي؟

'لا مش هضايق... أنا مين اصلا عشان اضايق ...

'ايه الهبل ده... يا بنتي انتي مراتي... من حقك
تقولي على أي حاجة متعجبكيش ...

'ماشى... يلا روح عشان تلحق الحجز ...

"و اسيبك و انتي بالوش ده و محمد يبهدلني ؟
يغو*ر الحجز في ستين دا*هية ...ابقا احجز
غيره... يلاا قوليلي اراضيكي ازاي ؟ اجبلك
شيبسي حجم عائلي بطعم الشطة و بيقا الكيس
بتاعك لوحدك... اجبلك كمان 6 مندولين... ولا
اقولك انا انزل اشترى فيشار و نعمله و نتفرج سوا
على مسلسك التركي المفضل اكيد على ما اعتقد
انه جاي النهاردة... ها قولتي ايه ؟

بصتله أيلين و هي مبتسماله بحُب... سليم بيخاف
على زعلها أوي و بيعمل أي حاجة عشان
متزعش... لدرجة أنه رفض يمشي لما لقيها
زعلت... كانت ساكتة و بتبص ل عيونه اللي جواها
نظرات مليانة حُب و اهتمام ليها...

"أيلين يلا قولني قبل ما عم حسن بتاع السوبر
ماركت يقفل... قررتي ايه ؟

'أنا بحبك ...

"برضو مقولتيش عاي... لحظة بس... انتي
قولتي ايه دلوقتي ؟

'بحبك ...

"أكيد أنا بحلم دلوقتي ؟ ده مونتاج صح ؟

'لا والله مش مونتاج... أنا بحبك يا سليم... بحبك
بجد... و أنا محظوظة أوي لانك في حياتي ...

"مش مصدق برضو... الكلام ده كله طالع منك
انتي شخصيًا ؟ !

'شوفت بقا... ما أنت عرفت فعلا تخليني احبك...
تعرف أنا لما اتأكدت إني بحبك بجد... كنت ناوية
اقولك من كذا اسبوع... بس كنت محرجة و مش
عارفة ابدأ ازاي... خرجت مني دلوقتي بعفوية...
مقدرتش اخبي الكلمة دي تاني جوايا...سليم أنا
مش عارفة ازاي بقيت بحبك كده... و عايزاك
جمبي دايمًا و متسبنيش للحظة وحدة حتى...
مكنتش متوقعة كده ولا خطر في بالي حتى)
مسكت ايده و حطتها على قلبها (بس ده حبك يا
سليم... بقا يدق بسببك و حَس بالحب الحقيقي
بسببك أنت... أنت عرفت تكسب قلبي زي ما
قولتلي زمان... ده أنا بقيت بغير عليك أوي...
عايزة قلبك يكون ملكي أنا و بس... ممكن يا سليم
؟ ممكن متحبش غيري و أنا ابقا البنت الوحيدة
اللي بتحبها ؟

سليم هو بيسمع كلامها... عيونه دمعت... مش
مصدق اخيرا إن الاعتراف اللي مستنيه بقاله كتير
اخيرا سمعه منها... مسك ايدها و با*سها ...

"ده أنا ابقا غبي لو حببت غيرك... ربنا بيحبني
أوي لاني جوزك... و حبيبك... أيلين انتي
متعرفيش اد ايه أنا كنت مستني اليوم اللي هتيجي
تقوليلي فيه بحبك... مش قادر اوصفك فرحتي...
انا مبسوط أوي... شوية و هنف*جر من
الانبساط... انتي بجد احلى و اجمل و أطف حاجة
حصلتلي في حياتي و بحمد ربنا إني اعرفك و
قريب منك... أنا كمان بحبك... بحبك أوي... و
معرفتش يعني ايه حُب غير لما عرفتك ...

عيطت هي كمان... مسح دموعها بإيده و قال

"بغبائي كنت هنزل من غير ما اسمع الاعتراف
اللطيف ده... يو*لع النادي... أنا قاعد معاكي...
مش هنزل... بس عندي طلب... ممكن احضنك؟

هزت أيلين رأسها بالموافقة... ابتسم و اخدها في
حضنه... أول مرة يحس بدفى حضنها... أول مرة
تبادلله الحضن... دفنت رأسها في رقبتة و غمضت
عيونها... فضلت في حضنه يجي نص ساعة...
سليم عرف انها نامت... أول مرة تثق فيه و تنام

قريبة منه بالراحة دي من غير ما تخاف منه...
شالها بلطف و نيمها على السرير... نام جنبها و
رمى المخدة اللي في النص على الأرض و قال

"مفيش حواجز تاني هتمنع إنك تنامي في حضني
يا أيلين !!

قرب منها حضنها... خباها بين ضلوعه... و بيشم
شعرها زي ما هو عايز... و بإيده الثانية بيلمس
على خدها الناعم...

تاني يوم ...

صحيت أيلين... ملقيتش سليم جنبها على
السرير... افكرت انه راح الشركة بس لقيت
تليفونه على الشاحن... خرجت... لقيته في المطبخ
بيحضر الفطار... ضحكت و قربت منه... حضنته
من ظهره ...

"صحيتي ليه ؟ كنت عايز اجبك الفطار على
السرير ...

'كنت مفكرة إنك روحت الشركة ...

"هروح على بعد الظهر كده... قولت احضرك
الفطار بنفسي بما إنك خلاص اعترفتي ...

'بس كنت أنا هحضرك الفطار عشان بتشتغل
و ...

'بس خلاص عملته... يلا روجي اغسلي وشك و
استيني في الأوضة ...

'ماشي ...

دخلت أيلين الحمام غسلت وشها و رجعت الأوضة
سرحت شعرها... فجأة تليفون سليم رن... مسكته
و لقيت اللي بيرن وحدة اسمها سلمى... دخل سليم
و حط الصنية على الترابيزة ...

'يلا اقدي ...

'مين سلمى اللي بترن عليك دي يا سليم ؟

'سلمى ؟ مكتوب سلمى عز ؟

'اها ...

'دي اللي ماسكة الحسابات في الشركة ...

'و بترن عليك ليه ؟

'اكيد عشان مروحتش الشركة لغاية دلوقتي ...

'كل ما أنت هتتاخر على الشركة... هي هترن
عليك يعني ؟

"تلاقيها عايزة حاجة مني ...

'اللي هي ايه بقا ؟

"حاجة تبع الشغل ...

'تبع الشغل !! اممم... بس اظن لو حاجة تبع
الشغل زي ما بتقول... مش هترن عليك كده... كل
ما الرنة تخلص بترجع ترن تاني ...

"مممكن فيه حاجة ضرورية ...

'هي عارفة إنك متجوز ؟

"كل واحد في الشركة عارف اني متجوز... ف
اكيد عارفة اني متجوز ...

'طالما هي عارفة أنك متتيل متجوز... ليه بتتصل
بيك الساعة 10 الصبح... ولا هي ميول البنات
دلوقتي بقت تتجذب للراجل المتجوز ...

"قصدي ايه يا أيلين ؟

'قصدي طالما بتتصل كده يبقا غرضها حاجة تاني
غير الشغل... طالما أنت مردتش مفروض تفهم إنك
متزفت نايم في حضني... لكن دي عندها اصرار
رهيب... رنت حاولي 4 مرات اهو... شوف اهي
البع*حة رنت تاني برضو !!

ضحك سليم لانه شايف نار غيرتها جوه عيونها و
في كلامها... عرف انها وقعت في حبه وقعة
سو*دة و محدش سمى عليها... اخذ التليفون منها
و رد على سلمى و فتح الاسبيكر عشان تسمع
بنفسها ...

"ها يا سلمى فيه ايه ؟

*معلش لاني اتصلت على حضرتك... بس يا استاذ
سليم حضرتك جاي امتى الشركة ؟
"بعد الظهر ...

*طب فيه 13 ملف بتوع حسابات الزيادة اللي
دخلت الشركة... قولت حضرتك إنك عايز تشوفهم
قبل ما يروحوا للمسؤول بتاع المصنع ...

"اه فعلا عايز اشوفهم... خليه عندك لغاية ما
اجي... متخليش حد يقربلهم ...

*حاضر يا استاذ سليم ...

قفل سليم تليفونه... بص على أيلين اللي وشها قلب
احمر من الموقف المحرج ده

"ظلمتي البت يا شيخة ...

'و أنا ايه اللي هيعرفني انها عيزاك في كده ...

"قولتك دي اللي ماسكة حسابات الشركة ...

'مسمعتش ..

"بتكذ*بي عليا ؟ !

'لا ...

"ماشي... يلا اقعدى ناكل سوا قبل ما الأكل

يبرد ...

قعدت أيلين و بدأت تاكل و مش قادرة تبص ل سليم
اللي عيونه عليها و مبتسم... مسك كوباية اللبن و
بدأ يشربهاها ...

"ما تقولي إنك بتغيري عليا بدل التحقيق اللي
عملتية معايا ده ...

'اه بغير... عندك مانع ؟

"لا طبعا معنديش... هو أنا اقدر افتح بوقي
حتى... بس انتي كنتي هتولعي من الغيرة ...

'خلاص خلصنا يا سليم... قوم يلا البس عشان
تروح شغلك ...

"بتطرديني ؟

'آه ...

"رد غير متوقع بالمرّة ...

ضحكت أيلين و اخدت الصنّية و راحت تغسل
المواعين... سليم لبس و راح ل شغله...

في الليل الساعة 9 ...

سليم رجع البيت... غير هدومه و غسل وشه...
أيلين كانت بتستحمى... خرجت أيلين من الحمام و
هي لابسة البورنص... دخلت الأوضة لقيت الانور
مطفي و في شموع منورة و ورد على السرير ...

'هو سليم محضر ليلة رومانسية ليا ولا بيحضر
عمل هنا في الأوضة ؟

"بحضر عمل يا خفيفة ...

بصت وراها لقيته ساند كتفه على الباب و بيضحك

"ضيعتي هيبة المفاجأة يا ...

'يا ايه ؟

"يا قمر ...

'ايوة كده اتعدل... قولي بقا لمين محضر الجو
الرايق ده ؟

"هيكون لمين يعني... ليكي انتي طبعا ...

'و ده بمناسبة ايه؟

'بمناسبة إن اخيرا عرفت مشاعرك اتجاهي...
بقولك صح... مفكرتيش برضو في حوار الحفيد؟
'برضو تاني؟! من اول ما باباك قال الجملة دي و
انت معلق عليها من ساعتها ...

'مفكرتيش يعني؟

'لا مفكرتش ...

'عندك حق... اطفال بيحبوا ايه غير الصداع...
خلينا كده... لوحدنا احنا الاتنين و بس... خلينا
رايقين كده ...

شغل سليم اغنية رومانسية و هادية... قرب من
أيلين... مسكها من وسطها و أيلين حاوطت رقبتة
بايديها الاتنين... بدأوا يرقصوا سوا و يدندنوا مع
الأغنية ...

'حد قالك قبل كده إنك جميلة أوي !

'لا... انت أول واحد تقولها... و مش عايزة
اسمعا غير منك أنت... يا حبيبي ...

'حبيبي مرة وحدة؟! ده أنا أمي دعيالي بجد ...

'مالك مستغرب ليه ؟ أنت حبيبي الأول و
الأخير ...

"بحبك ...

'و أنا كمان ...

ابتسملها بكل حُب و عيونه اللي مليانة عشق
بتبصلها بهيام... سرحان فيها و في جمالها...
مكنش متخيل إن البنت اللي مكنش بيطبقها...
هتبقى نفس البنت اللي النهاردة سرحان في
ملامحها و مسحور بجمال عيونها و شعرها... و
بحركة سريعة أخذ شفايفها في قبلة رقيقة كلها حُب
و حنان ...

"اسمع يا ض أنت... تعرف لو سمعت أنك زعلت
اختي... هقت*لك !!

-متقلقش اختك هحطها في عيوني ...

"تعرفي يا رHF لو قالك بس كلمة مش عجباني و
سكتي... هقت*لك انتي كمان !! او عى تنسي إني
معاكي ...

•فيه ايه يا ابني... أنت بتخوفهم على كده ...

"معلش يا بابا... بس لازم كل واحد يعرف اللي له
و اللي عليه... و بقولك اهو يا امريكي... لو دمة
نزلت من عيونها حتى لو بالغلط... هقت*لك ...

-بدل ما تقولي ألف مبروك... جاي بتهدني في
يوم فرحي؟!!

"ما التهديد ده معناه بالمصري اني بقولك الف
مبروك... ولا تحب اوريك الألف مبروك اللي بجد
!؟

-لا لا متورنيش... مش عايز اشوف حاجة...
خلاص فهمت... لو اختك دمعت من تقط*يع البطل
أنا هتق*تل... حلو كده؟

"طول عمرك فهم... يا زوج اختي ...

-الآه؟! شايقين يا جماعة... ده اعترف بيا اخيرا
!

ضحكوا كلهم ...

"يلا بقا خُد عروستك و روحوا على بيتكم... ألف
مبروك ...

سليم حزن إلهان... إلهان كان مبسوط أنه أخيرا
اتجوز رHF و عرف يكسب ثقة سليم... سليم
حزن رHF و قال

"هتوحشيني يا حز*مة ...

° اوعى تستغل عدم وجودي و تلعب في اوضتي يا
سليم و تاخذ شرباتي ...

"مأخذتيش ليه شرباتك معاكي ؟

° هاخذ شربات إلهان ...

-ده في احلامك ...

° انا اصلا متجوزاك عشان ألبس معاك هدومك
مش عشان اسر*ق شرباتك بس ...

-شوف البت ! اظهري على حقيقتك يا استغلالية...
و أنا مستغرب ليه أساسا... دي اخت سليم و
طبيعي تقول كده ...

"بتقول حاجة ؟

-بقول كل خير يا نسيبي ...

"احسب... طب يلا على بيتكم... و لا ناويين تباتوا
معانا ؟

-شكرا يا رجولة على ذوقك... يلا يا رهف نمشي
بكرامتنا قبل ما اخوكي يمشينا من غيرها ...

ضحك سليم و إلهان مسك ايد رهف و ركبها
العربية و مشيوا ...

أيلين سائدة على كتف سليم و في ايدها الهيلز و
طالعين على سلم بيتهم... أيلين كانت بتضحك
بهستيرية و بتقول

'الهيلز ابو 800 جنيه كعبه اتك*سر من ليلة
وحدة... مش معقول !!

"اهو نصيبه كده ...

'نصيب ايه يا سليم... قولتلك انزل سوق السبت
اشتري واحد ب 300 جنيه لو كنت ركبت بيه على
جبل مكنش كعبه هيتك*سر زي ده... بس أنت
عملت فيها أبو الكرم كله و اشتريتلي واحد غالي و
في الآخر مكلش يوم و كعبه اتك*سر ...

"الغلط عليا لأنني قولت اجبك حاجة نضيفة ...

'نضيفة ايه يا عم... اهو الهيلز ما*ت ...

"ما طبيعي يمو*ت يا أيلين... ده انتي قعدتي تلفي
في القاعة النهاردة زي النحلة ...

'مش كنت بستقبل البنات صحاب رهنف... خُد هنا
صح... أنت ليه مختلتيش ارقص النهاردة ؟

"عشان أنا مسمحش لمرات سليم المهدي حد
يشوف رقصها غيري ...

'على أساس بعرف ارقص اصلا... كنت هشوح
بايديا و خلاص بس حضرتك رفضت ...

"عشان أنا مسمحش لمرات سليم المهدي حد
يشوف تشويح ايديها غيري ...

'يا عم اتنيل ...

"أنا غلطان لاني بغير عليك ...

'بمناسبة الغيرة... هي مين القمورة اللي كانت
لابسة بلوزة زرقا و سلمت عليك دي ؟

"موظفة عندي في الشركة ...

'و ليه سلمت عليها بايدك ؟ تحب اقط*عك ايدك
يعني ؟

"هي جات سلمت عليا بايديها... ملحقتش افهمها
إني مش بسلم على بنات ...

'والله ؟ أنت بتسلم على بنات براحتك و أنا
مبسلمش على رجالة... فين المساواة... أين العدل
؟ طب ايه رأيك لما اخرج هسلم على كوم رجالة
بأيدي ... عشان تعرف تسلم على السنيورة دي
بأيديك تاني ...

"اذا كان الحوار هيقلب كده... يبقى يلا بينا دلوقتي
على اقرب محكمة أسرة ...

'مينفمش ...

"ليه ؟

'كعب الهيلز مك*سور ...

ضحكوا سوا

"الصراحة الكلام معاكى له طعم تاني ...

'بالمشمش ولا بالفراولة ؟

"تقلشي هديكي بالجز*مة... بعدين انتي ليه سائدة
على كتفي كده زي الحوامل...

'كمان ك*سرت الهيلز و ليك عين تتكلم يا ب*جح

!

"هيلز ايه اللي كسر*ته... انتي هتلبسيني
جر*يمة و خلاص؟! اوعى يا بت كده هتجيبلي
الغضروف ...

فتح سليم باب الشقة و دخلوا... كل واحد فيهم راح
يغير هدومه ...

'بترن على مين في الوقت ده يا سليم؟

"برن على رهف اتظن عليها...

سحبت أيلين من ايده التليفون و قفلته و قالت و
هي بتضحك

'بترن ليه برضو... دول مكلوش ساعتين على
بعض في بيتهم... دي أول ليلة ليهم مع بعض...
فيه ايه مالك؟

"رهف وحشتني ...

'أنت بتهزر صح؟ دول عرسان يا سليم سييهم
على راحتهم... اتهد بقا ...

"طب هاتي التليفون ...

'الا... مش هخليك تبوظ أول يوم ليهم... عرفاك أنا
و عارفة حركاتك دي... برضو مش سايب الشاب
في حاله لحد الآن ...

"مش هتصل بس هاتي التليفون ...

'احلف؟

"هاتي بس ...

'طالما مش راضي تحلف يبقا انت ناوي فعلا تبوظ
ليلتهم ...

"بت بقولك هاتي التليفون !

'و أنا بقولك لا مش هتاخده !

"بقا كده؟

'آه بقا كده !

فضل يقرب منها و هي بترجع لوراء لغاية ما
وقعت على السرير... ابتمس بخبث و قرب منها
لغاية ما بقا فوقها... و هي مخبية التليفون وراء
ضهرها ...

"مش هتديني التليفون برضو؟

'مفيش تليفونات... و يلا روح نام الوقت اتأخر ...

"مش قادر انام غير لما اتطمئن عليها ...

'يا سليم بطل غتاتة... ابقا اطمئن عليها بكره ...

"طب هاتي التليفون بقولك ...

'لا ...

سليم با*سها في شايفها و بيلعب في شعرها و
همس في ودنها

"هاتي التليفون بدل ما اخلي ابويا اسمه جدو...
هاا قولتي ايه ؟

'طب ابعده الاول ...

"لا ...

'يووه... أنت بارد !!

"و انتي قمر !!

دفن رأسه في رقبتها و حضنها ...

"انتى على طول كده قمر ولا انتى ايه حكايتك
بالظبط ...

'يا سليم ابعده ...

"لو بعدت ابقا غبي... أنا بعشقتك يا أيلين ...

'و أنا كمان يا روح أيلين ♥ ...

سأختلس رَأْحَتَكَ وَ أَخْبِيهَا فِي رِئْتِي لِأَتَنْفَسَكَ
كُلَّمَا رَأَوْنِي الشَّوْقَ إِلَيْكَ! ...

“لَا إِرِيدُ أَنْ أَشْهَدُ غِيَابَكَ ، إِرِيدُ أَنْ أَغِيبَ مَعَهُ! ...”

كل شيءٍ استطيع أن اکتفی منه الا نظرتي لکِ
””””” ♪♥

تمت ♥ ...